

蘭皋詩鈔序

蘭皋詩鈔序

蘭皋詩鈔序

蘭皋詩鈔序

有詩人之詩有止  
以求片語隻字之  
詩人而傳是謂詩

人之詩事功炳天壤聲名垂史冊無所藉詩而又  
長於詩是謂非詩人之詩今謂澄溪先生長於詩  
可也謂澄溪詩人而已者不可也澄溪未冠時即  
有聲壇坫結交老蒼詩文制藝冠一時外舅宋文  
恪公于諸子姪中首為器重既數躋場屋因以明  
經入仕起家縣令至監司宦遊三十年所至有奇  
猷異績利國澤民為山左觀察時值

蘭皋詩鈔

陳序

一

六御南巡屢荷

名對

天語褒嘉慰勞將大用矣未幾以養母乞歸忠孝  
兩盡既服闋補神木道而

聖心眷念以邊地寒苦非高年所宜令以原品致  
仕蓋其名實昭著世莫不知而詩特寄其忠愛孝  
友纏綿愷悌之情之所為作也周公召康衛武尹  
吉甫之詩皆入尼山之選而不能目周召衛尹為  
詩人東山七月其描摹農圃室家情事一何工以  
妙也卷阿之咏麗以則也賓筵賦醉容栩栩活也

崧高烝民穆如而肆好也似與勞人思婦爭奇關

妍而其稱于世者以盛德閎業而不以風雅所謂  
非詩人之詩詩人遠不逮哉善讀三百篇者可與  
言澄溪之詩矣澄溪年長予三歲密戚心知交好  
如骨肉別四載矣令子亮虞由部郎出守端州而  
澄溪來就養今端守頌聲溢四境者趨庭之教也  
端與桂密邇澄溪扁舟訪予握手道平生歡因出  
其所著詩自少至今為集十餘種而彙之曰蘭皋  
詩鈔以屬予序夫澄溪之于詩工且富矣使其無  
他樹立而是集已足榮世而傳後以抗衡詩人之  
前止詩鈔  
陳序  
二  
列矧其忠愛孝友任艱鉅理盤錯體用經綸宇內  
莫不景企則是詩集也特先生寄托之餘事耳予  
故不辭而序之以告後之讀是集者無徒以詩人  
目澄溪則得矣康熙甲午清和既望海寧弟陳元  
龍拜題于桂林官署之澄懷堂

敘

長洲宋子澄溪與余幼同學長同遊壯而後先同仕其間升沈顯晦患難憂疑亦約略同而履危不驚數困不移更有不言而喻不謀而合者儒行云合志同方營道同術得非吾兩人謂歟辛巳夏余幸蒙

特恩復得備員禁近而澄溪亦蒙

擢觀察使需次京師因得朝夕繼見歡然道故

澄溪出所著葑水吟都下集及房子關中出關淵

覲天寧西征諸詩示余曰余之遇具於是余之志

南星詩集

孫序

一

見於是余讀之志正以直語和而平蓋舉數十年之憂悲愉懌以發其纏綿愷惻之思非流連景物以矜巧詭于一字一句之間者之為也兩人印正何異鸞舞鏡而得偶鷹影澗而鑒形蓋相遇以性情而不徒形迹之似矣繼而澄溪持節濟東又得歷下詩乙酉春

天子南巡回鑒駐蹕濟寧

特賜澄溪母管太夫人

御書北萱暎絲扁額又三年而澄溪乞養以歸萊衣孺慕絲暎北堂洵人生之樂事而澄溪忠孝之

思所與余言于夙昔者今果兩無憾矣自是所得詩以暎絲名榮

君賜也明年澄溪彙前所著詩命余敘嗚呼余而敘澄溪之詩何異余之自敘余詩乎蓋天下交之久知之深志合而道同者莫余兩人若也雖然澄溪歸侍其母而樂而余則永懷誌感不得復同澄溪之樂余能無羨于澄溪乎哉練川同學弟孫致彌撰

南星詩集

孫序

二

蘭臯者長洲之葑里宋澄溪先生讀書處也室前後各三楹而四壁圖書經史子集備具澄溪日夕吟誦其中以殖其學而暇輒為詩余先君子與儉齋夫子交厚又里居相近以故余自幼嘗至其居澄溪善行楷書才思泉湧即席揮毫日可得詩數十首人愛其詩并愛其書甫脫稿爭取以去生平著作甚多今所存者十之二三也余見而心羨之稍長亦欲學為詩見先君子手抄漢魏唐宋元明人詩各數十本本各寸許謂熟此乃可溯源流而別體裁余自慙鈍拙因以知詩之未易言也而澄溪先生則常強余作詩以為陶寫性情導揚湮鬱遇河山之壯麗花鳥之迎時故交睽隔千里相思勝友從遊連句共話亦何可無詩哉且詩非徒工于字句也彼風雲月露之辭非不肖于人口而其人其事或無可稱道雖警且工何益故蘭臯之詩多忠愛悱惻之詞雖感時賦物而志不忘乎君父非直求工于字句間者比矣澄溪自拔貢入成均即去蘭臯跋歷仕途者三十年比乞養而歸斑衣舞綵之暇輒復吟嘯蘭臯中今其詩所為葑水吟者作于蘭臯者也都下集以下去蘭臯而作於燕秦齊魯之區者也

錄二集則又蘭臯中所作也澄溪既歸蘭臯命余次序其詩余竊慨夫人之詩或人以詩重舍詩而其人或無可言蘭臯之詩詩以人重讀其詩而其人蓋可想焉夫余非知詩者昔先君子雅重澄溪且足以知其詩惜乎澄溪之歸著詩甚富而先君子不及見之也先君子字雲翼性愛閒適嘗稱居一樓耽吟自娛著一角山樓集康熙五十三年歲次闕逢敦牂如月之吉同里謝有輝立夫氏序

蘭皋詩鈔目錄

卷首

紀 恩詩

上幸五臺山於長壽莊敬迎

聖駕恭紀

上再幸五臺山於曲陽縣迎 駕恭紀

恩賜故祖扁額恭紀

恩賜母氏扁額并 賜 臣廣業 詩幅字扇恭紀

恩賜水晶鼻煙壺恭紀

子假歸養恭紀

蘭皋詩鈔

上念 臣廣 年老神木邊缺 溫諭原品解任恭紀

恩賜三世扁額恭紀

恭讀 先大父史傳

御製喜雨詩應 制

望江南十二首

迎 駕登光岳樓

雪齋應 教

濟署建立

御書碑亭敬賦

萬壽宮告成敬賦

先大父崇祀雙忠祠敬賦

先大夫崇祀功德祠敬賦

卷一

葑水吟

蘭皋四首

聽鄭桐菴先生講易

詠史二首

湖心亭翫月

遊西洞庭山

參靈巖退老和尚

包山結制

哭內瑩兄

讀管東溟先生從先維俗議

哭季父

訪徐侯齋文與也

蘭皋詩鈔

一

懷文文肅姚文毅周忠介三先生

登君山

曹峨眉招飲漫園

葑溪文課

觀奕

玉峯文讌

讀書正覺菴

競渡

荷花蕩

訪高雲禪師

訪潘次耕徐電發

晚泊虹橋

遂歌堂文課

集聖一叔石湖山莊

吾谷看楓葉

過法螺菴

墓外祖父母暨兩舅氏

西郊文課



卷二

葑水吟下

王煙客先生拙修堂賞菊

贈唐實君

參願雲和尚

上吳梅邨先生

世錫堂讌集

西田別墅

學山園

春藻堂文讌

練川訪諸同人

趣惠元龍出山

鄧尉探梅

驚湖文讌

西湖文讌

秦對巖先生寄暢園

雨泊金山

蘭皋詩鈔

一集

二

由京口渡江至金陵

壬子同年讌集

謁陸魯望先生祠

恭讀五世祖濂川公傳

贈許升年竹隱陳秦逸三先生

冬日雜詠二十首

卷三

都下偶編

癸丑入都

上徐立齋夫子

仲父設席祖園侍飲

上王敬哉先生

王胥庭先生招飲

上孫北海先生

梁玉立先生招飲

上高陽相國李太夫子

上龔芝麓先生

詩社

黑龍潭

西山雜詠十首

乞假為

兩大人壽

山塘唱和四首

家大人秋闈報捷

哭錢孺人

上李厚餘太夫子

戊午下第感賦

香奩詩二十首

家大人趣赴銓選感賦

卷四

房子小草

太行山歌

大水

弔古六首

臨署雜詠十二首

蘭皋詩鈔

一集

日

宛在軒十首

謝葉蒼巖貽幼子詩

漢松

唐槐紀異

喬恭肅公忠烈堂

酬別蒼巖先生

饒蒼巖先生

贈喬百一

贈恒山令徐蒼舒

與陸稼書邵子昆夜話

息波亭修禊

栢鄉攝篆

賑荒感賦

義塾課士

招撫紫河套山賊

濟渚陽漳澄二河

嘉禾亭

青龍潭

喜雨聯句

卷五

關中小草

潼關

運米馬上口占八絕

華山雜詩七首

贈李雪木

城南遊詩八首

弔杜牧之冢

灞橋

驪山湯泉

武關懷古

藍田懷古二十首

擬游輞川不果追和王裴韻四十首

突陳孺人二首

讀荒年歌

與王山史乞詩

卷六

出關草

出長安城

夜過驪山

望華嶽

渡黃河

蒲州逢王耳谿偕行

寄呈關中諸司憲

中條山

豫讓橋

裴晉公故里

姑射山

介之推廟

郭林宗墓

井陘關

抵恒曲署中

北嶽廟納涼六首

嶽廟詠古十首

輓吳貞女二首

將入都簡親知二首

送杜肇餘先生旋里

祝射陵伯八十雙壽

靜逸堂同年讌集

孫公園同年讌集二首

卷七

淵觀軒集

上

古槐行

槐樹下清泉

雙栢

贈峨省自惺上人二首

土人捕魚感賦八首

詠菴中花木八首

移植薔薇盛開

盆梅

折白芍藥供大士

又折紅芍藥作供

午日喜雨二首

題盧全闢茗園二首

鄰翁贈櫻桃

夏寒

新晴曉起

鄰園洛陽花二首

天仙菴松下納涼

喜王耳谿過訪二首

苦旱得雨

夏日山居八首

喜雨二首

庭植秋花

猛犬行

卷八

淵觀軒集

下

孫松坪復官翰林

贈塾師李在茲

葡萄

七夕

塾中童子餉酒

僧舍法器五首

秋吟二十首

潭柘寺

戒臺

漫成八首

豐年歌

謝別山莊諸相識十首

題子章叔行樂圖

卷九

天寧寺葉

九日天寧寺塔登高

前題分韻得跨字

節孝詩

錢再亭贈菊二首

喜王耳谿再任中垣

天寧寺塔

塔影

生日感懷

堅齋葑洲兩弟贈果

病中感懷二首

贈醫士喜明素

燈花

諸親友視疾兼遺珍果各賦謝一絕

牧馬行

題曹公衡小照三首

得家慈手書二首

山中諸相識過訪

燕山積雪

歲暮雜詠二十首

卷十

恒曲小集

除夕抵恒曲署中

喜遇鞠振飛四首

雙瑞堂守歲

上元踏燈詞十首

麥穗兩歧

馬產雙駒

少容山二首

王公河

寒食

清明

賦得滿地梨花昨夜風

賦得四月清和雨乍晴十首

擬織女書懷

恩賜大業弟扁額二首

遊嘉山

王節母建坊旌表

讀王恬若善政頌

中秋獨坐看月四首

示妾四首

卷十一

西征集上

出都入秦畱別親交

畱別王恬若

上谷道中

過恒山

匱河義塾

登玉皇閣望河嶽

謁二賢祠

匱河值初度

渡河由大慶入關

櫟陽寺二首

扶風懷古十八首

馬嵬

三橋感舊

除夕感賦

元夕感懷六首

梅花

晤謝靜巖章葯如

贈扶風令毛待旃

青門懷舊十二首

卷十二

西征集下

山行三十首

冒雨出山賦慰士民

贈同年李雲門

萱花

寄平陽刺史秦木伯

贈同年劉卓崖學使

贈藍田令林可亭

贈張少呂

兼程北上六首

晚行蒲州道中

仍由恒曲入

都音

寄慰都門親友二首

題得子圖贈毛古愚

甲申元旦

卷十三

歷下小草

之任濟東

蓬萊閣觀海市二首

至阿城迎

慈親音

登泰山

徂徠懷古

闕里恭謁林廟

泗上泉林

謁孟夫子廟

讀沈孝子傳二首

趵突泉

聞中即事六首

聞中坐雨

答范自牧方伯

分賦得錦屏春曉

明湖泛舟

登太白樓

南池

寄張大中丞二首

贈焦吏部二首

宿刁村聞書聲

不匱泉歌

再入聞中喜雨

寄上梁大中丞

繹志堂飲射

歷山書院

午日雅扶堂小集

予假歸養留別諸同人

出歷下城志別

東宿預令胡梅州

寄河上諸公

晤李松客醒使

卷十四

暎綵集上

渡黃河

上張大司寇二首

元日壽

母四首

陳文莊公西園讌集

東園二十首呈王顥菴先生

謁先文恪公

賜瑩

壽刺史陳滄州

過甫里謁外舅墓

綠蔭齋讌集

明瑟園四首

靜溪書屋看菊

習圃

又習圃十詠

再集綠蔭齋三首

除夕家讌六首



卷十五

暎綠集中

金陵懷古二十首

六朝松

仇蓮坡招遊雨花臺

萬竹園四十首

喜雨贈刺史陳宿峯

邗江懷舊

競渡歌六首

珠湖泛舟觀燈六首

卷十六

暎綠集下

重過西泠感賦

上元日登吳山

湖心亭

過翁氏山莊

蘭皋詩鈔

卷十五

十一

飛來峰

西湖十景

冒雨西溪探梅

蘇隄小飲

雲棲寺

月下觀梅

雨中半山桃花二首

錢塘詠古二十首

湖上行宮

孤山觀日出

放鶴亭

岳鄂王墓

于忠肅公祠

白蘇二公隄

雲林寺

清明泛湖遇雨

雨霽

錢塘晚渡

蘭亭送春

鑑湖泛舟

乳山

午日集雙受清草堂

觀淳化閣帖

哭次女

卷十七

思親詩

思親詩十首

附和章

彭訪濂定求四首

馮勉曾六首

合萼 先父母二首

清明掃墓

謝葑洲弟贈枇杷

節孝歌

蘭皋詩鈔

卷十五

十一

哭堦程受申

重過春藩堂感懷二首

卷十八

北行艸

北上

過錫山憶秦園

夜過毘陵

潤州

曉行

德水晚渡

張大中丞復任四首

遇葉邵南偕行

易姪懷祖六首

堅齋弟郊迎喜賦

上谷謁趙大中丞

除夕靜永堂守歲

飲絳桃花下

陶然亭文讌

贈張瀛洲憲副

寄桐門弟

雨中海棠四首

慈仁寺海棠

雨中看牡丹

豐臺餞別二首

邗江泛舟觀荷

渡揚子江

黃林一招飲

大招哭堅齋弟

粵行餞別

卷十九

粵中紀遊一

遊西湖再賦十景

邵宮詹輞川別業

淨慈寺

桐廬

子陵釣臺

滕王閣

過豐城劍池

題陸素安畫二首

中秋橫浦看月

南安刺史蕭宜菴招飲

謝宜菴贈花四首

登東山

贈橫浦學博鄔帶溪

贈別袁鈍元二首

九日邀同蕭郡伯胡叅戎鄔學博登高

次答陸子厚二首

贈雷東煌秀才

贈別蕭宜菴

留別南安諸同人

度大庾嶺

又嶺上口占一律

題程鴻章小照

題顧中亭小照

題壁間畫石二首

九成臺集飲

登風度樓

欲遊南華寺不果

舟行睡覺已過觀音巖

遊頂湖山

留贈跡刪方丈

上總制趙公一百韻

卷二十

粵中紀遊二

晚香堂賞菊分賦

又詠菊十二首

贈林飛亭都護

昭州道中

雷霹難阻風

紫山

印山亭

自昭州至桂林

華掌海昌兩書院

集阜成書院

阜成書院十景

望七星巖

棲霞寺

望獨秀山

偕張嵯使泛湖

疊綵山納涼

酬別陳乾齋大中丞

留別桂州諸同人

梧州楊妃綠珠二井

返端州寄呈乾齋先生

題顧愚溪策蹇

卷二十一

粵中紀遊三

端署十六詠

送謝紫佑歸吳門

送友人樞歸里三首

遊七星巖

寶月臺

閱江樓

天章書院

漱芳亭納涼

瑞州咏物二十首

端硯銘

紀夢十首

附題紀夢詩四首

門人陳葉筠

送王素言歸吳門

次韻呈李梅崖夫子

頂湖觀梅不果

病起

再遊七星巖

哭李弟葑洲

次答葉芥舟

乙未元旦立春

卷二十二

粵中紀遊

四

詠梅百首

菊圖十二首

卷二十三

粵中紀遊

五

題鳴琴圖

勸農圖四首

管將軍餘軒讌集

音

飽山亭納涼

登越秀山

五層樓

白雲山

沉香浦

菖蒲澗

花田

朝漢臺

管將軍園林二首

集飲越秀山園

長壽山房讌集

海珠寺

吳道子畫大士像

海幢八景

題畫十二首輓徐侍御藝初先生

遊星巖舟入石室中

廿二

九日披雲樓登高

挹青亭觀芙蓉

題張氏三節母傳後

題嶺南十景圖為楊大中丞壽

和跡公山居十詠

題故友蔣西清小照

卷二十四

粵中紀遊

六

大通寺訪跡刪禪師

與跡師夜話

曉望羅浮

懷仙十三首

詠仙物二首

卷二十五

粵中紀遊

七

寄懷陶肅公明府

謝慈輪上人四首

題慈山天然兩禪師真蹟

閱阿字禪師先宣臺集

閱澹歸和尚編行堂集

偶成八詠

送王振之旋里

牡丹六首

二月桂花八首

贈叢汝霖編修

為顧耀庭贈字

上吳大中丞二首

端江遇風雨十首

過羚羊大小湘諸峽

羚羊山寺

龍華寺

送霽堂上人

觀荷六首

寄呈陳大中丞

迎恩亭觀競渡

集沈松戎水亭

午日書符

得家書

蘭皋詩鈔

卷一

七

題徐育著新構小亭

鑑水齋月夜獨坐

聽陸素安度曲

留別張湯孫

送少叅靳呂封之任

羅浮山志告成貯版華

省臺寄塵異禪師

讀穀遠堂詩集

宿憩菴遇雨次韻三首

題顧企賢釣鰲小照

壽顧京望六十和韻

七夕乞巧

蘭皋詩鈔目錄

蘭皋詩鈔卷首

臣宋廣業



紀

恩詩

康熙二十二年九月

上幸五臺山

臣廣業

知臨城縣事奉委龍泉關修

理

御路恭迎

聖駕

恩諭記名恭紀一律

蘭皋詩鈔

卷十 紀恩詩

一

御蓋欣瞻出鳳城乘時省歛慶豐亨龍旂遙映

山川麗雲路弘開日月明瑞氣氤氳凝紫甸

湛恩汪濊被蒼生小臣何幸邀

殊寵

天語親傳記姓名

康熙四十一年二月

上幸五臺山

臣廣業

在曲陽縣迎接

聖駕恭紀一律

警蹕西巡淨曉嵐清涼頂上現優曇法門不

二原無二大道前三與後三在昔龍胎成佛



祖於今寶髻列臺龕寒山處處凝冰雪雷動

風行

帝德覃

時臣廣業外弟曲陽縣知縣臣王榮率閭邑士民恭迎聖駕蒙恩垂詢並諭記名真異數也

康熙四十四年三月

皇上南巡駐蹕蘇州

賜臣廣業

故祖前明巡按山東御史

臣學朱

御書傳經世澤四大字扁額敬懸墓門恭紀二律

一經傳舊澤三世荷

殊恩

天語褒家學

臣祖學朱臣叔大學士德宜及臣廣業臣弟鴻廬寺卿廣業侍讀學士大業俱習禮記

南上詩金

宋十紀恩詩

宸章耀墓門豐碑紀異數信史慰忠魂

明史為臣祖立傳載

沐明禋賜烝嘗奕樸存

濟南有臣祖忠祠春秋崇祀

鼎司隆後代子姓盡衣冠食德原非易邀榮

報更難明良千載遇調燮寸心殫忠孝垂名

遠留將青簡看

又四月

皇上南巡回

鑾至濟寧州伏蒙

頒賜臣母管氏

御書北萱暎綵四大字扁額并

賜臣廣業

牡丹詩字一大幅詩畫金扇一柄恭

紀二律

宸蹕初回日正長薰風披拂徧齊疆小臣祇謁迎

仙仗

御筆親題出尚方花茂北萱常暎綵星聯南極共

騰光欽承異數慈顏喜

賜額榮於百歲坊

聖恩汪濊德音宣寵錫頻傳自日遶藻麗仙葩攄

錦繡輝煌寶筵繞雲煙金聲玉振元音叶鐵

畫銀鈎

南上詩金

宋十紀恩詩

二

御墨鮮手捧黃羅帷拜舞光華長此戴堯天

又

賜臣廣業鏤金盤花水晶鼻煙壺一具恭紀一

律

名傳呂宋神仙草

煙坤出呂宋國名淡巴菴見姚旅露書

挹得清芬貯

玉壺不羨漢宮桐馬酒競誇

御製淡巴菴天工端藉雕鏤巧鼻觀先通氣味殊

珍重水晶盤五彩

聖恩優渥古今無

康熙四十七年十月蒙

恩子假臣廣業奉母親管氏回籍終養恭紀一

律

決策辭官返故林陳情歸養感

恩深田園始遂娛親志犬馬終懷報

主心東海褰帷承母訓北萱暎綵仰

綸音

聖朝孝治昭千古愛日還須愛寸陰

康熙五十二年三月引見

乾清門

上以神木道邊缺念臣廣業年老

育上奇多

六十一紀恩詩

四

溫諭原品解任恭紀一律

聖恩高厚齊山岳

詔許歸田守故丘垂老未堪騎塞馬乘春今得

放扁舟一生報國餘丹款半世微名付白頭

祇望兒曹勤職業好傳清白到端州時兒子臣志益出守

端州

歷棠

聖恩頒賜三世

御書扁額臣廣業祖學朱曰傳經世澤臣叔德宜

曰篤念前勞臣母管氏曰北萱暎綵臣

弟駿業曰塞謬老成又曰靜永堂大業

曰文學侍從又曰凝遠堂存歿邀

榮恭紀一律

恩頒三世荷

宸褒寶翰親揮潤彩毫恪守遺經傳舊澤追思元

老念前勞立朝謬嘉謬著報國文章異數

叨尤慶北堂萱暎綵榮光常徹五雲高

附

恭讀先大父史傳敬賦一律

聖主憐臣節褒忠耀簡編千秋垂信史百世得真

育上奇多

六十一紀恩詩

五

詮殉國昭前烈捐軀痛昔年精靈常不泯東

海筆如椽傳爲史官徐乾學撰

康熙四十四年三月四日

聖駕南巡駐蹕萬年閤甘霖大沛

御製喜雨詩頒示臣工敬遵元韻應

制

聖德徧東臯巡行不憚勞嵩呼迎夾道羅拜望傳

篙大澤滄溟濶

殊恩泰岱高更逢時雨沛喜氣溢龍舳

越日恭送

聖駕至臺莊因羈職守不敢越境隨行口占望江

南十二首

扈蹕南來路已千  
吳閭在望莫雲連  
茫茫翹首家何處  
極目江山思惘然

宦海浮沈二十春  
夢魂常繞五湖濱  
江南三月鶯花好  
多少風光護紫宸

千人石畔晴雲麗  
七里山塘柳絮飛  
搖曳旌旗來北闕  
新紅嫩綠暎朝暉

南上寺詩

未十紀恩詩

六

鄧尉梅花纔放罷  
紅桃白李更芳妍  
應知花意同人意  
爭向春風媚九天

天平山翠接支硎  
千尺飛泉若建瓴  
隔水笙歌徐按拍  
悠揚好達聖人聽

靈巖洞壑真幽境  
響屨廊空久寂寥  
杳渺香奩今在否  
蒼藤古木尚凌霄

穹窿突兀勢崔嵬  
萬象森羅示劫灰  
呼吸便能通帝座  
遙臨閭闔向天開

萬派千流匯太湖  
諸峯縹緲有還無  
莫誇江漢

漢朝宗遠控馭  
三吳第一區

吳淞環抱匝東隅  
灌溉咸資地利殊  
疏濬幾經勞

帝力川靈效順永  
無虞

微雨初過蘭筍肥  
摘來供饌勝豪稀  
大官豈是無珍異  
麝美香甘味亦稀

堯民鼓腹樂天真  
婦子熙熙大地春  
爭駕輕橈迎

御幄黃童白叟簇  
河濱

南上寺詩

未十紀恩詩

一

物阜民安

帝德昌山川草木競  
呈祥  
吳儂底事思鄉井  
共戴堯天日月長

康熙四十六年二月迎

駕至東昌登光岳樓

樓峙巖城百尺巔  
憑高一望渺無邊  
黃河浩

瀚星源遠岱嶽巍  
巍哉斗極連  
片片風帆懸曉

日垂垂煙柳護晴川  
舉頭更覺長安近  
翔鳳

飛龍出

九天

康熙四十六年三月隨

駕至夏鎮雪霽應教

萬井和風起千村曙色開  
平疇鋪白練沃野

潤蒼苔夏麥將成望秋禾正好栽

天心仁愛切

恩自六龍來

康熙四十八年二月濟東署中恭建

御書碑亭告成敬賦一律

御筆輝煌賁九天豐碑摹勒永昭宣  
棟題奕奕雲

霞覆鼎鼐重重鎮嶽連鐵畫銀鈎垂世範龍

南上寺金

未十記恩詩

人

飛鳳舞耀

宸編感深不朽頻承寵

聖壽無疆萬歲傳

七月公建

萬壽宮告成敬賦十五韻

聖主求民瘼洪鈞轉世屯

恩施眞浩蕩愛戴出忠純齊魯荒連歲饑寒痛

切身截漕廣貯粟蠲賦絕征緡載發公家帑

還馳近御臣多方籌軫恤屢詔沛深仁冀彼

蒼穹格哀茲赤地貧頻年垂雨露比屋取禾

國雖曰天心佑端由

帝德臻懽愉騰兆姓踴躍徧羣倫

萬壽嵩呼應三多華祝陳豐碑鐫至治傑構煥

殊綸突兀雲霄迴輝煌藻采新官僚歌喜起士

庶樂清淳世世當無極年年慶大椿

山左士庶重修先侍御暨韓忠烈公雙忠

祠告成春秋崇祀敬賦五十韻

岱峰瞻巖業濟水映淪漣奕奕煥題煥煌煌

俎豆鮮英靈猶昨日祖德憶當年板蕩前朝

末飄搖大厦顛北來紛羽檄東下耀戈鋌守

南上寺金

未十記恩詩

元

土原無責巡方固有權勢危同累卵脩少剝

空拳策騎飛馳入陳師號令宣籲閭七疏上

保障一身肩鼓勵人爭奮艱辛我獨先同心

有茂宰

時韓忠烈公為歷城令

掣肘遇中涓鼎沸千軍集

雷轟萬礮穿禦強心力殫誓死髮膚捐帶甲

憑誰援呼庚已絕咽偏裨甘白刃藩府乞金

錢事去何能挽城亡不稍延凌霜威弗挫烈

炬骨俱難奔赴嗟予父呼號徹昊天猿啼腸

欲斷馬革裹虛傳滴血叢骸徧招魂戰壘還

陰雲凝慘澹行路感哀憐捍患豐功著成仁



素志堅黎民崇祭祀邑令共堂筵更值滄桑  
變頻驚歲序遷

聖朝開景運相國起高騫請卹曩時切揚名此日  
偏

贈官從子爵

賜額表封阡大節昭寰宇芳徽載史編詒謀垂  
勿替繩武愧多慙適奉

丹書命來旬紫海邊悲思祠久廢冷訪蹟仍前

默賴神靈佑欣逢憲府賢仙台原在邇

舊祠在仙台里

木主尚依然公好輿情協精忠廟饗專鳩工

蘭上寺金

卷十 紀恩詩

十

羣力敏趨事衆心虔佳氣充梁棟權聲溢井

廬事遙經六紀地異湧雙泉時吉暇陽月風

和繞瑞煙飛輦形起伏關角勢蛇蜒野老艱

難悉穹碑功烈鐫表忠摛彩筆褒節染華箋

展謁羣公貴趨陪庶尹聯恪恭盛黍稷肅穆

奉栢捲拜跪神如在歆歔淚似濺空瞻華表

鶴愁聽蜀山鵲百世垂儀範千秋享豆籩雖

云天作合實乃德爲緣環拱山川秀長留香

火綿感深情不朽德厚語難詮世世當無數

攄忱賦此篇

蘭臯詩鈔

臨城士庶公建先大夫功德祠告成春秋

崇祀敬賦二律

先公垂大澤房邑建巍祠施德豈望報酬恩  
非爲私代輸當日事起瘠倍增思功烈紀不  
朽文鐫隋淚碑

遺愛最難忘驚聞訃更傷生存同感泣老釋

盡倉惶會弔多車馬陳詞酌酒漿

聖朝崇食報奕世繼烝嘗

蘭臯詩鈔卷首

終

蘭上寺金

卷十 紀恩詩

十一

蘭皋詩鈔卷一

長洲朱廣業澄溪



葑水吟上

蘭皋四首

夙好敦素業散帙理書帷立志千載上相與古人  
期况復有庭訓執禮還誦詩悠悠白日逝不學亦  
何為

白日去不還蹉跎足悲咤敢輕金玉身損此連城  
價事業慕皋夔文章追鮑謝飛騰自有時順運委  
大化

蘭皋詩鈔

卷一 葑水吟上

一

匣中開寶鏡皎皎月當空高懸無私照明鑒無遁  
容妍蚩不可惑千里清光同得毋塵垢蝕益厲磨  
瑩工

蘭皋文字社日與良朋俱同聲自相應道在定不  
孤大雅追正始小技非吾徒努力崇問學敢此負  
居諸

恭聽鄭桐菴先生講易

易理由來不易宣紛紛聚訟證前賢京房卜兆空  
今古費直談經並後先三十六家窺象數百千萬  
世接心傳惟公指示無多話潔靜精微好共詮

詠史二首

讀書貴明理六經聖人作彊記一腐儒所得盡糟  
粕子史更紛紜卓犖會揚權諸家各有長貫穿在  
大略立身恃章句毋乃多參錯莫學楊子雲識字  
還投閑

世路重交遊然諾輕生死結髮崇令德明神誓終  
始四海皆弟兄何分彼與此綢繆讒間生歡好爭  
端起往往中道乖管鮑亦偶爾不觀戎安君一朝  
斬泚水

隨家大人過武林恭陪嚴顯亭楊靖調

蘭皋詩鈔

卷一 葑水吟上

二

項眉山徐敬菴丁飛濤顧且菴諸前輩

湖心亭翫月

為訪西泠勝來時正及辰湖山一片月燈火萬家  
春列坐呼小友稱觴酌大人錢塘傳盛事高會盡  
嘉賓

胥口放舟渡太湖游西洞庭七十五韻

秋風吹我十幅蒲輕舟一葉如飛鳧馮舷恣眺空  
浩淼波粘天際連三吳指掌圖以蘇常湖為三吳大湖跨接三州清秋雲物  
倍晴爽湖光萬頃如銀鋪湧現青螺七十二有似  
明鏡臨嬌姝遠近出沒互蒼翠龍葱掩映看扶蘇

晚風差勁水聲壯揆奇還向盤灣趨舟泊盤灣石公名稱

習已熟晨興理屐爭先驅亂煙疏靄路幽折步步

入勝忘縈紆筍輿短策到山麓樹石總與尋常殊

或如雉堞嚴衛抱或如鳥道愁崎嶇軟壁或如鵬

寨翻懸崖或似龍垂胡危根定屬鬼刻削峭石俱

藉神雕鏤深林嶙峋踞虎豹野草燒礪蹲熊羆拱

立有如主賓肅俯就又若兒孫扶苔花如繡張翠

幙霜紅如錦堆穠逾有潭龍盤夏幻化似龍蛻骨

留凡軀石光瑩瑩潔而潤纍纍不斷瑤連瑜水際

有石還如砥石板一片平臨湖歸雲洞左飛蝙蝠

蘭皋詩鈔

卷一 詩水吟上

三

連雲嶂右馳騰勦此中有隧窅而黝仰視一線通

天衢雲梯振衣達峰頂候歛萬象來斯須天風吹

衣危重足憑虛恍與神仙俱翩然而下心逾恐疑

神復往前山隅形容老蒼兩石峙俗傳公媪應非

誣偃僕相向宛嘉妃云有靈異神憑巫棹歌隱隱

起山脚試聽遙應舟人呼兩石峙于山麓舟人呼之輒應以為神而禱焉鳳家岡

西不二里包山有剎藏浮屠拈花老宿踞高座白

毫光射霜頭顧謂固如含光二講師叅謁妙聞不二諦一語剪

盡除繁蕪寺前松風落松子樵徑拾葉偕茲芻鳴

雞吠犬有時有黃精赤箭無地無山茱遺丹疑尚

在毛公壇上尋雲腴丹池絳氣久消散惟見鼯鼠

追斑駁劉郎一去不知處白雲繞樹啼靈鳥幽虛

洞天已在望道藏經第九洞天謂幽虛洞即林屋洞也不辭鼓勇窮仙區丹

砂為牀雲為屋玉塵百斛芝千株茯苓如人杞如

狗食之壽算齊天狐匍匐始入頗偈仄豁然得路

行于于紫迴螺穴學蛇繞松明撲滅飛颺颺琳花

芊眠歇蘭若石髓滴瀝飄沾濡隔凡有戶久掩閉

剝啄不應爭闥闔內有琅函閱天誥無緣開讀空

覬覦遷延出洞轉暘谷金庭玉柱開蓬壺當年修

真慕張碩妄念曾受鞭麻姑至今靈山舞鸞鶴天

蘭皋詩鈔

卷一 詩水吟上

四

外彷彿聞笙竿旁有小菴號無碍編取笙竹支椽

櫨山袖一二頗疎野草衣木食形清癯周旋屏絕

世俗禮但烹乳溜呼僧雖留渴石磴看日落銀濤

動盪沉金樞蒼茫夕景有萬狀馮夷謫怪煎花酥

欲別未別情眷戀扳藤踏翠迷歸途山鳴谷響叫

同侶前唱後應喧于喁龍渚大小稱二絕灣通消

夏藏清都宵來受艷明日勝畏縮却笑我僕痛蓼

花微紅蘆花白榜人曉促登行艫遙想夫差牽画

槳采香昔日多歡娛唱歌美人今何許但聽漁笛

歌吳歛湖心屹然起宮殿玲瓏八寶疑葢珠梵音

寂寂僧入定乖龍蜿蜿歸僧孟吞波架浪浸山骨  
曾吹鏜鏘徒驚盱奇觀一一穿戶鑰倒插無數青  
珊瑚大者崔嵬小者秀欲評甲乙嫌心癡愛之直  
欲移之去我亦且效愚公愚募綠破顏向天笑陽  
侯對我偏揶揄颯颯霜風震巖壑洶洶怒浪摧茭  
菰肅然再拜謝予過妄語戲盡庶無辜敢將日月  
書洞府他年重過期無渝踰躡凌空鶴一隻煙霞  
被體衣六銖角里先生毋我拒謫仙何必非吾徒  
茲遊洵美天所昇妍風麗日相融愉一朝中流理  
歸棹回首縹緲翻嗟吁眼接名山天接水難忘况  
南華詩鈔 卷十 詩水吟上 三

靈巖叅退老和尚

幸托童身契夙緣蒲團晏坐月明天得心應手歸  
何處心手相參即是禪

包山結制偕三近無聲見叅諸上人暨家

大兄叅含光法師

洞庭縹緲無窮碧西去包山入戒臺八百彌陀弘  
願力三千律法淨塵埃皈依圓覺空中現指點愚

頑夢裏回結伴尋師真有幸拈花微笑識如來

哭內瑩大兄

兄以雙菴幼歸佛氏

手足相依十七年何期遽返蔚藍天頭陀早識空  
明界圓寂仍歸清淨禪生死本來同石火弟兄何  
處結塵緣皈依法寶無他戀解脫三塗向佛前

讀外高祖管東溟先生從先維俗議敬賦

道統斷還續良知起後賢人情真理學維俗用從  
先新建留遺議驚湖紹嫡傳立言堪不朽躬踐庶  
無愆

哭疇三季父

南華詩鈔 卷一 詩水吟上 二

人生惟有骨肉親况是一本叔與姪何期季父正  
壯年忽焉長逝成永訣哀哀小子心骨悲雙眼模  
糊淚流血試述當年遇合艱把筆瀝陳便嗚咽昔  
年王父殉大節不啻天崩地維裂我父于時尚幼  
齡哭向齊城尋骸骨仲父隨兄叫九閭孝感感穹蒼  
雪冤抑王母笑焚香奉孀姑獨有季父侍親側定省  
溫清儼成人兩世承歡慰朝夕 熙朝定鼎際昭  
明弟兄黽勉攻學術墮甕迭奏更雍雍花萼相師  
互提挈一時譽望噪雞壇然諾聲高重吳越羣兒  
爭驚小儒作高談羣兒驚健筆小儒作吳梅村哭志衍句四海賢豪盡交結中



吳三鳳齊飛鳴仲父通顯登仕籍

我父同懷三人世稱吳中三鳳

季父

學識貫天人隆中自命洵非紕北闥奪幟援高魁  
一第何能羈英傑從此好展騏驎足還期蓋世之  
功業何當毒虺暗傷人蜚語無端遭跋躪中心抑  
鬱增悲傷二豎相侵違奇疾夢寐猶聞呼阿咸展  
轉槌牀痛腸絕雲暗蒼旻白日昏山摧華嶽青峰  
折臨別教誨還諄諄立志讀書汝無失吁嗟乎叔  
父之言猶在耳一旦幽明千載隔我父春仲赴公  
車仲父宦遊在北闕叔也膝下更無兒遺腹堪嗟  
未可必家門異變罹鞠凶呼搶無計驚倉卒靈魂  
渺渺竟何依叔姪此生含殮畢遙知眷令分飛痛  
益深我父仲父聞之更哀迫

蘭皋詩鈔

卷一 詩水吟上

一

偕欽序三王勤中前輩入山訪徐侯齊文

與也兩先生

傍澗依林結考槃脩然二老共盤桓入山深處誰  
人識衡木當前却自安幸藉故人來訪戴遂令小  
子得瞻韓古心道貌稱耆碩回首風塵不忍看

懷先賢文文肅姚文毅周忠介三公

吳中氣節自千秋景仰三君孰與儔文毅端方賢  
似舅

文毅係文肅甥

夢洲清介道同謀禍遭宦黨傾朋黨歎

蘭皋詩鈔

彼清流付濁流東漢東林真一轍人亡國去更誰  
尤

澄江赴試登君山

巖業一峰秀登臨四望收斷雲江水濶落日海天

秋山襲春申爵仙存鹿女丘

真山在君山之西相傳梁時有鹿女葬此

松風

舊亭子遺蹟尚堪求

山頂舊有松風亭今廢

曹峨眉先生招飲漫園即席賦呈

故人煩折簡喜得到名園曲水開文譙深林絕市  
喧風清香着桂夜靜月窺軒八斗才無敵微吟喜  
共論

蘭皋詩鈔

卷一 詩水吟上

八

與葑水同學諸子臨場會課賦呈陸處實

彭雲客尤展成吳敬生諸先生暨既庭

伯

少小論文與倍豪雞壇角逐屬吾曹三冬未足慚  
便腹七義爭誇試彩毫洗髓伐毛同砥礪離經辨  
志望甄陶當前喜有儀型在指授殷勤不憚勞

侍

家大人觀奕

時張幼玉尤悔庵黃亮旦陸子森謝翼雲諸先生暨戴翼叔祖文森

叔父皆與是會

攜朋消永晝一局每縱橫得勢斜侵角忘機誤點  
睛松風侵石磴竹影碎楸枰日夕修廊外還聽落

子聲

玉峰文讌賦呈葉訥菴徐健菴果亭立齋

諸先生

孤峰秀拔障城陰孕玉光涵自古今人物風流推  
鳳閣文章聲價著雞林為逢好友接佳境却愛清  
秋上閣岑此日同遊還結契滿山草木盡知音

偕吳慎旃暨義存季弟讀書正覺菴

僧寮無塵雜閉戶讀我書祖父有遺範

先祖暨家大人俱讀書菴中

晨夕敢多疎三冬窮揚馬萬卷辨魯魚切磋期共  
昂端不負居諸

南華寺詩

朱一詩水吟上

乙

午日 家大人招同曹顧菴丁飛濤歸元

恭三先生暨荔棠叔祖射陵既庭伯觀

競渡

画舸爭飛雙槳迎朋簪喜集闔閭城杯傾蒲酒酬  
嘉節人藉龍舟弔屈平鼙鼓聲喧兩岸集榴花紅  
暎一簾明歸來不盡濠梁興吟過葑溪句又成

六月二十四日偕吳虞升子厚王彙征顧

彝朴藝超周牧儔華宅今祁宮管仝鄰

謙成表兄弟嘉芑兄義存弟遊荷花蕩

荷花一萬柄荷葉暗芳洲觸熱邀嘉客追凉好共

遊香環迷曲水風轉蕩輕舟何處棹歌發煙中起

白鷗

華山訪高雲禪師

靈巖不二法徹底付高雲早歲入妙悟諸方歎絕  
羣問山尋舊契相對斷聲聞自覺此心寂悠然謝  
世氛

吳江訪潘次耕徐電發

肥遯堪忘世幽棲自絕塵問鷗知舊隱放鶴識閒  
身孺子雖高士安仁豈逸民故人來勸駕行矣勿

逡巡

時諡行博學弘詞科

南華寺詩

朱一詩水吟上

十

晚泊虹橋計甫草吳聞夏弘人三先生偕

同學諸子過訪喜賦

扁舟偶泊虹橋畔却喜同人不我遙良友快逢如  
有約羣賢命駕底須招推篷相對送殘日剪燭還  
期共一宵最是月高分袂後落梅愁聽笛聲飄

遂歌堂會課賦呈顧松交沈韓倬趙明遠

吳敬生陸蔚文諸先生暨既庭伯

大雅開文讌羣英集藝林掄才來竹箭剖璞得珍  
琳構索憂長日經營惜寸陰愧無董子策何以報  
知音

侍 家大人暨文森叔嘉芑義存聲求瑞

洲遜修諸兄弟集聖一叔石湖山莊

雅擅湖山勝先公舊有莊是莊乃先銀臺公別墅當憶波萬頃

繞屋木千章即吳王石城也隋寺鐘堪聽吳城酒正香上方有隋井莊之隔岸新郭鎮

追隨杖履後指點話滄桑

偕虞山同學諸子吾谷看楓葉

霜紅到吾谷秋景倍堪誇樹樹凝殘日山山暎落

霞絳雲迷舊閣梯水誤桃花何處暮鐘動攜朋興

尚賒

寒山過法螺菴昔年家大人偕徐立齋夫子曉三季父讀書處

自是寺金 未一 附水吟上 十二

依舊寒山暎碧泉招提重過憶羣賢文章不負雲

霄志朋友真誇金石堅秘閣功名傳盛事禪林吟

詠紀前緣旋螺峰頂尋芳躅獨倚雙松一惘然

侍 兩大人入山葬外祖母洎兩舅氏

諸棺感賦

七棺嗟未葬一旦入佳城黃土哀三世青山慰寸

情幽魂傍華表外祖母附葬鐵山東溪公墓側兩舅氏別葬新阡落日送銘旌宅

相心彌切淺慚似舅甥

西郊會課賦呈汪鈍翁先生繆念齋夫子

芙蓉江畔繫輕航問字來登君子堂三義構成慙

小技一篇賦就擬長楊才華藻麗推宣則經術湛  
溪重彥章當世楷模幸有託敢將聲氣附山王

蘭皋詩鈔卷一終

自是寺金 未一 附水吟上 十二

蘭皋詩鈔卷

葑水吟下

王奉常煙客先生招同陸翼王周子儼王

維夏葉九來諸前輩集拙修堂賞菊分

賦兼呈端士年伯繹民鴻友誦侯諸昆

季

秋色真堪賞霜寒菊有芳移來處士徑留得令公

香昔相國文肅公者菊琢句揮湘管餐英汎羽觴賜緋還賜紫

何似御袍黃時藻儒婦丈館選庶常

蘭皋詩鈔卷二 葑水吟下

贈同學唐實君先生

文章風雅足千秋後學津梁藉校讎先生有學山園此文選贈友海內

日雞壇執牛耳他年虎榜屬龍頭心同鐵石家聲

遠誼切金蘭意氣投婁水悠悠多碩士如君真不

愧名流

法輪寺參願雲和尚四首

常誦法華經因知法輪轉天地一車輪轉輪人莫

辨沙頭尋老師跌坐荒苔蘚虔心拜禮畢諸法為

我演

水輪常汨汨風輪常穆穆展轉入地輪風飈水當

覆水覆何所止風翻何能伏風水各有源何不問  
歸宿

歸宿在何處心悟轉法華青蓮隨地有勝果不我

遐但念阿彌陀口中自吐花哂彼蚩蚩者頭緒亂

如麻

大道不外求即心即是法惟願守我真勿謂佛性

狹寬狹維所在性體自相洽百丈悟飛鳧底須鼻

上招

上吳梅村先生

當年修袂逢元已載酒曾來七里塘四海名流俱

蘭皋詩鈔卷二 葑水吟下

接席三春高會共持觴文章興廢增悲慨朋舊周

零易感傷先生為先王父同年故贈家大人句有親友論亡之感文章興廢關時代亦先生詩中語也幸附通

門呼小友肯容執卷一登堂

內父錢美瞻先生招婁東諸同人讌集世

錫堂

婁東甲第重彭城世錫堂開月正明入座盧郎俱

朗潤踞牀彥輔獨冰清高談共捉青絲拂快飲爭

傳白玉觥少弟還誇標赤幟文章繼起說西京時

文內弟新入膠庠

遊西田別墅登望田樓賦呈王煙客先生

舊識平泉景物幽先生更築望田樓鋤耘端藉滋  
培力鄉井均霑雨露優謝氏弘微承舊德陶家士  
行食先疇竹潭花塢宜高隱大雅風流孰與儔

過學山園贈張觀文欽文穆文彤友星若  
兄弟

重過學山園依然似昔年余年十五赴試  
紫藤花似錦

碧草色如煙勝地多名蹟承先重後賢諸君俱國  
士早著祖生鞭時允文令弟  
新成進士

雲間春藻堂文讌呈張越九周宿來兩先

生二首

蘭皋詩鈔 卷二 丙水吟下

三

九峰三泖爭奇秀磊落多英盡絕倫千古風流推

顧曲六朝高雅讓思尊項斯幸藉掄揚久孔闇何

堪獎借頻敢向龍門通縞紵叨陪末座愧同人

載贊華堂賦友聲喜看握手盡知名多年結慕空

遐契一夕論交許定盟共矢青雲他日志頻傾綠

蟻此時情況逢前輩持壇站意氣文章孰與京

練川訪諸同人賦呈陳義扶陸翼王王翰

臣許子位諸前輩

名節由來著練川陶菴貞介至今傳人倫模楷推

前輩意氣雲霄屬後賢共訂松筠存素志還期蘭

雪紀新篇此行不獨尋盟社白水青山縞紵連

過陽山趣惠子元龍出山漫賦

吳下論人物應推第一流入山甘晦跡閉戶獨清

修黃紙初傳詔白雲方見求勸君早命駕莫戀舊

林丘

鄧尉撥梅十首

闔閭城外雪初消春色青青上柳條料得官梅已

破萼輕舟先過虎山橋

上崦蕩桺梅千林下崦撥棹酒一壺最好東西兩

崦裏故應喚作小西湖崦裏一名  
小西湖

蘭皋詩鈔 卷二 丙水吟下

四

暗香襲襲拂人衣香徑縈紆歷翠微絕壑到來驚

獨鶴一聲長喚破雲飛

聖恩古寺白雲灣依約來遊煙靄間滿塢琳瑯香

作國此身合住米堆山

美人已逐鴟鴞去猶向西施洞裏遊鄧尉亦有  
西施洞往往

夜深新月上芳魂掩斂萬峰頭

風拓湘簾月掩門還元閣上欲黃昏閣在聖  
恩寺獨眠應

被花枝笑不許春心似夢魂皎然有搖蕩春  
心似夢魂之句

馬家山頭雨乍晴茫茫一片淡煙生三更夢醒寺

鐘動七十二峰曉月明



參差光暎玉交加老幹虬枝樹樹斜澗沂金魚真

絕境始知流水誤桃花

金魚澗梅花勝處也

攜朋休辭跋涉苦經過溪北還溪南梅椿不數銅

坑好有約更往菖蒲潭

暎雪銜霜獨自持

暎雪銜霜何遜語

暗香疎影有誰知林逋

仙去何郎死聞說梅花不要詩

駕湖文讌賦似同學諸子並呈曹秋岳先

生二首

攜李人文盛相期駕水濱髻螺敷五采煙雨潤三

春共挹山川秀欣逢廊廟珍四筵都俊彥舉止美

南是詩金

卷二 薪水餘下

五

彬彬

况復尊耆宿文章大雅傳楷模垂令範訓誨仰前

賢品目王平子論才解叔連提攜期不倦小子最

無愆

西湖文讌賦呈曹秋岳嚴灝亭顧且菴諸

前輩

結契在湖山乘春恣游衍喜晤同心人開尊啓文

讌地主文章伯七郡來羣彥

蘇松常鎮杭嘉湖七郡人文畢集

大雅何

彬彬南金與東箭歐公更愛才布衣欣與晏

錫山遊秦對嚴先生寄暢園

慧山山水稱奇勝構得名園傍二泉一澗紆迴穿

石穴數峰蒼翠入雲巔銀魚學士開文讌錫水山

人集羽仙

對翁尊人以新先生自號錫水山人日夕遊賞園中

自是風流文物地登

臨到處足留連

雨泊金山

雨泊金山下煙橫一片秋江豚翻浪濶海蜃吐虹

浮客夢寒無路鐘聲夜自幽晨興風自利行矣一

孤舟

由京口渡江抵金陵

兩葉孤蓬溯大江翠峰朵朵入船牕浪高鐵甕乾

雨小言金

卷二 下

二

坤動潮打金陵日夜撞天險波濤驚第一文思洶

湧亦無雙鍾山屹肆千尋峙擬接曾巔氣未降

壬子同年金陵讌集

蘭譜欣同十六州政將聲氣附名流弘開藝苑烏

衣巷載設瓊筵白鷺洲醺醺一杯期共矢文章千

古自相酬羣公盡入龍門座應有光芒射斗牛

諸同

年俱受知於西蜀簡謙居夫子

甫里過陸魯望先生別墅

甫里高賢墅流風世共傳肯因千乘邑舍却五湖

船杞菊埋荒草煙波憶散仙還年鬱林石勝蹟已

茫然

閱甫里志恭讀 五世祖濂川公傳敬賦

祖德詒謀在傳文出舊編勳名著三楚紀載表千年喬木盤根大孫枝夾葉鮮低徊不忍釋讀罷真承先

贈許竹隱升年陳秦逸三先生

天隨風雅在甫里接三賢德行推鄉國文章孰後

先鴻名馳北闕竹翁秦翁俱名進士義舉重南天升翁創建育嬰堂夙仰

儀型切抽毫賦短篇

冬日雜詠二十首

蘭皋詩集 卷一 詩水竹下

七

擁絮

蕭然擁敗絮一榻獨高眠未改清貧素寧知麗密

牽暖非徒自愛寒不受人憐挾纊爭傳說誰為楚

子賢

煖爐

煖爐紀勝會時值小陽春獸炭傳中禁村醪洽小

民數盈十月朔氣暢一冬新雪夜同圍坐盤飴芋

栗珍

對雪

瑤花遍山野潔白洵無雙極目窮銀海却杯泛玉

缸夜光瑩几案曙色透軒窓梅綻將含蕊爭春那肯降

習射

長楊曾賦獵習射向寒塘挾矢期穿札持弓怯挽強敢忘男子事非效羽林裝燕譽聊觀德功成禮

樂彰

儲穀

幸值豐亨歲家家謹蓋藏薄言納禾稼亦擬富倉廩簞食資生急桑盛供祀香寒儒何所有餅簞此為良

蘭皋詩集 卷一 詩水竹下

八

納薪

晨炊思一飯端藉此與薪朽爨真堪棄良材尚可掄寧辭析木苦敢畏折枝頻却笑含羞婦行吟棄

買臣

綴裘

壯士黃金盡貂裘不禦寒晏嬰從儉易季子欲歸難補綴勤刀尺彌縫傲綺紈富春遺蹟在披立釣

江干

藏冰

霜風十月滿凜烈歷冰天倚勢山還假凝寒骨自

堅凌陰紀周禮履薄咏詩篇烈日常相對能教暑  
氣旋

撫松

坐臥松陰下蒼然列我旁盤桓繞堦砌空翠滴衣  
裳鱗甲龍蛇動波濤風雨狂孤標千仞峙志凜若  
秋霜

尋梅

一枝驚破臘時有暗香侵野店還攜酒寒花最賞  
心美人家不遠處士跡堪尋灞水衝寒過新詩策  
蹇吟

南華詩集

卷二 詩水吟下

九

飲蜡

萬寶告成日胥知報土功鄉民循故事舊俗尚幽  
風嘉穀盈場圃清醪醉社翁田家饒樂事歲歲慶  
和豐

祈年

卜歲云豐稔郊原一望時太平真有象大造定無  
私會見倉箱盛遙占暑雨宜閭閻相慰勞斗酒樂  
雍熙

剖橘

園中報橘熟累累若懸金霜染迎朝旭丹華照夕

陰含香沁齒頰挹露淨塵心堦下千頭盛璿星耀  
樹林

摘橙

小春多好景橘綠與橙黃葉暎湘波碧甘分曉露  
涼剖來成白玉色正稱黃裳佳客時來集林中摘  
共嘗

觀魚

漁師寧竭澤殷薦列冬烝在蓼經時久潛淵寒水  
澄忽驚網罟入共看錦鱗騰頃刻銀絲鱸傷哉此  
石鮫

南華詩集

卷一 詩水吟下

+

煨芋

懶殘閒撥火煨芋鄰侯嘗領取十年相能充一夕  
糧坡公謫玉糝越客佐羹湯臘盡圍爐久薰蒸賽  
煖香

祀竈

司命燃燈照年年五祀崇煬非吾輩事媚豈古人  
風杯水誠還格茶香感自通春回臘已盡仍望返  
瑤宮

祭詩

縹緗矜學富霜雪上吟髭聊藉三杯酒還酬一歲

詩佳篇仍綺麗清思益神奇賈島風流在千年尚可追

廟饗

報本惟禋祀冬烝追遠時春秋固不忘霜露尚餘悲豐潔成殷薦精誠達孝思致詞陳祝嘏長願受天祺

守歲

骨月團圓會長筵接歲除堂前介眉壽元旦為慈親誕辰先一日預祝兵人膝下獻春蔬列坐欣無束傳盃樂有餘一聲聞爆竹佳氣慶充閭

蘭皋詩鈔

卷二

十一

蘭皋詩鈔卷三

長洲宋廣業澄溪

都下偶編

癸丑春日余初入都進廣寧門遇同鄉

前輩迎賀新鼎甲韓元少徐彥和王季

友三先生喜賦

江左科名盛聯鑣盡我吳儀型繼前輩學術冠羣儒臚唱傳三鳳歡迎塞九衢入都逢盛事步武在吾徒

上大司成徐立齋夫子

蘭皋詩鈔

卷三

一

髻亂從遊客負笈玉山高處仰龍門旋通仙籍名逾盛坐擁臯比道益尊四海英才歸大治十年教督荷濫恩觀光今日來京國北面欣瞻笑語溫

仲父設席祖園侍飲

十載不相見情濫父子同一朝承色笑竟日樂融融愧乏名家韻還期繩染功謝叔源訓歡言酌杯酒和煦被春風

上大宗伯王敬哉先生

楷模尊一世四海奉儒宗賤子抑何幸先生許見容風懷追顧劭雅度識王恭世好淵源在高山起

景從

仲父出令嗣胥庭先生之門

大司空王胥庭先生招集豐臺賞芍藥

廣陵金帶重京華開到豐臺第一花十二參差濃

似纈兩三爛熳麗如霞

白樂天有兩三叢爛熳十二葉參差之句

珊瑚風亞

看偏好鼎鼐羹和味最嘉宴罷魏公應有句翻階

醉粉奈欹斜

上少宰孫北海先生

先生海內推清德寄跡 皇州一草廬朝宁舊傳

九品格篋中還富五車書昌明理學程朱緒光燄

文章李杜餘曾託通門瞻氣象光風霽月滿階除

育三寺少

本三都下偶編

二

大司農梁玉立先生招飲賦謝

崧嶽恒山鍾大賢望隆北斗重幽燕朝端君相經

綸寄海內孤寒教育偏氣誼直追千古上交情不

忘卅年前

余舅氏管元歸乃先生已卯同年謁選金門提攜甚力

吳蒙得接韓公座

聲價還思到處傳

上高陽相國李太夫子

黑頭宰相重高陽經濟文章冠玉堂鼓勵人材弘

樂育調和台鼎藉匡襄小心翼翼惟乾惕大度休

休作棟梁抗手階前期一顧淵源有自望周行

仲父

為相國門下士

上大司馬龔芝麓先生

江左儒林集大成斯文振起仰先生庭栽桃李三

千樹胸吐珠璣十二城落落襟懷令氣折殷殷友

誼盡心傾從遊倘許趨函丈敢叩洪鐘望一鳴

秋日孫愷似招入詩社同紀伯紫計子山

吳聞夏嚴蓀友朱錫鬯姜西銘石邵如

諸君子分賦

東南風雅集

皇都盛世爭鳴興不孤明月入懷

摠素抱秋風奮翮起雄圖高歌燕市渾悲壯憑弔

金臺共歎吁快得同心結吟社分題刻韻屬吾徒

南三寺少

本三都下偶編

三

黑龍潭偕陳其年陸子載兩先生同游

登臨最喜值秋天萬象蕭森在眼前霜淨西山迎

爽氣雲開北闕暎重淵驪珠未許接神窟勺水偏

能奪化權一自乘時興雨後深潛潭底自蜿蜒

西山雜詠

樹色龍葱繞瑞煙西山爽氣翠遙連驅馳愧作紅

塵客攜屐來游一惘然

清淺流漪出玉泉香飄十里水生蓮滌洄 御苑

勾留住一片晶瑩若藥淵

玉泉

撥幽重到碧雲天峭壁嶙峋挿日邊五色摩尼三



寶地輝煌驚嶺自年年碧雲寺

激湍遙仰出龍湫 御筆親題在上頭萬物盡沾

滋養力飛泉長共 聖恩流龍湫有激湍二大字扁額今上冲齡御筆

流丹飛閣置懸厓 帝闕雲中景物佳好是登臨

頻極目乾坤浩蕩更無涯朝元閣

層巒疊翠百花山 山塢叢林畫掩關樵牧不知歸

去路前村煙火曲灣灣百花山

潭柘由來晉得名荒苔殘蘚歲時更紅輪一照鋪

成錦璀璨琉璃入眼明潭柘寺

指點額蒙有戒臺蒼松翠柏倚雲栽鐘聲不斷留

蘭皋詩鈔 卷三 都下偶編 日

香火 御額高懸萬象開戒臺今上御筆

明月中天到上方雲堂習靜各焚香高僧相對渾

忘語寂歷空山花自芳上方山桂芳和尚卓錫於此

祇樹禪林擬化城山迴水合自天成莫愁行路多

艱險一入菩提安穩生西域寺

甲寅教習官學乞假南歸為 兩大人壽

胄子溫文列講堂綵衣塵積滯他鄉白雲一片思

親切重問歸航進壽觴

兩大人五十雙壽江浙二省蘇松常鎮嘉

湖杭七郡同人捧觴稱祝中秋讌集虎

丘山塘 家君用吳梅村先生癸巳修

楔原韻賦詩唱和廣業敬成四首

俯仰猶思修禊年講臺悟石盛羣賢三江縞帶歸

吳札謂梅翁先生十乘風流憶茂先梅翁撰集詩有追憶天如先生句尚有典

型惟道誼遂成佳話在詩篇只今後會人如昨籍

裏金蘭久更鮮

錦纜銀塘恰素秋叨陪末席挹朋儔身隨彭澤行

輿後人似林間把臂遊座上聚星方奏美天邊画

角莫淡愁文章自昔堪圖報不獨高談可寫憂

一闋南陔奏玉笙廣徵詩句妙縱橫我無難豕登

蘭皋詩鈔 卷一 都下偶編 五

堂獻客有琳瑯擲地聲午夜流觴忘少長他年高

會待耆英孤星看去連南極疑與春暉爛熳生

江千車馬儼成行掃徑誰云灤上堂投分豈期多

命駕淹留且莫泛歸航此時文舉尊相屬幾日荀

公坐有香錦繡欲酬青玉案自慚徙倚不成章

丁巳 家大人秋闈報捷喜賦

大人束髮戰文場十上秋闈志未忘昨夜奎光明

北闕定知岩桂發秋香凌雲榜上俱龍虎太液池

頭待鳳凰竊慶精神方矍鑠馳驅王路正康莊

悼亡哭錢孺人

荆布相依僅八年一朝之子隔重泉高堂無復供  
甘旨中饋何人佐豆籩段盡衾裳成小劫夢回枕  
席憶前緣牛衣泣對應如昨遙睇空幃益泣然

上李厚餘太夫子

聖世科名重文章有定評椿庭推宿學絳帳識耆  
英銜鑒冰霜潔門墻桃李盈感恩在知己堂下拜  
先生

戊午下第感賦

秋風寥落在天涯處處堪悲事事嗟意外龍頭仍  
失却暗中蠶尾漫相加是科有人藏匿余卷  
為有力者攫之而去人間信有

南華寄鈔

卷二下陽編

六

騰驤術眼底空驚爛熳花驛路三千塵十丈未妨  
飄泊不還家

香奩詩二十首

規仙限韻

鏡

妝臺瑩淨水盈盈照徹深閨眼底情形影相憐疑  
欲語精神對注並如生無波暗引菱花動不夜長  
懸秋月明聞說火齊能響應可能為汝一通名

釵

耀首何來龍鳳文千金價值自超羣一枝直貫穿  
紅縷雙股斜披束綠雲未奉先儀愁百結密藏戶

閨愛三分憑他銅鼓矜豪富爭似同心贈與君

釧

舉袖翩翩素手殊雙錄約腕恰相符盤旋自挽郎  
心密膩滑休嫌妾體粗鑲葉玲瓏施翡翠雕花爛  
熳飾珊瑚更看左右摩尼串累累繽紛若貫珠

璫

恩愛偏施穿耳針丁香曲曲製兼金雙鉤斜拂佳  
人面十珥微窺孺子心絲綴珍珠垂素纒手敲明  
月許幽尋閒情偏愛江南樣環珮珊珊和好音

首帕

南華寄鈔

卷二下陽編

七

滿頭珠翠任鋪張尺幅絞綃覆額黃簷引盤龍迎  
日麗口銜舞鳳逐風揚紫綳薄襯青絲髮綠穉低  
垂紅粉妝載解金貂為汝飾深閨香煖愛偏長

花勝

細剪輕羅巧思微紛紛紅紫闌芳菲纖葩疊覆堆  
文錦翳葉新翻點翠衣更有鳳凰環髻舞載看燕  
雀繞雲飛百般都麗花添勝贏得如花是也非

黛

清揚宛轉映流蘇蛾綠輕施美且都新月半鉤款  
若整遠山一抹有還無爭傳京兆添螺黛笑指臨

叩憶酒壚敢效啼紅怨楊柳妝臺檢點十眉圖

粉

初試新妝學大家紅顏常恐汚泥沙千花染色和  
瑤屑百蘊飄香傳露華皓質每從當戶出瓊姿莫  
使隔鄰遮向郎急索緣何事屈指佳期正及瓜

脂

一捻紅開出內朝美人灼灼在雲霄光搖菡萏晨  
光燦色暎天桃春色嬌薄染花容和蝶粉微沾唇  
吻點瓊簫呼盧戲采承恩寵載錫宮緋照眼燒

梳

自是奇金  
笑整花妝月半規雲鬟思理正芳時疎編落落分  
頰髻密櫛重重理亂絲玳瑁新裁勤護惜象牙初  
試好攜持來朝擬挽同心髻珍重爬梳付侍兒

鈕

丹砂白礫碧琅玕珠翠繽紛百寶欄左右連環如  
比目陰陽妃偶若和鸞晨妝好倩同心綰夜睡難  
教密意寬直待檀郎親解取暗香拂拂透衣單

指環

十指纖纖繫小環紫磨官樣恰中間秦金巧製同  
心結漢玉新裁異彩班一簇榴花相掩暎半鈎明

蘭皋詩鈔

月許躋攀他年不負韋郎約生死幽情去復還

臂鞵

長袂雙垂使臂難生綃短製着衣端輕移綰髻晨  
妝靚曲枕橫肱午夢殘敢飾綺羅誇冶艷為勤刀  
尺護淡寒當筵莫漫搖歌袖結束峻嶒學舞干

袜

冰肌雪質露淡紅尺幅新裁護絳宮馥郁香生羅  
袖底繽紛色暎繡衫中辛勤懷抱三年哺珍重歡  
娛五夜風薄縠輕綃纔拂去雙酥着體更和融

汗巾

小蠻善舞態妖嬈衿帶飄飄風滿條白練光搖疑  
月皎紅羅色艷似桃夭紫迴巧繫即心愛披拂長  
含女意嬌瘦削丰姿時約束纖纖寧羨楚宮腰

香囊

莫說焚囊有謝安風流自合佩衣端爭誇異製花  
如錦並願同心臭若蘭貢出遐方曾賜賈竊來香  
閣獨遺韓金蓮繞帳懸文綺嗅此能聞幾里檀

裙

越女褊褊何處逢丹霞片片隱諸峰湘紋六幅偏  
宜夏紉素三條好禦冬香暖繡惟原自障花繁錦

惟爲誰鬆只愁羅綺長曳地蓮步紆徐滯淺蹤

袴

風流無限此中傳幅幅纏綿費屈旋金縷巧盤歡  
好合冰肌薄護愛生憐堂前彩耀綾羅褶馬上香  
凝錦繡韞花褪殘紅春意暖動人情處更怡然

襪

香塵蹀躞履輕羅複道淡藏春思多密密傳針工  
折線盈盈移步巧凌波鴛鴦被底勾文烏翡翠惟  
中護繡鞵聞說貴妃留錦初百錢一翫意如何

鞋

蘭亭詩鈔

卷二 鄒下陽編

十

莫逐流鶯過短牆弓鞋窄窄繞迴廊鳳文夕拜天  
孫巧蓮步晨飄畫履香微轉雙尖留盼切輕移三  
寸惹情長蹴毬纔罷鞦韆戲檀板輕敲出洞房

辛酉省試後得家大人手信趣赴都

謁選感賦

人生有志貴自立何必科名始奮發區區利達安  
足論仰體親心力當竭憶余束髮受書時廿載菰  
蘆空矻矻雕蟲小技歷暑寒燈借螢光窓暝雪草  
萋晨夕學爲文務去陳言耻剽竊小試曾逢伯樂  
知鎖闥屢躋遭媒孽卞和抱璞終待剖劉蕡下第

計已拙頭顱自嘆不如人破釜沉舟志彌切忽卿  
嚴命來京師塵染縐衣赴銓謁家貧親老期祿  
養出處生平自今決惜哉苦志三十年一朝改弦  
易往轍簿書鞅掌慮紛紜帖括咿唔從此絕竊笑  
虞翻骨相屯敢謂毛生爲親屈鸞坡鶴禁夢迢遙  
行行更踏燕山月

蘭亭詩鈔

卷二 鄒下陽編

十一

蘭亭詩鈔卷三 終

蘭皋詩鈔卷四

長洲宋廣業澄溪

房子小草

太行山歌

太行山高高嵯峨青峰直與青天摩表延北走燕然界迴鑾遷延南臨河黃河之水從天下崑崙發源如奔馬天地之氣融而為川凝而為山太行鍾靈異橫亘塵世間太行之山一千六百里中峰特起峙房子房子古城在山隙可憐民貧地多瘠雪飛鐵嶺凍雲根月照喬莊慘沙磧程程啼雨虎吟

蘭皋詩鈔

未印 房子小草

一

風芙蓉簇簇煙重重洪崖赤松不可見祇有鳩形鵲面時相逢我為臨城吏未得臨城治治民在我不在民指可使手手使臂一琴一鶴共一堂一簾山色堆寒翠嗚呼溪山窮谷之中我胡為乎來哉太行踞地脊遙望徒崔嵬鼓旗二山相對立擁護神靈陟降于天臺維天雖高天聽卑我上天臺拜手謹陳詞山之靈今惠我私雨暘時若無愆期願我民今世世不聞號寒與啼饑

大水

泝河之水出太行奔流浩淼何湯湯太行山城小

蘭皋詩鈔

千彈崩騰衝突勢莫當我來房子已三載安瀾差賴民安康水伯胡然忽肆虐一朝汎濫失故常郊坰處處馮夷館民居在在蛟龍藏有如風雨驚驟至趨避不及空倉皇有如轟雷震寰宇一聲偃伏神魂喪又如呼聲動天地千乘萬騎爭沙場又如海門怒潮湧銀濤搏激千仞岡動如騎鯨搖五嶽靜如明鏡浮三湘民幾魚鱉鳥獸散草木渰沒黍稷荒况當淫雨三晝夜百流騰集水益張乘風掀簸真差音昌家事音昌家女墻撞擊垂淪水撞西門入而後出者再不浸僅三版彷彿汾水灌晉陽守陣官民危累卵

蘭皋詩鈔

未印 房子小草

二

更無善策營隄防聊縛柳埽效古法觸埽水勢仍披猖洗滌志慮敬齋戒惟有虔肅禱彼蒼小民何辜臣之咎小臣有罪民罹殃血書手勒投水府為民請命叫閭閻展誠旃檀香一縷牲牲玉幣同相將神靈肝鬢昭報荅洪流漸次徙他方蜃渦蛟涎腥沫遠移濡改霍多殘傷天柱地維還舊觀受祈造化時雨暘勿謂太行之神不可瀆微忱感格明彰彰勿謂泝河之水不可滅捍禦疏殺安其鄉周田膳膳民情樂王道平平天日光重修息波舊日亭亭成作歌永無疆

金憲梅崖李公重書平韻少參蒼巖集公作記并歌詩以紀之



弔古六首

臨城伯廉頗

廉君古名將配祀武成王一飯傾人主三遺棄國  
良負荆交誼切拊髀繫思長列爵公侯並追封異  
代彰

栢暢亭

此亭名最古千載憶王孫漢室江山改藩封爵號  
存泉聲任嗚咽鳥語自爭喧弔古情何限賢侯德  
弗謾

漢王霸墓

南才子集

宋曰 房子小集

二

滹沱水可渡一語定中興天意歸真主人謀協瑞  
微雲臺傳繪像古墓並丘陵瞻掃郊原外英靈儼  
若憑

房子侯鄧晨

漢室凌夸日懿親靖難時王姬遭喪亂都尉痛流  
離茅土今何在藩封昔尚遺古城衰草遍彌望不  
勝悲

釣盤山

相傳韓信敗陳餘于釣盤山餘曰  
魚遇釣盤其亡矣果為信所誅

魚入釣盤中成安自此終淮陰決一戰背水得奇  
功

泥河 昔廣武君李左車與韓信戰敗至此問之曰  
泥河廣武君曰車入泥河不能行吾其亡矣

軍入泥河陷生擒廣武君神謀出水上誰敵此雄  
軍

臨署雜詠十二首

思補堂

吏散鶯啼退食遲焚香靜坐有餘思誰言衾影能  
無媿正是心殷補過時

迎旭堂

曉日初明出震方八窓洞啓近晴光舉頭自是長  
安近竊效傾葵向太陽

南才子集

宋曰 房子小集

四

瞻雲樓

憑高極目五雲開瑞氣氤氳自北來遙識宸居衆  
星拱中天萬象正昭回

舞絲軒

南北迢遙定省違數椽新構奉庭闈敢誇祿養陳  
珍膳聊學孩提戲絲衣

射圃

閒同射耦聊觀德六藝兼通此一端試看太平無  
事日山城長得保民安

豐慶園

嘉名特錫此園中但願時和慶歲豐隙地盡栽稼穡民依彷彿見幽風

介齋

夙夜齋居慎自持心堅如石幾曾移三公不易前賢操望古常懷柳士師

梧桐書屋

一庭敷蔭葉萋萋掩映簾櫳翠色齊解帶調琴殊自好高枝應有鳳來棲

雪浪石

蘭皋詩鈔

未田 房子小序

上

玲瓏一拳秀移來貯盆盎疑是定州物蒼巖題雪浪

齋以介為名庭中峙尺璧

石在介齋庭中

擬欲攜之歸得毋

傷清白

用放公句

蓮花池

亭亭翠蓋氣迎風菡萏初花映水紅不染汗泥比君子聊將微尚托元公

牡丹臺

闔豔休誇百寶闌洛陽名卉殿春殘官貧却愛花如綺不作人間富貴看

蘭皋詩鈔

宛在軒十首和葉蒼巖先生韻

官閣蕭閒類野航憑闌錯認白公塘原知宦海無歸着暫泊山城似故鄉

仰天報國心徒赤對月思鄉淚暗零縱使片帆風

正利何如放棹返林亭

雪霽雲巖天氣清半塘昔日記曾行而今一枕江

南夢煙水空濛欸乃聲

無限憂思小艇中羈人愁水復愁風晚來疑傍蘆

花岸牕外斜陽一抹紅

河水微甘海水鹹世途歷盡盡巉巖問津直欲乘

蘭皋詩鈔

未田 房子小序

六

槎去咫尺銀河擬挂帆

一船風月意如何倘有王琪張亢過使舵晏稍今

已正危磯端不畏風波

笑他水榭與層臺不及吾家画舫來四面雲峰俱

入望一簾蒼翠為誰開

天涯到處即為家風簇浮漚水聚花只有秋高最

堪憶松江鱸膾太湖蝦

籬根疏濬引泉流彷彿移家水上浮春漲浪高應

有待乘風萬里一孤舟

琴書滿載遠塵喧還望青鸞與白猿忽報故人遠

相訪停橈抗手接高軒

蒼翁以詩貽稚子志益賦謝

益兒時年方六歲

駒齒尚未落何當錫大篇但期能早慧慎勿負前

賢勤謹彈吾職詩書賴爾傳槐堂有故事

蒼翁貽詩有他年小

宋寇天下記取君家政事堂之句故爾及之

屬望繼輝聯

漢松次蒼翁韻

松在文廟中

翠拂朝暉與夕暉亭亭偃蓋似層雲千年幹聳嶙  
嶒勢百尺鱗圍錦繡紋幸託泮宮歌勿伐誰來壁  
水敢揮斤徂徠移植知何代溯膺依稀紀漢文

唐槐紀異

并序

前主寺金

未田 房子小章

二

臨城郡廟有古槐乃唐物也丙寅大旱

余禱于郡神夜半聞震雷從槐樹中出

風雨隨之甘霖大沛四野霑足賦以紀

異

四月天不雨禾黍盡焦萃上帝本好生胡然降災

異帝怒民受災厥咎在守吏祈求無一應旱魃厲

為祟密雲自西馳滴雨不我賜我民徒倉皇我心

實滋愧庭中有古槐云有神靈閭屈曲盤螭虬青

蒼集翡翠洵是天寶物喬柯蔭庥庇長跪前致辭

乞神鑒微志俯念禱祀誠勿吝惠澤施待命夜方

半一聲驚辟易雷從樹飛出電激震天地玉樞驅

靈符鞭起乖龍睡蒼端急溜翻奔流繞盈遂遙知

郊原外芄芄滋稊穗萬物槁復蘇寸心喜不寐四

野起謳歌三秋免况瘁苟非槐樹靈利澤何由致

紀茲千年木實係一方寄

謁喬恭肅公忠烈堂

恭肅公偕繼母高氏弟若霞兒婦魏氏一時同殉崇

城成寅之難

一門傳四烈凜凜起英風巾幗同男子簪紳禦桀  
雄但思全大節誰復惜微躬浩氣歸何處忠魂上

碧穹

前主寺金

未田 房子小章

八

蒼巖先生之任楚中賦詩畱別次答二首

知己天涯有幾人君能樂道我安貧襟懷落落淡

如水笑語融融藹若春恨不易逢偏易別喜今相

見倍相親何堪忽唱驪駒曲又逐征途車馬塵

別時情緒各紛如別後無乖一紙書赤壁迢迢憑

隻雁湘江渺渺惠雙魚得閒載酒尋潘老休事投

書弔屈閭虛席旋看宣室召承明會直舊時廬

先生

係庶常外轉

偕喬百一趙會一孫子白暨邑中諸同人

蒼巖祠餞送蒼巖先生次韻二首

蒼巖山下路好友惜分攜把酒不忍別斜陽已向  
西馬嘶衰草亂鴉散暮雲低何處荆襄道茫茫煙  
樹迷

座中推老輩氣象自巖巖謂百一先生顧我同樗櫟諸君

盡藉咸雨雲多反覆嗜好別酸鹹此去無他屬時

時望寸函

贈喬百一先生

忠節昭前代清風繼後賢望推遺老重名讓布衣

傳邑乘徵文獻如椽續舊編媿余真俗吏還喜共

周旋

蘭皋詩鈔

卷四 房山小集

二

贈恒山大令徐蒼舒

同官鎮州道惟爾最相親氣誼久愈洽交情淡自

真世途多冗艱宦跡各風塵知己應堪數天涯有

幾人

與陸稼書邵子昆兩先生夜話

兩君同臭味我亦附參盟剪燭談心密浮尊挹氣

清盱衡今古事酬唱主賓情夜半秋風起悲歌感

慨生

上巳息波亭偕士民修禊有小引

上巳修禊被除不祥歷代相沿諸為韻

事游人贈藥宣聖不刪秦泊之詩名士

流觴晉人爭豔蘭亭之序其最著者也

緣簿書之無暇致典制之久湮今特與

諸君子約屆期復古無分少長各具尊

罍二簋一壺共聯勝會五風十雨用祝

豐年一者享神以慶安瀾一者樂民以

游化日攜童翠冠須知此地有雲沂飲

酒賦詩况復同人多王謝羣賢之畢

集衆可合歡期好樂之無荒吾寧從儉

時不可失歲以為常

蘭皋詩鈔

卷四 房山小集

十

風光變元已景物媚芳辰榆柳家家火鶯花處處

春被邪循故事禊飲樂吾民不似蘭亭會情淡感

慨類

柏鄉攝篆

此行殊越俎作吏况多疎深懼忝厥職寧誇刃有

餘房城幾命駕鄆邑重驅車緬昔善為政風流愧

不如邵子昆詩馬  
柏鄉縣令尹

賑飢感賦

六月不雨禾黍槁衆口嗷嗷俱莫保狂風日夜天

無光白草黃沙千里道河渠試望盡揚塵井底無

波泣涸鱗幸有 九重恩澤降天心重念一方民

義塾課士

太行鍾靈秀濟濟毓儒宗吾道欣有託君才故自  
雄高文摘錦繡列宿貫心胸金玉俱時彥還期追  
琢功

招撫紫河套山賊

負固潛溪窟荏苒敢自雄剪除非善術綏輯有微  
功 聖世無遺教山陬盡嚮風從今大行畔閭井  
樂和融

攝理渚陽水泊爲害余先請蠲賦隨濟漳

南士詩多

未田 房于小阜

十一

淦二河以疏下流不兩月而水歸故道

奉 旨蠲免荒糧人民樂業喜賦

聖朝念切求民瘼呼籲微忱徹九天

大中丞于振甲先生特疏蠲賦

兩月焦勞除積患一時蠲賑荷生全功成溝洫田

家利名紀河渠太史編敢謂代庖非我事此行似

不負前賢

前任令尹今少司農王麓臺先生請之於上委余攝篆

嘉禾亭

元代傳嘉瑞嘉禾紀古碑兩莖去幾尺一穗合駢  
枝挺挺常相向英英若共持今歸豐慶圖祈穀慰  
民饑

青龍潭

每當苦旱日靈液出龍潭環翠如雲覆深淵若海  
涵齊心事虔禱入洞恣幽探

土人祈雨入石洞中如得金色鯉魚大雨即至

天意

同人意薰風雨正酣

喜雨聯句同叔邃叔吳虞升屠含章陳山

農旋吉李次馮王鞏文諸子分賦

勤民歌樂只選求友賦嬰鳴山農北海尊初設虞升西

疇雨乍晴章好花看不厭聖文流水聽無聲澄溪饒有

天真樂次馮優游玩物情旋吉

南士詩多

未田 房于小阜

十二

蘭皋詩鈔卷四 終



蘭皋詩鈔卷五

長洲宋廣業澄溪

關中小草

潼關

秦中號天府鎖鑰寄危關險扼潼川水高連太華  
山英雄曾割據世運幾循環今日皆王土行人任  
往還

余初入關時值亢旱兵民乏食奉調赴省

隨諸大人賑濟饑黎接運寧襄二處糧

米廣儲以備灾荒往來馳驛日行二三

百里馬上口占八絕

山河四塞古西京富甲中原天府名何意頻年逢

亢旱天灾於此徧流行

沃野何曾見黍苗羣飛鴻雁聽哀嗷大臣心切憂

民瘼早有封章達九霄

渙汗遙頒自日邊分馳驛使出秦川頓令槁木回

春色重使枯魚躍廣淵

邊陲戍卒困難支庫癸頻呼涕泗垂忽聽歡聲似

雷動聖朝矜恤荷恩施

百里牽絲乍入關彈丸小邑在深山仇離載道真

甚歎萬目蕉心晝夜間

一檄傳來奉上官急如星火赴長安救焚拯溺原

臣職跋涉何辭行路難

勤宣德意遍窮廬鵠面鳩形喜色舒億萬飢黎沾

實惠肯教蠹吏得侵漁

廣開積貯已盈廬江漢遙通萬里船輸輓莫辭胼

手足家家足食起炊烟

華山雜詩七首和王阮亭先生韻

玉泉院

米貴說長安居此大不易何似玉泉僧屏絕人間

事

青岑穿雲飛瀑疑空注曠遠豁塵襟一亭萬叢

山蓀亭

樹

希夷峽

石峽自千秋清風高百丈睡足天下平逍遙任疎

放

娑羅坪

鹿女隱溪岩鶴巢寄高樹青坪隔塵喧白雲來復

去

白鹿龕

華山仙人窟鹿亦學長生毛白乘雲去龕前風日清

青柯坪

危磴最傾欹青柯長石罅磳壑流笙簧幽禽聲上下

毛女洞

古洞何深窅時有白雲飛仙跡傳毛女依稀見羽衣

贈李山人雪木

南華詩餘

卷五 關中八景

三

山人結茅處杜曲近東頭簾捲終南翠溪通素澹流著書忘歲月采藥記春秋肥遯堪終老蕭然何所求

城南遊詩八首同阮亭先生作

曲江

地占長安勝當年盛治遊霓旌下南苑画舸蕩中流蒲柳經春綠滄桑幾度愁哀吟杜老句獨立暮江頭

薦福寺

為訪唐朝寺經行澹世情蒼蒼松色古朗朗梵音

清剝落餘碑版蕭寥遠市城高僧無覺範洪覺範書此誰與話無生

韋曲

迤邐城南路幽尋興不違桑麻殊蒨蒨夢山水自清暉皇子陂猶昔開元事已非不勝懷古意徒倚欲忘歸

杜曲

已接韋曲勝再向杜陵遊故相家何在名園景最幽玲瓏訪奇石澹沲弄春流舊蹟消沉盡空餘草木稠

南華詩餘

卷五 關中八景

四

牛頭寺

牛頭傳古刹境僻絕塵喧花落無人掃樓空有佛存煙凝千嶂碧雨逼一燈昏獨愛樊川水年年繞寺門

少陵原工部祠

寂寞少陵原先生祠宇存南山當几案滴水響朝昏客死千年恨詩名一代尊風流如可即再拜薦芳蓀

樊川桃花

一片紅如錦樊川桃盡花臨溪舒艷笑暎柳散晴

霞恍入天台路疑藏洞裏家香風徐引處遙認酒旗斜

秦愍王墓

蕭索園陵久人傳帝子墳碑殘經野燒事往付浮雲牧豎猶能識啼鳥那忍聞茫茫前代恨憑弔立斜曛

杜曲西南弔牧之冢

尋春已遍樊川路小杜風流渺莫攀却聽野人遙指點一杯荒塚傍青山

灞橋

為訪終南山因過灞橋路白雲滄羣峰時復逗秋雨野水流鴻溝荒原走狐兔風起魂欲消無數楊柳樹日暮跨驢歸搖鞭覓瘦句

驪山湯泉

繡嶺花開空惹恨離宮草長已無春殘脂賸粉流不盡惟有湯泉思殺人

武關懷古

一入咸陽歸便難章臺朝罷得秦驪武關不許懷王出千古行人怨子蘭

藍田懷古二十首

蘭皋詩鈔

玉山山多美玉故名

覆車突兀起東南山形如覆車山水清幽試一撥環壁層

霏能益壽馮翊太守李預掘得環壁於山下推服延年石泉流液好分甘山下有石井病者虔禱之即得水色白味甘如玉漿能起沈疴

五人何處留仙憤藍令王曇首一玉人首戴漢文帝時冠憤

皇母當年出月潭北有華胥氏陵女媧氏谷笑指兩峰高並峙還

思一醉倒頽嵐

七盤山

七級盤旋十二繚山名七盤坡折旋則十二繚也曩時此路最難行幾

經曲曲開新道遂使層層入坦坪余留早治此路履險如夸

忘旅逆登高能下免心忤只愁陰雨連綿甚泥滑

斜坡滯旆旌因未楚石路且待來者

玉山山多美玉故名

峽山

峽關遙接藍關險天馬凌空特秀奇柳色參差環

翠巘山多楊柳波光蕩漾弄清漪藍水由山下入湘川漢高引騎施良

策宋武營城慰衆思山下有峽柳城又名思鄉城霸業王圖猶在眼

登臨何必歎欹崎

望舜山

望舜山頭王順峰紛爭聖蹟與仙踪相傳虞舜南巡不返娥皇女英望舜

於此又傳道士王舜探藥終南於此得道終南採藥知何去梧野賓天恨未

從極目瀟湘悲二女齋心壇墀慰三長是山祈雨輒應窮巖

絕壑多靈異天際真人到處逢

秦嶺

河山百二起秦川峻嶺中分地脉傳南北峰頭如浪湧東西水派若綿延遙連汧龍通巴蜀近接荆襄出澗瀍回首家園何處是雲橫日落倍凄然

藍橋

林巒洞壑最孤清代有神仙此地生銀窟傳漿諧鳳侶元霜搗臼見雲英裴航遇雲英於此龍吟渡口波濤險

虎嘯山頭人鬼驚幸有橋梁通曲澗甘心抱柱太

多情尾生期女子不至抱橋柱而死

南華詩金

輞川

右丞高曠本幽姿日與青山綠水期境入詩中疑

是畫人歸畫裏更能詩迴環巖壑猶當日川有孟城初華子岡

斤竹嶺南北垞郭湖金屑泉白石灘翁家嶺俱存寂寞亭臺非往時文杏館竹里館鹿柴木蘭柴藥黃片

辛夷塢宮槐陌臨湖亭柳浪深園椒園俱廢安得臨摹尺幅去風流儒雅好師

資

東山草堂

崔王卜築近藍關丘壑娛情日往還宅相幽期居

輞峪阿咸傑構起東山右丞母博陵君為輞關崔東山之姑崔斯立孫女丹楓迴

出層霄外碧澗相依咫尺間為問草堂今在否少

陵佳句尚班班杜工部九日有崔氏莊之作

白鹿原

玉峰聳翠冠西京更有平原匝地橫層疊谿山環繡壤迷離煙樹俯雲程千家雞犬人熙皞萬井桑麻世泰亨莫說東遷周室改紛紛逐鹿此先聲

石門湯泉

驪山相望出湯泉泉在驪山之南下有丹砂氣更全獨坐澄懷光皓潔頻移滌肉色水比驪泉更溫紅鮮濯纓漱石無高

下融雪連珠自蓄宣載溯源頭名玉女泉名有五濯纓漱石融雪連珠

玉女皆泉名明皇題額至今傳唐明皇賜名曰太真湯院有玉女堂

南華詩金

華胥氏溝

至聖鍾靈毓此溝伏羲女嫫氏皆華胥氏所生溝下有三皇廟號聖橋乾坤合換氣

瀾浮河圖龍馬呈奇瑞鳥獸文章集大休煉石補

天安碧落斷鼇柱地奠神州巍巍功德何勝紀聖

母遺徽萬代留

錫水洞

錫水相傳自碧天藍橋有碧天洞距錫水四十餘里地穴相通東西迢遞路紆

延千峰環繞超藍峪萬壑爭流入輞川似有神靈

通地脉應無魑鬼出山巔老僧飛錫撥龍穴何異

羅浮寶積泉世傳久樂和尚以錫杖通此水故名錫水洞

湘子洞

傳聞湘子悟修真曾向藍橋指路津洞口花開如  
欲笑林間虎伏莫生嗔數聲朗笛歸何處一片閒  
雲現此身嘗對文公勤勉學硃砂碧玉煉元神

荆軻墓

浩氣橫空易水東白虹貫日射關中豈期俠骨埋  
藍土長使雄心付碧穹苦雨淒其悲壯士英風凜  
冽痛孤忠當年肢解傳青史剩有荒丘出草叢

白樂天墓

先生六載解簪纓詩酒流連適性情楊柳栽詩傳  
自十青少 未上關中草

禁籙香山結社會耆英小蠻善舞腰肢瘦樊素能  
歌骨格清藍水玉峰當絕勝歸泉含笑是佳城

朝川母塔

摩詰由來以孝聞經營身後百年墳形骸骨立柴  
桑侶風木心悲麋鹿羣迎養本期天雨露居廬忍  
見鳥耕耘追思異地同歸宿右丞墓即在母塔旁秦嶺遙連晉

北雲右丞及博陵君俱太原人  
在斯立為藍丞故居朝川

蔡文姬墓

中郎有女苦伶仃二十年來別漢廷焦尾已拋誰  
共斲胡笳疊拍那堪聽殊方久斷三生夢幽壑猶

埋一點靈祇恨明妃傷塞北獨留孤塚草青青

韓文公祠

泰山北斗闢乾坤絕學昌明萬世尊道自唐虞傳  
統緒心承孔孟接淵源維持文運趨醇厚力挽頽  
風返渾元拜罷再瞻佛骨表潮陽雖去此猶存

顏魯公祠

真卿大節表三朝歷試艱危志不撓河朔獨能全  
保障汝南猶自勵剛標心懷忠孝寧屠戮面叱權  
奸敢動搖赫赫精靈同日月千秋廟祀重藍橋

柳公權莊

三步能高子建才文章風采冠蘭臺君臣合德資  
廷弼兄弟同心挽世頽珥筆敷陳匡帝志浣衣直  
諫別羣材清風亮節垂千古寧獨臨池藍水隈

擬遊朝川不果追和王裴唱和原韻得詩

四十首

孟城坳

緬昔輞峪口孟城餘衰柳上下千百年城亡柳何

有

舊有王維宅攀援何處上人言在山阿結袂奮欲  
往



華子岡

思登華子岡四面看山色華子不可問高岡望何極

浮雲集暮靄旭日炫朝晞勿論晦與明千仞振我衣

文杏館

棟梁不易得文杏已成宇聞道棟與梁隱隱出風雨

曾過崔氏莊東山去亦屢念茲文杏館幾時能一顧

南華詩鈔

卷五

十一

斤竹嶺

遙望滿山竹暎水清且漪涼風竹裏生獨有幽人知

商顏云在望徑仄去何遠舊日商山主依依念舊岑

鹿柴

仰視飛雲山山空寂無響麋鹿每成羣凌空而直上

樹杪非無爲聊以壯孤客豈曰此山險行人何昇跡

木蘭柴

木蘭可爲舟臭比同心侶結茲木蘭柴遨遊得其

所但聞虎豹多朝曉夕吼水森然如列戟兇威當潛已

茱萸泚

離離遍山隈垂垂向水開爲憶登高者流霞散菊

杯結實同荆杞舒色似朱纈遙憐兄弟隔應念一人寒

南華詩鈔

卷五 關中小草

十二

宮槐陌

宮槐傳自昔濃綠映青苔夏日炎炎暑山農自往來

王祐植庭前韋寬栽孔道蒼然樹幽徑葉落風旋掃

臨湖亭

藍水源流遠千谿滾滾來蜿蜒數十里瀟灑自茲開

結亭在湖上風月好徘徊擬攜一尊酒期共故

來

南垞

南垞與北垞可望亦可即那得駕扁舟鼓棹去一識

身在玉山下心繫南垞岸湖流近若何清波當浩漫

敬湖

此湖誰是主千載憶東君凝碧池頭句敬湖臥白雲

晴光常澈澹碧照與天同每發臨流興揚帆待好風

南垞詩金

卷一 湖中小草

三

柳浪

章臺惜芳菲隋堤漾連漪一葉忽報秋傷心在別離

暮風飄蕩漾飛絮任遊絲吹逐還如昨青青豈往時

樂家瀨

淺水滿平沙若渟還若瀉涓涓聽水流江湖疑日下

水流聞有聲潺湲響蒼津鷗鷺戲相狎寂寂獨無人

金屑泉

昔承金莖露嵩呼萬萬歲湧此金屑泉恨不遇武帝

璀璨耀波紋黃金如可拾不貪乃為寶盈盈誰谷汲

白石灘

皎皎白石灘灘淺石可把何時垂釣竿流憩長松下

白石噴清泉光輝更無極石白泉逾清泉石同一色

南垞詩金

卷一 湖中小草

古

北垞

南垞隔秋水北垞隱朱闌兩垞不可即悵望寄毫端

兩垞在何處南北臨敬湖湖光日淡蕩幽懷想孤蒲

竹里館

繞塢竹千竿風來竹自嘯明月透疎林宵來當我照

舊館雖云亡有竹尚可親生平愛三友誰是歲寒人

辛夷塢

春明花正繁夏秋花再萼紅紫鬪芳妍三時花不落

灼灼若芙蓉嬌豔供人玩芙蓉邈難觀辛夸徒凌亂

漆園

莊生真達者逍遙澹世務漆園至今傳徒見青葱樹

寧為一士諤勿效千人諾莊生雖作吏自有莊生

樂

南華詩鈔

卷之五 關中小草

七

椒園

折桂邀明月采蘭遺美人芬芳起椒園亦堪持贈君

搗汁可塗壁調羹可留客有椒歌其馨能不思披摘

悼亡哭陳孺人二首

結褵二十秋負我黔婁婦一別死生分六州夏誰鑄傷心堂上親應知涕如雨狂夫猶不歸馳驅關

山路

悲風何慘澹起我長恨端靈輶返故鄉涕泗空沈

瀾有子徒跣隨哀哉行路難南北成永隔痛悼摧心肝

益兒奔喪來秦即扶輓歸里

讀荒年歌感賦

三輔憂饑饉哀鴻集渭濱自慚叨末吏何以慰黎民

余奉文饒運糧儲邑中又安撫流移

風謠不

忍讀讀罷淚沾巾

與王山史徵君乞詩

三峰秀色望中凝每憶高人王右丞欲乞新詩慰飢渴寄將一幅剡溪藤

南華詩鈔


卷之五 關中小草

七

蘭皋詩鈔卷五

終

蘭皋詩鈔卷六



出關草

己卯仲夏出長安城作

丈夫貴真氣人事何足抑俯仰天地間一誠自不  
息昔我壯商於溪山如絕域煙火既寥寥人民多  
反側立志舉廢墜暮月新整飭郭外繞桑麻田間  
盛黍稷築城募民居濟河通貨殖萬寶集亨衢比  
戶足衣食民以食為天遠近來匍匐適逢秦晉飢  
流移更如織愧乏濟時才多方謀賑恤悉本至誠  
心冀無忝厥職何期人事乖蹈險幾不測一入長  
安城風波日以亟觸目盡危機隨遇皆榛棘坦白  
本素懷誰知反傷直自分計已拙旦暮委溝洫彼  
蒼不可欺念何至斯極撥雲見青旻推轂出羣力  
十年塵垢身一朝蒙拂拭前路正茫茫回思倍翼  
翼山川尚遷移日月猶薄蝕寸心亘千古安問通  
與塞

夜過驪山

驪山有路倦登臨惆悵宵征客思溪月挂半規光  
黯淡風來萬壑氣陰森殿城擊柝催殘漏怒馬加

蘭皋詩鈔

鞭過斷岑底事此行同接浙洗心更恐汗泥侵有  
溫泉不及往浴

望華嶽

三峰崢嶸聳雲端白帝精靈莫可干天地昭融懸  
日月神祇顯赫鎮祠壇十年勞瘁空皮骨一片忠  
誠出肺肝拜手遙瞻嚴對越如通呼吸碧霄寒

渡黃河

黃河之水天上來紆迴九曲走八垓有時細流通  
呼吸有時洪波漫塵埃細流之處險且急高山峻  
嶺尤崔嵬洪波巨浪不可當疾若奔騰吼若雷狂  
風驟雨猛烈至龍興虎嘯草木摧日月無光天地  
暝人生至此復何哉履險如亨有幾人古今歎息  
共徘徊我來西土兩渡河歷盡風波去復回吁嗟  
乎去復回回首河山心已灰黃河之水尚如此世  
路悠悠何足猜

留寓蒲州遲王子耳溪偕行

感君意氣有初終一載相依憂患中慘澹經營才  
智絀精誠昭假鬼神通時因勢迫催宵騎情為思  
溪盼曉蹤回首同心行且止還期並轡入丹楓

寄呈關中諸司憲

夸險由來不可知天公旋轉默維持花翻舊徑幾  
殘折鳥傍新巢免覆危世事茫茫如幻影人情滾  
滾似流漸長安別後情何限死裏回生強自支

中條山

冀州形勝起中條控馭河山千里遙綿亘六城資

保障蒲州平陸芮城  
安邑夏縣解州屏藩三晉靖紛囂時山賊  
初平太行東峙

迎朝旭汾水西流怒晚潮富事議汾河在靈石縣  
起工平陽地忽大震而止坐看

桃花玉女洞雲連姑射達神霄

豫讓橋

千秋傳義烈碧血濺寒流國士生無忝忠魂死不

自去字少

木八出關單

三

休漆身甘晦跡擊劍報深仇赫赫英風厲精靈橋

上留

裴晉公故里

晉公相業高唐室出處從容今古垂身歷四朝匡  
社稷心持一節繫安危淮西授首推能斷綠野閒  
居早識時元老壯猷殷眷注巍巍功德紀豐碑

姑射山

縹緲雲無際遙瞻姑射山神仙開洞府巖壑絕塵  
寰瑤草青坪爛蓮花白日閒莊生稱達士對此叩  
元關

介之推廟

患難周旋十九年豈期一炬喪名賢報功不及人  
祿旌善空留綿上田抱樹至今悲忌坂停炊自  
古禁寒煙更憐賢母能偕隱母子相從慰九泉

郭林宗墓

東國人倫仰大賢悠悠汾水遠封阡中郎作誌真  
無愧元禮同舟儼若仙剪韭留賓千古羨角巾墊  
雨一時傳松楸無恙來瞻拜慰我心儀已有年

井陘關

燕趙咽喉地行行入固關蒼巖看突兀劒水聽潺

自去字少

木八出關單

日

湲一徑通王路孤踪出亂山崎嶇皆鳥道過此謝  
多艱

抵恒曲喜晤大令王恬若表弟

蟲吟小草少知音跋涉關河到舊林兄弟廿年如  
一日燕秦異地自同心多君意氣凌霄迴愧我風  
塵入世淺憂棠陰忘晝暑冰山雪檻聽鳴琴

北嶽廟納涼六首

北嶽停驂方六月西秦馳驛已三千浮生到此清  
涼界一洗從前噩夢緣  
虬松翠柏列祠前一望陰森繞碧煙小憩石林澄



萬慮科頭箕踞即神仙

日麗芙蓉映水中霞明錦燦古珠宮風搖翠蓋參

差舞色相天然奪化工

廟中荷花盛開

馥郁遙傳十里香暗風吹引入霓裳凌波彷彿羣

仙至不信前身是六郎

殿楹圖畫屬前賢人物車旗久更鮮共說點睛能

破壁飛天一像至今傳

壁間有吳道子天宮圖飛天神像

漢時唐封自古今歷經灰劫幾升沉神工鬼斧依

然在不使雷霆風雨侵

嶽廟詠古十首

德寧殿

自寺詩

卷六 出關草

三

五嶽有恒山山名別有五華陽並紫微列女蘭臺

府更傳太乙宮大茂山尤古望祀肇虞廷廟食垂

唐宇傑構千層霄迴簷看接武金題炳日星玉冊

分茅土画棟毒龍蟠雕甍威鳳舞刻桷駢九楹鈎

廊延兩廡闌楔出風雲翠恩結網罟朱綠煥鴻文

瑯玕樂瑤圃垂景徹千門流形照萬戶天人相感

通隱隱見鹵簿

吳道子天宮圖

異哉天宮圖云是道子筆點染俱入神今古更無

匹龍袞繪洛陽水月傳兜率圖中京奇巧画外神

超軼一聖駕雲車千官扈星躔驅御繫紅巾侍女

呈皓質靈祇祇供奉鬼怪驚戰慄法雨灑飛塵清

風絕暴颶隊仗列仙真旌旗蔽天日雍雍下碧霄

肅肅來丹室琉璃一片輝雕鏤五綵溢金殿聞無

聲神靈半空出

飛天神像

亦吳道子筆

更有飛天神鷹揚出殿角噴氣貫白虹聳肩橫戟

槊毫髮豎雲端光芒射野朔瞋目俯窺區奮足窮

緬邈結束骨峻嶒撐持手捲握正直自無私激揚

自寺詩

卷六 出關草

二

判清濁誅暴孽雷霆鋤奸飛風電揚厲明天刑掃

除平地埽赫奕震愚頑精靈運知覺凡諸有情識

觀此愈端慙國家多豐恒人民鮮寒剝繪爾山之

陽楨爾衛喬嶽

劉伯宗鬼尉圖

鬼尉圖臯門神荼與鬱壘赤手捕長蛇挺肩負韞

矢長蛇名率然一擊兩頭起咄哉怪異蟲靈鬼逞

神技張口虎豹嗔側目猙獰視披衣露心胃竦身

迸足指奮臂摩鈎拳反脅厲嶠齒修髯翻風飛怒

髮衝冠起疾惡若鷹鷂觸邪同獬豸精光徹斗牛

明威耀旖旎取取秉忠誠赫赫鎮都鄙丹青傳汝神寫生常不死

飛來石

恒山一拳石玲瓏峙曲陌云是渾源物飛來似鰲擲陰嶽耀星精靈祇開地脉靈祇不可望奇石似可摘磊砢更嶄巖鬱懷非碎破旭日照霞宮璀璨耀氣核朔風翻雲根隱隱出仙宅碧蘚日長青錦紋時點赤盤礴氣蘊隆挺拔勢辟易仰之不盈丈尊之同尺璧燕銜筐績中雁舞廬山額片石託靈祇雲風護神跡

自土寺少

六八出關草

一

古松

巍巍嶽廟崇鬱鬱長松茂呵護藉神靈蟠結千年秀枝葉互紛披根柢爭輻輳飛節截肪磬蒼紋堆鱗皴鸞鳳集和鳴笙簧叶並奏永表歲寒心霜雪無顛仆高挺勢參天孤標翠凝岫泰岱五大夫疾風暴雨覆蒿高千百齡青牛伏龜壽合抱夾衡山連雲蔽白晝化丹出太華粒脂去尺臭緬彼諸嶽靈茲松真神授

古柏

喬松自徂徠汁柏出新甫託生舖座前童童蔭堂

廡高柯棲鳳鸞老幹蟠龍虎白晝覆層陰流膏凝玉乳恍到錦官城森森丞相宇天風颯然來矯首驚風雨四時常青蒼三春亦媚嫵時移色不移貌古心彌古食子壽千年茹葉澄六腑利用在仙家厚生功施薄猗欵棟梁材歲歲承天祐

古檜

奕奕尼山檜尼父手栽植森森嶽祠旁嶽神時拂拭松柏是其姿化龍驚莫測靈根出西園孤標挺朔極分枝左右旋縷文疎密織色理既瓌奇體貌尤軒特凜乎莫敢侵蒼然無外飾不隨凡木羣不受人摹勒崇朝別榮枯異代示消息信是神靈物合在神靈側蜨柯與勁枝糾紛互屈直樹茲恒山曲如同曲阜域

古碑

黑帝更顯靈豐碑表帝澤上下千百年歷歷皆可摘矗矗充棟梁屏列滿幽宅最負崇祠蟠螭覆寶冊墨點蒼虬鱗筆飛丹鳳翮雲翳並蟬揚銀鉤與鐵畫粵稽漢宣皇持節出九陌貞觀紀神功誓師銘勒石縱覽八體書開元天寶蹟自宋迄元明嘉名尤烜赫天道有盈虧人事多興革惟此嶽廟

碑日月無今昔

蓮花池

昔聞真人遊端坐蓮花上今遊蓮花池恍觀真人  
相亭亭翠紛披孃孃香輕颺托根最清芬挺數搖  
碧浪所以貝葉書佳名擬寶藏服之羽毛生老子  
亦非妄歟廟產奇葩洵是蓮花長池水更連漪花  
光正蕩漾似與君子交宛在仙姝傍盈盈水晶宮  
汎汎芙蓉舫我欲從之遊蓬山渺難望依依歸思  
催紅酣日相向

輓吳貞女二首

月半詩金

未一 出關草

元

英風烈烈起東吳梁燕摧殘玳瑁孤隱忍三年存  
弟妹堅持一節報兒夫滋閨慘澹情彌苦弱質伶  
仃淚久枯望斷郊原悲化石從容就義古今無  
心如鐵石義如山百尺剛刀龍雀鏤共羨貞魂歸  
地下應留生氣向人間素粧髣髴疑來去碧草迷  
離任往還試向眷令原上望唱隨猶若在塵寰

為余亡從弟  
婦迎極合葬

將入都簡親知二首

憶別京華已十春危途歷盡暗傷神每嗟拙宦誰  
知已詎意孤踪得比鄰

王子耳餘孫子松  
評先後入關民余

奮臂不辭援

虎穴千雲仍擬躍龍津生平喜識英豪士到底英  
豪有幾人

相見無如骨肉親喜今濟濟列 楓宸絲蘿敢附  
雲霄近花夢欣看雨露新自笑風塵成底事更憐  
辛苦向誰伸來朝聚首良非易湯火餘生只此身

送大宗伯杜肇餘先生 予告旋里四首

先生品望傾南國儒雅風流洵我師一代文章歸  
大手兩朝勳業著清時人倫模楷推前輩理學淵  
源啓後知正是蒼生屬望切底須蘊緒動秋思  
帝念嘉謨溫語煩榮褒寵錫自天申少陵詩句珍

月半詩金

未一 出關草

十

中秘元凱經綸重 禁宸雙憩青山懷 主切載  
看 紫絳荷 思新明良一德遭逢盛出處從容  
孰與倫

少小追隨三十春繩趨尺步學成人最憐先子辭  
塵世猶幸晨星燦 紫宸珠玉舊存貼句好

壬子秋  
先大人

下第南旋先生贈以  
佳句有知己之感 鈞陶時望教言親公門兩世情逾

重祖帳東郊倍愴神

淹留西土若沉淵歷盡風濤去復還正喜龍門沾  
化雨那堪鵠首和鳴肱南湖爭識尚書履東閣猶  
依學士輟早晚沙堤應卜築殷勤吐握豈高眠

寄祝鹽城射陵伯暨伯母八十雙壽

聖代崇耆碩儒林騰典型依依親霽月落落仰晨  
星道與時俱泰名隨德共馨齊眉臻耄耋偕隱遯  
郊垌不愧鹿門侶何殊燕喜亭紫微曾視草石室  
憶繡經翰墨空今古文章煥 闕廷世方瞻華岱  
塵忽起滄溟人事多夸險天時有晦暝舉頭常見  
日靜聽不聞霆節若霜筠勁心如淵水渟甘辭三  
聘幣肯羨五侯鯖絕學窺堂奧微言洞笈冥著書  
忘歲月樂道老哇町德耀依鴻案人龍繞鯉庭百  
年徵世瑞五福曰康寧裙屐欣交錯軒車喜共停  
青士書金 六六出關單 十一

庚辰上元後三日大京兆錢再亭先生招

諸同年讌集靜逸堂和韻八首

蘭臺高會集羣賢兩夜花燈火爛然宋正月十七十八日錢氏乞留上元  
花燈為兩夜燈交盡東南忘異地齒分少長敘同年攀龍附  
鳳誇鱗翼憂玉敵金勝管絃自是天街傳盛事殷  
勤杯酒敬瓊筵

歌詠如春京兆賢從容談笑自怡然龍門賞雪留  
佳友鳳闕傳柑紀瑞年才子雄名推大厯嘉賓燕  
衍奏虞絃厭厭夜飲情何限整落頻傾玳瑁筵以

二百贈再亭先生

載仰高風元度賢簪纓列坐獨褒然 青宮儲案

論三事 紫禁承恩歷廿年共羨晨趨夕草詔更

看春誦夏安絃老成自昔龍頭重齒德優崇冠四

筵贈宮詹許山濤先生

學士風流繼昔賢故人相見意殷然關山契濶逢

今日杖履追陪憶昔年望 闕幾經恩捧袂撫琴

青士書金 六六出關單 十二

恒自笑鳴絃先生念舊情逾切兩世金蘭侍綺筵

贈學士王薛澂先生薛翁又為先大人丁巳同年

論交雅慕竹林賢阮氏清標更皎然縱飲得全常

侍職詠懷聊賦步兵年莫將統綺囊千快還藉夢

龍奏五絃但愧風塵一俗吏那堪青眼對芳筵贈銀

臺阮子岳先生

黃門謬謫邁時賢鸞鳳冲霄翼矯然獻諷納箴勤

奉職拾遺補闕直窮年封章不計安危論柱指常

調大小絃風采只今推第一干城吾道重賓筵贈

諫馬衡原先生

一時星聚盡名賢德行文章倍燦然鄒魯達人垂

百世河汾經義重千年校書天祿傳藜火教授吳

興遍誦絃更有曹丘稱辯士四科並列盛華筵王贈

公錫曹以章胡又申劉  
次相孔振玉諸同年

迴首師門憶大賢人倫模楷尚依然遙遙函丈三

千里寂寂琴書二十年澤被東吳留吉兆情淡北

面動哀絃諸公努力崇明德莫負曩時共講筵諸同

年俱受知于西蜀簡謙居夫子門牆最盛迄  
今二十年矣追念師恩不勝泰山梁木之感

新正下浣大宗伯韓慕廬大司空王儼齋

兩先生少司馬胡南荅太夫子招諸同

蘭皋詩鈔

卷六

十一

年集孫公園賦謝二首

熙朝頷俊名賢盛京雒欣逢盡舊盟金馬石渠三

學士韓王胡  
三先生碧簪象笏七公卿王薛馮錢馬亭江補齋阮于岳  
王西澗許山海張劬齋諸先生

謨謀画省昭清節徐泗瞻吳恪齋  
劉元歆諸同年奏對形輝著直聲

馬蕭原陳實齋梁郁菴李由  
江卜一水魏偶亭諸先生顧我風塵猶下吏愧叨末座

賦嚶鳴

夙仰昌黎並斗山文章理學振塵寰青箱世業推

江左白鹿傳經重作關共有弘才雄秘省欣瞻偉

望冠崇班虛懷折節開芳讌故舊招攜一解顏

蘭皋詩鈔卷六

終

蘭皋詩鈔卷七

長洲宋廣業澄溪

淵觀軒集

上

古槐行

西山綿亘氣磅礴上際下蟠天地擴鬱鬱葱葱草

木榮蒼松翠柏映巖壑巖壑之下有古村相傳創

自張與郭地距西山不數里一氣貫注真脉絡有

僧結茅在村東供養大士方極樂中有老槐樹一

株當門特立獨矍鑠體勢參天不可攀離奇古怪

難測度有枝夭矯若驚龍有葉扶蘇如舞鶴枝下

有根幾十盤葉底有節紛交錯根兮節兮世所希

枝兮葉兮人共託炎炎溽暑六月天濃陰覆護清

風作嚴冬膏栗困饑寒鑽燧取火溫藜藿夏逢澍

雨猛烈來人依蔭下張油幕水火利用不一端冬

夏相資功溥博或云植自大唐年開元天寶爭相

攫或又疑是宋元物歷有年所似非鑿身經劫火

總不磨往來日月恒自若我來西郊憩雲菴蕭蕭

襟被垂空索徘徊樹下發深思樹色山光日夕薄

山川之氣蘊且隆此樹他年愈寥廓

槐樹下有泉色清而味甘土人云歲旱不

澗園村賴之此蘆溝第二泉也喜賦

鬱鬱古槐下有泉一何潔茂色蔭晴空清光映澄  
澈居人資引汲利用羣生悅六月苦曠乾其源永  
不竭我來招提遊愛此泉清冽如臨阿耨池靜玩  
忘言說時方苦旱

雙柏

庭前柏樹子疑是趙州來一語傳心印千年結聖  
胎經霜還自若劫火不能灰證彼西方意森森向  
佛栽

喜遇我媚山自惺禪師二首

一

本一

二

我眉天半燦流霞代有高僧轉法華得道不辭蜀  
路險傳心肯使龍雲遮卅年浪逐江湖跡一夕欣  
開智慧花聞說慈悲弘願力佛光普照度恒沙  
翹首名山莫景從攜來靈線自雲封香飄法界消  
煩慮絲引清機證覺宗松紀萬年枝藹藹石分五  
彩色溶溶披圖如陟蓮花頂秀出當頭有幾峰師以

我山圖普賢線萬  
年松放光石相贈

見土人捕魚感賦八首

節近清明柳似煙蘆溝橋畔水潺湲臨淵漫道游  
魚樂得意渾忘漁父筌

紛翻藻葉戲晴波與水相忘自在過溫暖桃花淺  
幾尺前村好雨正滂沱

老翁戴笠伺江干稚子敲針擁釣灘詎料吞舟蚤  
已過逍遙萬里水漫漫

凝眸閃閃燭銀灣晝夜分明若守關莫訝精光才  
咫尺常留一隙照塵寰

肉袒褰裳亂髻鬟沙中涸轍泣紅顏使君若肯相  
扶去變化蛟龍豈等閒

唐侍制崔道遠奉使高麗見沙中一婦人  
紅裳雙袖髮髻紛亂查命扶於水中乃

人魚也

巨口堪嗟挂釣竿須臾絲綸入盤餐古來多少循

良吏釜底生魚只范丹

本一

三

更有懸魚自昔傳清操何獨讓前賢須知嗜好尋

常事物命雖輕亦可憐

地近濠梁且卜居蕭然物外若樵漁人言何以知  
魚樂安見游魚非即予

詠菴中花木八首

接春

破臘先開第一花老梅同伴貴堪誇新黃乍吐鶯  
時序故綠重舒感物華麗日照臨寒亦暖條風披  
拂茁將芽三春消息知應到百卉敷榮取次葩



梭欄

何來一種不凡材葉作花枝皮作胎歲歷風霜常  
日茂文成經緯自天裁房分魚子層層出蓋並車  
輪節節開莫道少陵嘲易朽齊軍曾借作龍媒

夾竹桃

共說天桃輕薄姿誰期勁節出柔枝亭亭似欲干  
霄上灼灼還因和露滋珍重貴游無我折平安消  
息報君知此花不逐東風艷麗質清標且待時

枸杞

青精種出自西涼何處移來傍帝鄉根作仙人九  
節杖詩歌君子萬年觴柔條嫋嫋因風舞細葉娟  
娟帶雨香花發春明秋漸實摘來更可當饌糧

橙

南有香柑北有橙一年好景不勝情黃金色燦堆  
成果白玉光瑩吐作英坐列盤肴攢鵲殼性同薑  
桂和萼羹載看柯葉青青茂寒暖時宜總不更

無花果

由來花謝子初生偏爾離離實自成不信有因方  
有果豈緣無相始無英層層綠葉垂陰覆藹藹青  
柯向日榮爛漫春華人共採閒居對此獨移情

石榴

濃綠殷紅海外來數株移向白雲栽花疑燒眼心  
非熱子若盈房膚自開少女空傳名石醋酒家何  
處釀金醅衡陽古寺春秋發佛地偏宜植此材

玉簪花

重來京國覓華簪雪股冰肌出上林豈是玉釵遺  
翠髻恍疑驚管挂蒼苔香凝寶砌沉沉細葉護瓊  
英藹藹滋搔首天涯渾寂寞還愁白髮暗相侵

盆中薔薇移植堦下不數日而花葉繁盛

喜賦

月上青少天時地利本相因草木敷榮似有神雨露滋培土  
自潤葉花璀璨錦成茵猩醉倒紅缸酒燕燕狂  
飛紫陌春更喜臨風香盞越數枝嬌艷欲依人

穀雨前一日盆梅始放移供大士敬賦二

首

南枝淨盡北枝開留得清芬獨後栽瘦骨峻嶒標  
異格素粧淺淡出芳埃相思似欲因人語顧影還  
疑趁月來無限低徊春意懶檀心一點向蓮臺  
穀雨爭看富貴花黃姚紫魏關繁華誰知京洛三  
春後始見羅浮一樹斜勁節不隨寒暖異幽姿肯

共後先誇杏園自昔留題好此日擬梅意更奢

僧寮折得白芍藥一枝供大士前

玉盤名種出南禪折向西方大士前翠葉宛同餅  
內柳瓊英却並鉢中蓮亭亭枝弱花含態細細香  
飄粉共妍不羨廣陵紅紫艷素姿合在白雲邊

越日又折得紅芍藥作供

廣陵萬卉鬪芳菲一朵攜來色似緋纔喜玉盤盂  
樣覆還誇金帶錦成圍清香不逐繁華散麗質偏  
從淨土依琴篴夜深燭照琉璃光焰佛燈輝

午日喜雨陳天衢招同周念西李在茲集

青子詩金

卷七 晴雨軒集上

六

清賞齋二首

兩屆天中節人從異地逢況當泉久涸倍覺興偏  
濃杯引昌陽勝盤登角黍豐歡呼騰父老相與慶

三農

陳遵能愛客投轄為知音劇飲消清晝雄談豁素  
襟天和人事洽客醉主情深不負良辰會高懷發  
朗吟

為天衢題盧仝闢茗園二首

桐陰高覆試金芽蒙頂先春採石花手閱月潭三  
百片品分甲乙玉川茶

相對悠然坐石坪香浮七椀快頻傾忘言自得雲  
厭趣不覺清風雨腋生

邨翁以櫻桃見遺賦謝

嘗新時節麥初秋寢薦含桃共庶羞黃栗留銜崖  
蜜好赤瑛盤映月光浮會誇宰相中廚美宴拜天  
家內賜優自是 聖朝傳盛事何期野老漫相投

夏寒

序屆朱明候涼颼入莫生暑消忘六月露重怯三  
夏漸覺羅衣薄繖嫌竹簟清中宵常不寐蕭瑟聽  
雞鳴

青子詩金

卷七 晴雨軒集上

七

新晴曉起

日出千山曉風來萬壑清雲霞開曙色鳥雀雜喧  
聲販父牽車往農夫負耒行僧寮勤早課鐘鼓報  
新晴

邨圃洛陽花盛開日贈數枝口占二首

彷彿天孫剪綵霞一枝移贈碧牕紗枯禪休認優  
曇現別是人間智慧花  
帶露凝妝似未醒柔枝弱葉共娉婷雒陽漫說紅  
如錦爭得相移貯膽餅

天仙菴靜海上人招同周子念西並自惺

月潭恒菴靜宇慧遠諸長老松下納涼  
設設涼風起悠悠逸興生不因人世熱自覺道心  
清白足禪機靜青山眼底明坐觀鹿鹿者能得此  
閒情

喜同學王耳谿過訪二首

別來三月久咫尺若天涯寤寐縈懷切溪山問路  
賒空傳魚鳥信每恨樹雲遮喜報王猷至良朋不  
我遐

楚然到空谷相見意無涯紅日君當捧青山我覽  
賒臨歧心繾綣執手話周遮共訂良辰會還乘博

望槎

夏月苦旱

皇上祈禱 郊壇甘霖大沛聞江左大吏亦率屬

步禱隨得澍雨敬賦十二韻

聖主勞勤恤純臣篤崇忠九重敷渙汗四國荷帡  
幪時值驕陽盛羣思零雨濛熱河忘燕處時上方遊  
暑熱河有同

宮祈雨  
之旨

幕府乞神功人事均無忝天心本至公明良

欣合德南北冀安豐徒步齋壇肅精誠黼座通力  
行董子法度達水精宮上帝昭垂鑒屯黎待轉蓬  
甘霖方霖霖禾黍却芄芃大澤扶六服之弘謨奪化

工山川胥順應草木盡和融堯舜憂民切事夔秦  
績崇誠哉保赤子藉以格蒼穹

夏日山居八首

久戀山居養性靈堦除雨過草青青朝來爽氣驅  
炎暑獨坐幽牕注水經

曲磴繁迴有路通行吟時傍薜蘿叢晚涼却喜逢  
僧話共聽泉聲萬壑中

火雲微淨捲涼颼晨起焚香禮大慈興到偶然成  
半偈西來大意入新詩

山徑無人靜不譁遙看壺嶂護青霞披襟散髮渾

無事敲火還烹顧渚茶

慮淡何曾愛熱官羊腸回首路行難山僧分我齋

厨飯一味伊蒲自勸餐

一枕酣眠槐樹根數聲清磬又黃昏煩歆盡滌心

如水即是文殊不二門

清涼國裏經年住跌坐蒲團却世緣靜悟此中無

一物冰輪澄澈挂高天

豈是山中宰相身禪宮寄跡證前因松濤設設喧

朝夕洗却東華十丈塵

喜雨二首

清代詩文集彙編

聖人有道求民隱宵旰憂勤格上穹驟喜甘霖下

三尺稿禾盡起野中田

滌滌山川潤澤多炎威頓洗雨滂沱村農野老歡

聲遍鼓腹時聞擊壤歌

庭植秋花數種漫賦

炎炎已過半庭院想秋陰蔓草宜時雜霜花趁早

尋臨風愁欲仆得雨待成林晨夕殷勤護休令薄

暑侵

猛犬行

庚辰仲夏村中小警有天數百頭黑暗中蜂擁  
嚙噬強徒奔竄闖村類以無恙次日視之則人

馬已傷半矣因  
作歌行以記之

南士奇少

宋二洞觀軒集上

十

西山連亘數百里中有間開多居民國家承平六

十載夜戶不閉犬不驚蘆溝之西盛村落村名張

郭百寶盈夫何伏莽忽竊發持戈躍馬來高坪燈

火乍滅人纔息猛犬嗥嗥吠三更青鸛白雀魚龍

種搖頭卷尾耀雙睛韓盧成羣立高阜形如虎豹

氣崢嶸馬啼被齧賊半仆卸衣噬膚誰敢櫻弱者

披靡强者遁往來咆哮捷足輕或升屋脊或踞墻

回環巡視如游偵荏苒已散吠不絕荒雞相應天

將明鄉村遠近樂安堵父老相顧慶太平何必同

井勤守望何必動衆煩戈兵信信雖小能捍災守

禦之力稱斗精

蘭皋詩鈔卷七

南士奇少

宋二洞觀軒集上

十一

蘭皋詩鈔卷八

長洲宋廣業澄溪

淵觀軒集下

孫松坪先生以翰林原官起用喜贈二首

江東才子本翩翩 聖代崇儒重簡編

松坪集修 幸舊盛典告

成奉特 旨起用 螭陛承 恩新雨露槐廳視草舊花韞十

年去國心猶壯五夜傳經墨更鮮自是文章鳴盛

世明良喜起動班聯

夙昔雞壇志不同布衣持節奏膚公

戊午松坪奉 使 高麗歸攜秘書生

呈上 文傳海外聲施遠望著 朝端氣象雄此日

育年詩金 宋人 淵觀軒集下

賜環膺 特簡他年調鼎邁羣工彈冠共慶東山

出霖雨蒼生吾道隆

贈塾師李在茲

莫說公卿貴難忘章句師扶風開絳帳通德擁皋

比弟子儀容謹先生禮教持鵬程九萬里從此奮

溟池

葡萄

馬乳由來西域傳移栽中土自張騫大如雞卵摩

鄰獻仰若龍珠草帳懸色暎水晶疑洞腹汁和玉

露勝甘泉雲霄食罷存枯杖留與山僧結世緣

蘭皋詩鈔

七夕

今夕是何夕令序當七夕織女渡銀河河鼓歡枕

席誼天何太甚相傳自古昔仰觀辰火流雙星爛

奕奕節屆三伏終鋤犁安阡陌幽風計授衣綢繆

布與帛耕織是民依牛女耀星石東西兩相望誰

見兩相親時維玉露零夫耕婦當辟染署祭機杆

縷絲束豆麥網結已字書針傳九孔隙麻姑降人

間王母來帝宅精靈原可通星河自不隔我欲入

天河乘槎何所適我欲駕鵲橋橋成乏駿輓我欲

連彩綵誰與相憐惜我欲乞私願兼求無一獲齋

育年詩金

宋人 淵觀軒集下

一

心念民艱拜星陳酒炙非敢誣前人聊以志吾癖

觀茲西山陽農桑當無斁

塾中童子餉余酒肴賦謝

他年公輔器童子若成人棣棣威儀盛依依函丈

親盤看看錯落斗酒愛清醇飲食尋常事欣懷是

席珍

余寓僧舍日聞梵誦因拈法器為題漫成

五首

鐘

寂寂溪山靜鏗然起暮鐘寸莛鳴古寺短業飾華

從地僻清音徹心空躁慮鎔夏傳明月句夜半倍  
春容

鼓

學道須精進謹聲出梵林淵淵非振耳簡簡各收  
心蓮座威儀肅雲堂歲月淡羈人頻入聽萬慮此  
俱沉

木魚

欲證菩提果空山響木魚醒心常不寐覺行敢寧  
居鯉有成龍日人當入聖初頻敲志晝夜歷歷悟  
真如

磬

玉振微金聲羣音集成脈分條理貫樂闋抑揚  
清剛介存天性廉隅飭物情緇衣輕拂羽百里聽  
沉明

鈸

鈴鈸何年起南齊自昔傳雍雍和衆響朗朗發真  
詮大小殊形列高卑按節宣法筵當肆敞左右任  
回旋

秋吟二十首

秋天

天高秋氣肅碧落入虛無桂海星衣迴冰壺日月  
殊蒼蒼空太寓浩浩出寰區蠡管難窺測高吟興  
不孤

秋日

臣心常捧日皜皜暴秋陽氣散千峰霧光融萬戶  
霜傾葵誠向往化國慶舒長遮莫涼颺起紅輪出  
上方

秋月

一片長安月秋來分外明涼生蟾皎潔光徹鵲飛  
驚萬里雲無翳三更氣正清銀河真咫尺相望不  
勝情

秋雲

秋日風光好山川出慶雲祥氛昭地氣緋彩煥天  
文縹緲非煙霧繽紛若錦紋竟天欣再覩拜手頌  
明君

秋風

颼颼涼風起蕭蕭爽氣生井梧消劇暑庭竹引秋  
聲粉落蓮房冷香飄桂子清躁心從此釋頓覺一  
身輕

秋雨



苦雨疎還密依然萬物生豆花剛八月菽麥恰千  
英浙濕町畦潤淋漓溝澮盈農家多樂事何必歎  
淒清

秋霜

嚴霜方下降萬寶告成功氣結心皆實精凝子不  
空青童倚碧樹玉女出晶宮民力當休養嬉遊任  
百工

秋露

潏然露草木零露正滾滾寶甕傳堯帝金華自漢  
皇解醒清肺熱和玉引心涼大順徵靈瑞瓊膏潤  
八荒

秋山

柱笏看山翠朝來氣倍清煙霞凝紫岫風露出青  
坪望遠心神曠登高耳目明青蒼渾一色峭壁軋  
霄崢

秋水

獨坐雲房靜閒吟秋水篇優游尋曲澗冷冽酌寒  
泉色映千山月光涵四碧天曠懷恒自得相對共  
澄鮮

秋花

春花常爛漫秋卉獨孤妍枝微繁霜老葩凝湛露  
鮮奇芬添逸興幽秀絕塵緣底事紛華麗清暉映  
碧天

秋葉

一葉飄庭院人人識素秋御溝題句好柿屋著書  
稠雨葉飄江柳霜紅勝海榴西風驚臺至零落動  
寒愁

秋草

莫言蔓草綠荏苒入秋涼乍浥三更露還侵九月  
霜翻翻愁力弱憔悴暗神傷幸有芸根在來年待  
早芳

秋桂

中秋明月夜丹桂發天香金粟舒英燦銀蟾落子  
芳名葩懷故國佳節惜他鄉寄語相招者幽期在  
澗岡

秋菊

淵明性愛菊薄采在東籬碧葉叢三徑黃花醉一  
卮飲甘祈上壽披馥挹清姿晚節尤堪羨霜嚴出  
傲枝

秋鵬

鷺鳥秋方鷺冲天入宵冥超塵鷺絕跡摩漢振修翎飾矢風行肅穢禽草帶腥開元遺舊事盤錦耀彤廷

秋鷹

秋天爽氣豁羽獵重霜鷹舞爪金鉤利偷晴碧水澄韜韞同鶴立奮翮揜霄騰堪笑荊州牧歌聲出景升

秋蟬

驚蟬當七月翼翼振飛翰吸露吟殘暑迎風咽早寒聞聲愁寂寞顧影怯孤單遙憶班聯肅盈廷整

肅肅詩鈔

朱人

開觀軒集下

七

法冠

秋蛩

亂蟲吟四壁寒至盡依人動蟄雖無定蜚鳴各有因唐風終歲樂幽土授衣新覩物興懷切勤劬念小民

秋砧

涼颺流素月思婦起秋砧夜定聲逾急風高響更沈露濃愁漏永衣薄畏寒侵傳自嵩山頂硯然是此音

潭柘寺

今上賜名雲岫禪林

古刹巍峩傍日邊親題御筆若生懸三千法界歸靈鷲百億衆生上願船清淺流泉隨地出莊嚴寶相自天然援幽幸入真如境整憩蒲團謝世緣

戒臺

無上菩提法律禪登臺指點說真詮淺深階級因人悟大小宗乘仗佛宣門繞龍鱗千樹合堂留鳳額一燈傳

是山開自鳳額禪師坐懸小形

莊嚴寶座皈依切清戒高懸自九天

今上賜額曰清戒

漫成八首

我來當二月紅杏正芳妍忽忽黃花發春秋已半

年

朱人

人

坐臥西山久山幽興亦幽看山山已盡何處是山

頭

出門臨碧澗旅思更悠悠跌坐心如水平拈花任水

流

載看風月靜到處氣陰森寂寞空山裡閒情一往

淺

好鳥隨時有芳花處處栽鳥啼花自放無住亦無

來

天涯雖逆旅地主若家居香積清貧甚殷勤獻野

疏

山農尤古樸相見意相投日夕槐陰下諄諄語不  
休

不覺山中苦如從物外遊何來人事促欲去幾遲  
留

豐年歌留別山莊諸相識

我雖出谷去戀戀山之阿臨岐無所贈贈以豐年  
歌憶我來此地恰值時清和昊天旱太甚民事日  
蹉跎二麥云有秋所獲能幾何適逢天中節甘雨  
欣滂沱枯槁勃然興秬秠衰青柯錢鏹悉具備耕

南唐詩鈔

卷八

荆楚野集下

九

耘出山坡澤澤芟繁草殷殷護嘉禾主伯亞旅儔  
辛勤不哀苛農力既已盡農夫無憾軻時當玉露  
濃五穀均我我實堅載實好刈獲莫逶迤婦子樂  
熙皞倉箱慶盈科萬億夏及秭秣黍粟且多茲採  
滿場圍任負遍陂陀烝祀祖德馨餘尸顏酩降  
福千祥集錫嘏萬寶羅時洽歲自豐人和天不瘥  
但願屢大有年年長此過

中秋後四日余出西山村中老幼遮道相

送甚有流涕不忍別者口占謝之

山居數月最蕭閒野老農夫共往還灑淚西風從

蘭皋詩鈔

此別殷勤相送馬蹄間

古處誰如此地真熙熙皞皞樂天民莫言地僻無  
知己半載周旋情更親

自春徂夏又深秋踏遍名山處處幽憶與縑流共  
禪寂山齋日日每長留

山農情重難為別一盒清蔬一茗甌更有隻雞兼  
斗酒持來相餉意綢繆

塾中童子更依依阻我巾車曳我衣行到橋頭人  
漸遠幾回矯首却忘歸

更看老嫗亦成羣幅布蒙頭白練裙共說商於賢

南唐詩鈔

卷八

荆楚野集下

十

令尹福星此去入青雲

我是天涯落拓身何當戀戀遍羣倫攀轅卧轍留  
遺愛不道流風屬旅人

蘆溝一曲水迴環無限離情去復還回首山莊猶  
在望徘徊道左淚潛潛

村舍週遭近日邊桑麻雞犬共熙然太平無事民  
安樂管取長書大有年

頻年蓬落滯林泉偶向山中結衆緣若使旬宣來

冀北敢期膏雨澤原田

題子章叔六十行樂圖

姑蘇山水清且麗世家巨室各崢嶸富貴豪華競  
相尚安得松風梅竹怡我情我叔年高當適甲童  
顏鶴髮號耆英古心道貌塵不染生平德望重鄉  
評我家閥閥盛葑水累葉相初皆有聲宗族鄉黨  
稱孝弟傳經世澤邀帝旌公以齒德族居長循  
循雅飭守樸誠儼居葑溪之東偏半村半郭水盈  
盈與世無求亦無競持已以正亦以貞樂我天年  
登眉壽延齡益算慶長庚躋堂稱祝羅子姓各獻  
詩歌晉兕觥我維祖德感時趨古今盛衰孰敢爭  
富貴之家鮮有禮如翁真令我心傾綿綿第祿正  
貞上青少  
卷八 湖觀軒集下  
十一

靡窮不塊三老與五更

蘭皋詩鈔卷八終

蘭皋詩鈔卷九

長洲宋廣業登溪

天寧寺藥

九日葑洲弟移尊過余寓齋招同孫松坪

陳乾齋兩太史暨嘉升弟懷祖姪登天

寧寺塔漫賦二律

蘭若凌雲傍九天弟兄攜手上層巔欣逢佳節貽  
尊酒采得黃花伴綺筵塞雁初征秋入莫山黃斜  
挿帽微偏頃篋疊奏風鈴動繞塔清音和管絃  
朋從相看盡玉堂登高作賦較宮商王楊詞藻才  
華麗李杜文章光燄長顧我不辭花底醉飲君頻  
勸藥中狂他年袞袞凌霄漢好記登高共此觴

前題分韻得跨字

友于出天性耽樂本無假矧達知已集同心結蘭  
麝令序當重陽相攜憑高榭爽氣徹穹昊清風散  
悲叱共佩茱萸囊滿飲黃花竿巍巍古塔傍設設  
長松下孫登舒嘯歌陳蕃枉膝駕季氏試羽鏃以  
整亦以暇文臣襄武事翰苑倍聲價更有金閨弟  
含香方待嫁塔前玉樹姿含云竈可跨德星聚一  
堂祖庭猶甲舍我雖孤羈栖覩此愛心瀉平生重

交情孔懷尤慰藉南臺九日詩韻頌追二謝

節孝詩 并序

陳母胡太君久著冰蘖之操謝汪郎三  
孺人共繼松筠之節孤孀兩代誰憐茶  
苦以興悲四世一堂卒為蘭馨而食報  
令嗣素堂仰承懿訓克表前徽草疏輸  
誠情同李密板輿奉養賦比安仁爰賡  
節孝之章用備輶軒之採

潛德流光越水漬孤兒特立震儒羣履霜再世悲

黃鵠捧檄崇朝慰白雲普濟慈航歸旅櫬 素堂設立義舟同鄉

力不能扶視者悲載以歸一歲兩次

又設立義塚通收同鄉無主屍棺掩埋 情

淡罔極能承志形管千秋節孝聞

錢再亭先生贈菊賦謝二首

京兆當秋肅寒葩晚節香風霜長獨茂金玉冠羣  
芳舒瓣流霞燦餐英滴露涼雖云高士侶輦轂亦

翱翔

蕭寺同空谷蛩然聽足音白衣能送酒黃菊勝貽  
金色稟中和氣花攢錦繡心贈投富有意佳友許

招尋

王耳谿再入中垣喜贈二首

蘭皋詩鈔

瑞柳含烟繞 帝畿翔翔中禁重土徽當堦綽約

纓紅藥滿院芳妍映紫微六押分司傳鎖闥五花

判事出 綸扉更誇厥角推元老寶冊弘文任手

揮

廿載心交出處同萍蹤無定各西東看君特達雲  
霄上愧我羈棲感慨中共有文章思報國還期精  
白矢和衷鳳池鳴珮趨 朝宁好藉提攜慰轉蓬

天寧寺塔

日月昭宸極山河拱帝都巍哉傳古刹突兀起浮  
屠挿漢風塵迴連雲鳥雀孤危極凌碧落欹楠俯

青蕪縱目窮千里環城蹴一隅往來車輻輳遠近

樹模糊煙動人如蟻嵐浮山似鬼冠裳朝北闕襟

帶束西湖體勢參穹壤靈光射兔烏牟尼輝寶相

舍利迸霜顧絕頂天龍護周遭神鬼趨猙獰排罔

兩霹靂吼於菟鈴響空中鐸燈懸不夜珠玲瓏空

法界璀璨徹康衢雨洗琉璃淨風飄冰雪殊鐘聲

驚野魅梵語化禪孤仁壽倡基域開元廓壯圖幾

經鼇極震賴有象王扶萬劫弘功顯千年至德敷

晨昏常瞻仰天地共昭蘇

塔影 影在塔後第三層戒壇一塔有二倒影

晨昏常瞻仰天地共昭蘇

塔影 影在塔後第三層戒壇一塔有二倒影

雙懸倒影出疎櫺一塔當空有二形上下殊觀驚  
幻化偶奇無定任留停千年異跡垂穹壤萬道毫  
光炳日星可是維摩弘示現神傳金粟照禪局

生日感懷

時得會稽守李弟  
靜溪註誤之信

人生過五十日月盈已足不敢問榮枯安能計通  
塞憶我弱齡時晨夕父母側同母止二人因心篤  
天則我父因公車南北常匍匐母氏謹操持殫心  
勤課織篝燈徹中宵寸陰惜晷刻堂上紡績聲膝  
下怡愉色無何年俱壯遊心騁翰墨結交盡名流  
遐邇來相識裁髮愛留賓孝友稱鄉國愧非二難

蘭皋詩鈔

卷九

天寧寺集

四

才資賴雙親力我父登賢書母懷少舒抑我夏綰  
銅符捧檄喜填臆季弟尚家居高堂倍卯翼父志  
痛未伸霜哺心慘盡菽水聊承歡曷由盡子職母  
氏最大義忠孝期兩得我復馳王程十年泣馮翊  
弟亦列曹郎萬里輕絕域弟兄事不同黽勉幸無  
忒欣逢 聖明君殊榮各晉秩我雖羈羈栖弟已  
乘熊軾當思報 國恩並以酬親德豈期行願違  
為人乃引慝功名正及時惜哉爾雖肋嗟余白髮  
親奚堪此驚惻念弟即念母惴惴情愈亟兩地隔  
山川撫膺長太息我欲振南飛心馳身不克我欲

解糾紛途遙時恐逼舉頭望高雲低頭愁蔓棘天  
意未可知人事尤難測展轉懷北堂何心拜南極

堅齋葑洲兩弟時以珍果見遺喜賦

讓棗推梨憶昔年笑看轉眼各華顛徐行愛爾肩  
隨後庸敬輸予酌必先亟餽盤餐皆細腆時貽珍  
果更甘鮮莫言飲食尋常事友愛情淡好共傳

病中感懷二首

十載勞辛吏三秦况瘁人空懷忠報國每為義忘  
身凍鶴餘羸骨枯魚泣涸鱗病魔憂百結展轉望  
亨屯

月寺詩鈔

卷九

三

始信身為患何堪病自支瘦同霜後菊愁惹鬢邊  
絲藥裹關心切奚囊覓句遲還觀靈覺性無着亦  
無離

贈醫士喜明素

先生肘後出奇方錢鏡高懸照肺腸三斛火明通  
體熱一壺冰瀉引心涼神功立奏馳蒙叟鴻術行  
看佐帝王自古良醫須解意可能容易擅岐黃

病中諸親串泊弟姪輩以珍品見遺各賦

一絕志謝漫成十首

栖遲蕭寺三秋恨風雨重陽一病翁忽覺異香通



鼻觀佛柑來自梵王宮

佛手柑蒟洲李弟攜自內庭轉以贈余

諫果森羅君子堂相看已覺心清涼青膚品自珍

南國更愛回甘味最長

橄欖蒟洲弟懷祖廷贈

一窠投贈笑苞苴滿室香清睡起初不道客心酸

苦甚更無意緒覓瓊琚

木瓜錢家幼塔贈

宮梨名種出青田更憶南方三尺仙多謝故人頻

寄贈手持雪液已流涎

香梨同學王耳豁兄贈

千年碧藕出西池七宿羅宵冰雪姿挹得瓊漿和

露飲膩膏微漲滑流匙

藕粉王額巷姊文孫斗曉世兄贈

正憶秋江六六鱸病餘生怕是膏腴作羹喜得銀

月半詩鈔

未元天聖寺贈

二

絲繪味絕甘鮮勝蜜湖

鮮鮑錢再亭內兄贈鮑出安福蜜湖者最佳

夜深增弋滿江湖露宿雲飛避得無却念老饕貪

口腹朝來入饌有雙鳧

水鳧堅齋蒟州兩弟贈

清風習習試金芽九曲雲封不我遐曾記當年劉

夢得菊苗換取六班茶

武夷茶堅齋仲弟贈

香飄金粟花叢叢割蜜揉餅姪城宮承君玉盃泥

清露飲我許作離婁公

桂花餅顧巖卜年伯贈

空傳甘谷水粼粼谷口人居不計春何似玉英仙

餌白寄余細嚼納朱唇

甘菊花陳乾齋妹丈贈

燈花

瑞氣氤氳結燈花灼爍開連珠方欲吐盤錦已成堆灼灼神芝發盈盈寶鈿來明朝知有喜對此不須猜

### 牧馬行

天寧自古館述職玉帛冠裳來萬國今日僦居集騰驤驕騁騏驎空冀北古今興廢各不同五侯駟宿如合德粵稽龍馬出河圖兩儀未判呈太極設卦立象昭天文致遠任重扶人力天人利用功施弘追風逐電尤奇特周穆八駿走九垓奔霄絕地窮殊域秦始皇七騶吞六雄飛翻驪影戰必克天馬

蘭皋詩鈔

未元天聖寺贈

一

行空自月支背負虎文挾龍翼滑州良騎重開元首載肉鬣羅麟臆齊桓辨道老驥隨符堅墮澗垂金勒神智如意更不同別輩超羣誰能識我非伯樂顧銀槽虞坂長鳴驚不息晉錫蕃庶誇康侯三花五花綠內飾隊伍繽紛簇錦堆勞逸均調絕羸色有時縱逸出康衢奔騰往來疾如織有時緩步行郊圻疾徐尺度皆中則有時銜籠伏六閑低頭齧鄰恒自得旦刷晝秣犂牧勤莖豆薊粒絕羣食教馳攻駒號令嚴傳呼寵赫無停刻迴憶曩時入覲年暉暉駉馬誇四塞撫今追昔雖各殊恍觀鈞

膺與偉革

題曹公衡小照三首

時公衡將歸里

奔走風塵三十年古心道貌只依然相逢話舊徒  
增感無限深情託素箋

洗硯泉邊翰墨香紆迴三徑得徜徉故山猿鶴思  
君切花滿尊前柳滿塘

識破行藏早着鞭江南春雨杏花天憑將一幅驚  
溪絹好寫逍遙物外仙

得家慈手書敬賦二首

違侍慈顏已十年寸心時向北堂懸候門忽報鄉  
音至開簡欣瞻母命傳清白遺風期不負公忠報

南平寺金

宋元天聖寺詩

入

國最無愁家慈書中有君親兩盡忠孝雙全方副我生平望汝之意只緣人事多乖隔

萍梗飄零滯日邊

子職深慚未克供風塵行役歎尸囊幾經薄宦虛  
甘旨誰向高堂奉鼎鐘歲月頻移臻上壽 綸書

載錫望殊封敢遵庭訓馳王路夙夜兢兢矢恪恭

山中諸相識過訪

憶別西邨節序更殷勤慰問共班荆喜逢月下空  
門友快集山中鄉曲英詩酒流連追往事主賓醉  
酢續前盟諸君漫說彈冠慶我獨難忘丘壑情

燕山積雪

朔風栗烈滿長安積雪先生萬戶寒一洗黃塵三  
百斛西山高聳玉嶺巉

都門歲暮雜詠二十首

長安淑氣占春先米雪旋消景漸妍自是一人真  
有慶昇平樂事遍新年

黼座憂勤邁古今歲寒猶費萬幾心深宮盡日無  
休暇為道君王惜寸陰

臣鄰夙夜競趨朝玉珮聲高徹紫霄咫尺春明門  
外路軟紅塵裏馬蹄驕

南平寺金

宋元天聖寺詩

入

府事修和奏績頻六曹勤慎掌絲綸莫言鈴閣從  
容日尚有封章上紫宸

百貨俱陳列肆開集場簇簇錦成堆誰家車馬紛  
如織爭向慈仁寺裏來

窄袖長裘闐觀粧駝來細馬自成行輕烟一縷探  
喉出珠勒徐迴喚貨郎

寶騎香車逐水流六街燈火照神州由來燕市多  
豪客擊筑悲歌上酒樓

商賈居奇列市廛年來却喜得腰纏勿勿殘臘歸  
心切囊橐爭誇子母錢

縱誇賦筆重琳瑯無那蕭條客子衰贏得經年修脯在研田一片未曾荒

吞刀吐火幻神奇更見鍾馗逐鬼時委巷貧兒生計拙漫將游戲乞微貲

東都遺事憶當年饅粥芬芳五味全爭說泥蓮成道日祇林高會至今傳

處處山莊過歲除豚蹄共祝滿篝車吹函飲蜡尋常事明歲仍期大有書

深冬戶外三星在簫鼓頻聞日夕喧不待天桃穠

李侯春風旭日爛盈門

蘭皋詩鈔

卷九 天寧寺集

+

野藪俱盛篚篚遺山家風味自珍奇縑流都向侯家供不異沿門持鉢時

滿目塵沙繞地飛歲寒鄉思入斜暉西風一盞臨岐酒彰義門前送客歸

百工雜技競營謀價值爭昂未肯休更有雞鳴狗盜客紛紛雲集市曹頭

陽回黍谷不知寒美酒肥羊鎮日歡恰喜殘冬無一事華堂歌舞到更闌

爆竹聲高一歲終桃符共換徧春風良宵何處長筵接燈火圍爐徹夜紅

蕭寺蒼涼寄客身閉門把卷絕風塵忽傳曲陌家書至一向金臺問遠人

十年兄弟俱清要獨有羈人尚遠征栢酒椒盤煩預設離筵回首不勝情

時余將出都

蘭皋詩鈔

卷九 天寧寺集

十一

蘭皋詩鈔卷九終

蘭皋詩鈔卷十

恆曲小集

除夕抵恆曲王恬若表弟署中

緣何鹿鹿走風塵卒歲猶來秋水濱愛弟幾年勞

寤寐家人永夕數酸辛余家口先在恆曲分曹漫學藏鉤戲

圍坐渾忘羈旅身歡樂頻傾柏葉酒天涯骨肉倍相親

喜遇雲間鞠振飛賦贈四首

廿年成契闊此夕慰班荆異地音書隔同心笑語

蘭皋詩鈔

卷十 恆曲小集

傾圍爐忘改歲剪燭徹深更共說燕丹傳如君直

與京

早歲趨蓮幕文章求友生子雲工筆札阮瑀却弓

旌不羨新知貴難忘舊日盟王陽今在位貢禹喜

同聲

渚陽曾下榻浦水復傭書次第開文館聯翩赴辟

車任已令同學王麓臺浦江令同年趙會一相繼入臺省窮通心不易生死誼如初

會一已去世七年念子交情重寧憂賦索居

載切依劉志齊安六載餘不辭長跋涉寧肯負居

諸鞠子舊客黃安主人劉光仲昨歲以卓薦名可謂出門同人無往不利者矣顧我時通塞輸

君任老舒良宵無限意把臂倍躊躇

同恬若幕中諸子守歲雙瑞堂

頻年寥落滯京華骨月情淡不我遐卒歲星馳忘

逆旅故人雲集若還家聲因爆竹心偏壯酒和椒

花味最嘉快接長筵博長健鄉音永夕話周遮

上元踏燈詞十首

家家共慶太平年燈月交輝不夜天斗大方城圍

錦繡鋪茵結綵占春先

火樹銀花耀半空烏飛兔走疾如風愚氓猶自懷

忠義一卷春秋列炬中煙火有漢壽亭侯夜讀春秋故事

蘭皋詩鈔

卷一 恆曲小集

陶冶能成五色煙衝霄貫斗白雲邊更看賽月明

於畫照徹天門萬象懸

開元燈影燦衢珠玉鏘然風韻殊莫道彈丸無

妙手巧思直欲駕方都

鳳輦輦山異樣粧龍膏四射倍光茫氤氳瑞氣豐

年兆婦子熙熙樂未央

弓鞋三寸戲鞦韆絕地超塵欲上天燭影紅搖千

樹裏鴛鴦雙板送飛仙

黃河九曲出塵埃銀燕金鳧繞四隈應是聖朝

勤蓄波蟠蟠銜得百枝來

吞刀吐火更新奇躍馬飛車競馳百技雜陳喧  
永夕金吾不禁樂昌期

逢逢鼙鼓振寰區黍谷春回庶類敷到處轟雷人  
意開茶坊酒肆競歌呼

駢枝麗句譜新詞五綵霞箋拂地垂爭頌賢侯多  
善政官清民樂是良時

### 麥穗兩岐

聖世昭靈瑞恆陽麥兩岐官清通地脉民協受天  
祺大有逢連歲休徵邁往時

宋淳熙十二年金定州西陽進嘉禾故邑中有嘉山及嘉禾鄉

張堪今再見歡樂偏茅茨

蘭皋詩鈔

卷一 恒曲小集

三

### 馬產雙駒

騏驥非常有雙駒產夏奇禎祥欣有道蕃育自因  
時卓績超三異神驎出一支連朝同乳哺千里共  
驅馳

### 少容山二首

遙睇城南映碧峰相傳高隱有昌容自稱殷女同  
龜壽為愛蓬壺寄鶴蹤屈曲河流波淼淼參差樹  
色影重重黃冠羽帔時來往翹首童顏何處逢  
累石空懸古佛龕天然結構勝伽藍飛甍絕壑渾  
無倚古洞幽岩莫可援兩臂斷連垂寶相半身隱

### 蘭皋詩鈔

現出雲嵐運斤不假人工巧心手當同造化參

### 王公河

猗歟王公之徽績篇章累累輝東壁千秋名著王  
公河疏川決滯功歷歷河源出自恒山陽嘉堯之  
水皆注滴相傳皇祐轉河漕逐龍馳馬飛彩鷁秋  
青銅面治中山輪輓勳高河名狄延今已垂七百  
年泥淤土積揚沙礫若逢夏秋淫雨零洪流浩瀚  
常汨汨良田灌漑不足資赤岸崩頽因搏激大防  
外殺既難施增卑培薄疇中的王公下車念民依  
觀此能不心憂戚親量廣狹定規模淺深高下均

蘭皋詩鈔

卷十 恒曲小集

四

條析因勢利導出自然風雲鼓動吹禹笛派連川  
澤非汪洋股引溝澮盡滲漑更設版閘時蓄洩載  
建橋梁通疎逖民力不勞解橐金鎮日朝乾與夕  
惕家歌樂只戶盈寧人不虞饑水不溺嘉禾雙秀  
協休徵瑞氣四塞應昌曆萬姓歡呼勒芳名鄭渠  
蘇堤爭匹敵捍災禦患濟時才綸褒佇看大君錫

### 寒食

冰署羈棲又禁煙雁門關塞倍堪憐家家滅焰人  
如稿處處藏薪火未然朔地相依紅日遠南天遙  
望白雲連更傷陟岵情何極回首松楸涕泗連

清代詩文集彙編

一四四

清明

鑽榆出火起新煙  
遍來禽映柳鮮  
淘井汲泉炊熟食  
饒雞鬪卵戲晴川  
佳人初摘黃金茗  
公子爭誇白玉鞭  
淑氣融和風乍暖  
踏青不負好春天

賦得滿地梨花昨夜風

限風字

粉香無計戀芳叢  
一夜飄零委地濃  
細剪鶴翎經宿雨  
漫粘蝶翅舞春風  
庭前已失苔痕綠  
牆外驚看杏子紅  
院落溶溶懸夜月  
閉門相對與誰同

賦得四月清和雨乍晴十首

恆曲久旱得雨人情悅  
豫真有如坡公

蘭亭詩鈔

卷十 恆曲小集

三

所云商賈歌於市  
農夫忬於野  
憂者樂而病者愈也  
雨霽後恬若招同幕中諸子  
燕集西郊拈十樂為題以誌喜雨之意

四月清和雨乍晴  
家家耕鑿共昇平  
山城晝永人無擾  
籬犬宵閒戶不驚  
四野桑麻枝漸茂  
千村溝澮水皆盈  
垂垂槐柳新添綠  
擊壤謳謠許再賡

李

四月清和雨乍晴  
幸逢為善濟時英  
薛道衡詩云幸逢為善樂頻降  
恩承北闕流膏遠  
曲奏南薰布澤宏  
全活萬人開地利  
祈求百穀慰農耕  
使君雅化同郇伯

清時才故云

惟日孜孜愜我情

為善樂

四月清和雨乍晴  
通行原野勸農耕  
時看或或秋禾長  
却喜青青夏麥成  
阜蓋雲翻迎旭暖  
朱輪泥滑入坡平  
信人夙駕周民隱  
澤沛桑田順物情  
四月清和雨乍晴  
仕優則學邁時英  
香凝燕寢煙含潤  
光射芸編日映明  
綠樹成陰侵墨藩  
黃鸝巧轉和書聲  
自公退食渾無事  
歌詠餘閒適性情

讀書樂

蘭亭詩鈔

卷十 恆曲小集

六

四月清和雨乍晴  
牽車服賈滿山城  
迷離煙樹人喧鬧  
璀璨街衢貨爛盈  
百物泉流皆坦道  
千金羅致倍餘贏  
年豐載慶天時協  
轉盼填闌萬寶成  
四月清和雨乍晴  
二三知己縱郊行  
尋芳共踏衝泥屐  
載酒爭拚醉兕觥  
流水有情常繞坐  
落花無處不飛英  
良時會合當非易  
慚愧東家舊隱名

同志樂少

四月清和雨乍晴  
游魚戲水順流行  
逍遙自得天真趣  
曾否何勞人事櫻  
棘叢乘風迎浪湧  
錦鱗耀日浴波明  
臨淵敢效磻溪釣  
湖海忘悠一艇橫

漁釣樂



世家云呂尚  
漁釣于周

四月清和雨乍晴天生嗜酒學劉伶杯浮爽氣青  
山迴甕釀新泉碧水泓溪酌不辭拚一醉藏鉤還  
欲辨三橫但期醕酎酬佳節竹葉何能解宿醒樂  
四月清和雨乍晴朝來觸景動鄉情三江柳色和  
煙碧七里山塘帶月明新漲平添梅子熟景風微  
拂秀萼榮何當一葉乘潮去不負曩時鷗鷺盟故鄉樂

擬閏六月初七夜織女書懷限和字

好天良夜意如何無限離情忍漫過巧會每逢今  
夕是佳期奈隔去年多無心懶向支機石有路難

蘭皋詩鈔

卷十 恒曲小集

七

通牛渚河轉盼流鶯秋漸到可能指日聽鸞和

乙亥大業季弟以儒臣扈從邊庭

上賜文學侍從四大字壬午又 賜額曰凝遠堂

喜賦二律

介弟才名早歲聞卓哉文武著華勳晨趨 紫禁

供仙職夕奏 丹墀靖塞氛馬怒沙場窮狡窟筆

搖山嶽震儒羣 聖恩優渥頻承寵扈從班行獨

冠軍

相業由來著廣平競誇文恪繼文貞前勞篤念追

元老先文恪公即世一十六年  
賜扁額曰篤念前勞

睿藻新頒最後生風度

蘭皋詩鈔

端凝垂世範謨猷遠大紹家聲尚期努力崇明德  
莫負 君王錫汝名

遊嘉山

蒼翠障城東嘉山峙碧空靈峯藏異跡幽徑有蟠  
龍山陽有池  
頗著靈異爽氣朝霞舉烟光暮靄籠窮探到峯背  
草樹總溟濛

節母王太孺人奉 旨建坊旌表恭頌三

十韻兼示令嗣季瞻

熙朝崇異節淑媛著幽貞壁立千巖秀星懸萬象

明肅雖昭閭範朗徹紹家聲震澤洋洋水槐堂赫

蘭皋詩鈔

卷一 恒曲小集

八

赫名元臣開闢闢大義出霜婢系本鳴珂里于歸

坦腹英鸞鸞堪匹耦鸞鳳喜隨行百歲盟方始彌

年淚忽傾離鴻驚弔影別鵲切哀鳴伯道嗟無後

共妻誓不更悲號聞晝哭悽愴對宵縈膝下疇依

恃堂前孰慶羹婦姑同慘惻晨夕共憂忤幸長連

枝蕙還培合樹荆提攜如已出懷抱若親生撫字

恩加篤劬勞志益誠龍文誇將相麟角識公卿表

帳傳經密青箱受業精九熊資苦學截髮勵交情

慈母遷三舍佳兒慰九京皇天垂福祐 聖主錫

褒旌棹換隆坊表蟠螭耀棟臺含飴娛穉穉繞砌

美瑤瓊紫詰金泥煥丹文玉軸榮安蛇承象服璫  
聚飾葱衡勁操凌霄漢孤芳重里閭莫釐爭萃嶺  
縹緲並崢嶸世德彰人瑞家祥慶國禎松筠眞莫  
煥冰雪好同賔

讀王恬若大令善政頌喜賦三十二韻

當代循良吏何人召杜傳槐堂覃惠澤恒曲起歌  
謳嘉績騰三輔芳名播九州揄揚根至性刑剗勒  
殊猷直道非阿好微音實有由感公逾六載紀德  
足千秋廉潔持躬謹恩膏遍野稠秉彛惟正直數  
政自優游雅化先文教崇儒尚行修申明懸象魏  
南華詩集 卷一 恒曲小集 九

樂育賦薪櫛設館勤絃誦橫經富索丘鳴琴同單  
父馴雉並中年履畝均田賦捐貲濬壑流關心虞  
早療徒步殫祈求賑粟扶羸乏施金散癘憂春梨  
頻勸課秋穫倍綢繆屏爾苞苴跡懲茲狡獪謀佳  
符不少假擊搏必嚴搜保甲威常肅豪梁計獨周  
市廛平物價輸輓絕餘賕剔弊通郵傳招商集澁  
阪官清民自樂時協戶無愁地應徵靈瑞人和迓  
大庾三岐成合穗一乳產雙駒雨溢平疇潤風翔  
淑氣浮康寧多上壽耕作屢豐收悅豫盈郊甸聲  
名徹 冕旒 翠華常泣止清問每諮諏共慶明

良會還欣魚水投絲綸看早貴榮寵待加優 主  
眷誠無數衢謠自不休賢侯滋冕勉善政足長留  
中秋夜獨坐看月四首

一輪明月起牆東照徹羈人淒楚哀回憶武丘停  
畫舫笙歌永夜燭搖紅

皎皎中天處處同悲歡離合任天公幾經霜霰陰  
埋久尚有寒光射碧穹

愁容慘淡月明看月下清風刺骨寒坐到三更人  
不寐井桐冷露濕檐端

莫問茫茫路幾千夜深遙拜問嬋娟只求朗照通

明鑑不負中秋八月天  
再赴秦中示妾四首

再赴秦中示妾四首

少小相依憂患深鷓鴣今得寄長林追思往事愁  
如結更憶家鄉淚滿襟堂上慈親千里夢庭前兒  
女十年心那堪又向長安道驛館蕭條執抱衾  
驪歌重疊唱臨岐無限傷心片語時曉聽鷓鴣鳴勤  
盟漱夜看月上理機絲桃根姿態何須羨絡秀微  
音尚可師此別音書復迢遞叮嚀晨夕慎無違  
共侍青閨歷幾春天涯聚者更難辛雲山滿眼淒  
涼淚風月關情去住身我向風塵踪未定伊如娣

似意相親懸知別後孤燈夜細雨連寒夢入秦  
由來儒素有家風馭下寬嚴本至公薄宦頻年真  
落拓阿翁自古尚癡聲郵亭日暮山花淡粧閣宵  
深燭淚紅萬里津梁重問渡不堪人老別離中

蘭皋詩集

卷一

恒曲小集

士

蘭皋詩鈔卷十終

蘭皋詩鈔卷十一

長洲宋廣業澄澤

西征集上

壬午秋仲出都留別親交

又別親交出帝京秋風匹馬賦西征祇因駭浪  
驚靡定敢畏霜塵惜此行秦地關河雖絕險燕山  
日月自常明臨歧不盡殷勤意愁聽匆匆唱渭城  
仍由恒曲赴秦中留別王恬若表弟

相依一載慰萍蹤此去何時得再逢驛路三千看  
渺渺河山百二隔重重充盈國計慙余拙零落

蘭皋詩集

卷十一西征集上

一

家人累汝供余早家居曲署已一年矣骨月情長終不倦連宵話  
別到晨鐘

上谷道中感懷邵子昆陸稼書彭扶山三先生

絳帷並侍情如昨俯仰存亡今忽殊望重儒宗思  
子壽經傳絕學溯堯夫彭宣抗疏聲名遠宋玉悲  
秋形影孤回首師門今已矣清風披拂自吾徒余四人皆受知於于振甲先生

過恆山

憶別恆陽十六年曩時風景尚依然環濠荷芰流

芳澤遍野桑麻詠大田渚水滌洄迎馬首常山綠  
繞送車前載瞻房子城匪遠俎豆維馨久更鮮余為恆郡臨城令丁艱去任臨民感先君子捐軀之恩建立宋孝廉功德祠春秋祭祀已一十六年矣

過臣河義塾贈蒲州李刺史

文翁敷雅化弦誦盛蒲東地接龍門近身依華嶽  
崇洪流當臣臣頑石待磨礱莫謂丘隅小行誇大  
國風

登玉皇閣望河嶽

浩邈乾坤四望空仰觀俯察啓鴻濛大河匝地渾  
無際喬嶽參天莫可窮千古興亡悲戰伐半生得

蘭亭詩鈔

卷一 西征集上

二

失畏牢籠回思往事頻西望何限深情問碧穹

謁二賢祠

伯夷 叔齊

二賢大節重寰瀛砥礪綱常萬古名勝國幾人能  
餓死興朝何地不偷生心傳馬首懷君父身委溝  
渠痛弟兄展拜封塋尋舊蹟墓在祠側采薇三復淚縱橫  
小春五日值余初度蒲州士民昔嘗逃荒  
商邑者集臣河為壽有賦

駒隙光陰有幾何浮沈宦海媿蹉跎當年西土達  
人濟此日南山到處歌饋餉雞豚懷化雨扶攜老  
幼說恩波莫言愛敬非天性試看稱觴滿臣河

渡黃河由大慶關入秦

坦蕩由王道何為入此關洪流波淼淼仄徑路灣  
灣戢翼心逾苦紆途遇更艱浮舟豈我願到後幾  
時還

覽寓標陽寺同學李約山表弟毛古愚過

訪二首

偶棲蕭寺寂故舊喜相親異地逢知己孤蹤得比  
鄰十年遭跋躓一夕慰遺迤無限傷心事挑燈仔  
細陳

秦地河山險登臨近若何無風波忽起絕巘路難

蘭亭詩鈔

卷一 西征集上

三

過蔓草滋荆棘蛛絲結網羅此來非得已引我出

危坡

扶風詠古十八首

扶風為漢右輔地山川秀麗英哲挺生  
武緯文經後先濟美兼以母德女師貞  
懷藻思尤極閨閣之盛余緒閱邑乘不  
勝景慕爰賦短章用志芳徽非敢云尚  
論古人也

班彪

千古興亡鑒無如王命篇說蕭明大義歸漢識真

傳尚論尊劉季盱衡邁馬遷滿懷忠義結袞祚賴扶顛

班固

文章垂不朽良史古今無作述鴻才瞻褒譏直道扶兩都傳麗賦二世號通儒底事羈縲綫千秋痛厥辜

班超

萬里封侯志提戈三十年奇勲開絕域重鎮戢窮邊簡易除苛政寬仁總大權玉門留數語不負此生還

蘭皋詩鈔

卷十一 西征集上

四

馬援

漢代多良將威名重伏波五溪傾島峽百粵靖干戈志以窮彌壯年當老不磨緬懷銅柱蹟歷久更巍峩

馬少游

新息功名盛賢哉有弟昆持盈戒溫飽知足謝爵喧毒霧蒸人厲飛鳶落水昏回思雁行語到此黯銷魂

馬融

南郡聲華盛扶風教澤長弦歌盈絳帳著述富青

蘭皋詩鈔

綱名在通儒列經傳弟子行當時彭典戴幾輩得升堂

耿弇

少年懷大志一戰破王郎北道平諸虜東都翊漢皇豐功留好時綿澤重岐陽赫奕雲臺將爭同日月光

竇融

名臣出世威勇略盛龍韜東向依劉秀西征定隗囂寬和騰士卒謙讓結英豪奕奕簪纓盛安豐門第高

蘭皋詩鈔

卷十一 西征集上

五

魯恭

中年三異績雅化至今傳耿介辭道嶺和平決訟田嘉禾生座側高弟列堦前門館無阿好公忠爲薦賢

賈逵

懷抱知書史隔鄰通典墳聰明真絕世個儻自超羣虎觀譚經博萱庭奉母勤舌耕餘積粟寧羨貴千纁

郭汲

卓哉賢太守到處有循聲塞北烽煙息河西竹馬

迎恩威傳異域信義感愚氓九里霑流潤於今仰  
令名

梁鴻

捐介由天性甘心隱薜蘿賃春方舉案減竈更炊  
鍋耕織勤丘隴琴書樂澗阿雅懷高士素留得五  
噫歌

班婕妤

淑德傳宮壺貞操式媵嬙憂深托興賦悵結發歌  
行韞玉光逾潔幽蘭花自芳端居思搗素肯與鬪  
新妝

蘭亭詩鈔

卷十一 西征集上

六

明德馬皇后

皇今聖母后蒙養若成人端恪儀容整柔嘉德性  
純保儲勤鞠育諮政殫敷陳練服昭仁儉辭封安  
懿親

章德實皇后

六歲能書法聰明洵絕倫鴻才繼班馬殊色冠妃  
嬪給事趨承捷據詞藻采新母儀嗟早世褒頌勒  
貞珉

班昭

一疏傾明帝孤臣返漢家繼兄成信史誠女黜繁

華模楷宮庭重文章賦頌嘉東征訓後切忠孝更  
堪誇

孟光

不羨時粧豔貞心賦遂初布衣輕綺縠推髻傲簪  
裾攜手同巖穴齊眉共野蔬耦耕聊自給操作日  
無虛

蘇蕙

聰慧人間少迴文織錦絲縱橫皆得句顛倒各成  
詩質稟山川秀才傳天地奇情淡自感悟何必歎  
差池

蘭亭詩鈔

卷十一 西征集上

七

馬嵬楊貴妃墓

冶容幾致傾唐室艷骨空憐瘞馬嵬縹緲香魂隨  
路散墓在大路傍淒涼荒塚傍山堆當年遺粉嗟安在此  
日閒花笑漫開試問洗兒承異寵可曾拜母酹三  
杯

三橋感舊

十年牛馬地到此倍傷心來往猶如昨趨承直至  
今花迎故吏笑郵舍傍有梅花一株盛開是余手植者人念舊情淺慙慙  
郵亭畔興懷發朗吟

除夕寓齋感賦



飄零河處不棲身客舍孤眠待歲新夢裏驚心聞  
爆竹室隅逐疫想雛神辛盤爭說椒花美綺席遙  
傳柏酒醇竊聽笙歌喧永久豪家氣象迴殊倫

元夕感懷六首

太平鐸鼓太平燈永夕歌呼叶瑞徵獨坐匡牀深  
抱膝澄懷朗照玉壺冰

明月當天到處看家家歡樂慶團圓那堪南北空  
回首重向西京問廣寒

走兔飛鳥西復東衝霄貫斗入雲中舉頭四望驚  
龍繞萬道毫光耀碧空

蘭皋詩鈔

卷十一 西征集上

八

檀板輕敲出洞房歌喉宛轉遶雕梁旁人那識嬌  
和恨聽到三更欲斷腸

數盞清輝列画堂銀花火樹並光芒風飄繡帶搖  
紅燭舊墨如新久更香

宮燈風帶乃余  
數年前題筆

兩人相對酌春觴也當傳柑令序芳莫訝今宵無  
樂事好天良友伴妻涼

是夕余獨與張  
子蒼嚴對酌

梅花

去年客京華節屆穀雨梅始葩今年客秦川二月  
梅開渭水邊西北風土雖殊絕冰姿鐵幹無差別  
與我心情一樣清耐寒歲歲凌霜雪

喜晤同寅謝靜巖章約如

十年同事歷遭迤迤遞燕秦忽幾春無限傷心難  
共訴滿腔熱血向誰伸謝安高誼還如舊章子多  
情久更新塊我塵途空躑躅相憐相惜話酸辛

訪扶風大令毛待旌

曩日欣投契秦川共宦遊循良推伯仲

令兄切範曹  
為華州牧

風雅屬弓裘

專人會侯先生  
成成名進士

棠蔭弘農地波澄漆水流

青門懷舊十二首

制府佛公

諱倫滿  
洲人

蘭皋詩鈔

卷十一 西征集上

九

節鉞臨秦蜀匡時仲大賢救荒杼碩畫卹下荷矜  
全一疏天心洽千秋德意傳西陲凋敝後生聚慶  
依然

制府華公

諱顯滿  
洲人

聖主勤西顧除書簡上公積儲關國計精白竭臣  
忠威奮鷹鷂逐旋驅鼠雀空自承分陝 命萬戶  
被春風

大中丞鄂公

諱海滿  
洲人

卓哉鄂夫子經濟重清時計慮周民隱充盈裕度  
支憊憐欣有托培植本無私廿載歸依切高深矢

報遲

方伯禪公

諱布滿  
洲人

禪公古君子宣化幸來臨坦白爲人意焦勞報國  
心甘棠遺愛遠駕鈍受恩深太息騎箕去風前渡  
滿襟

廉鎮納公

諱壘滿  
洲人

秉臬來三輔人欽憲長名慎言矜朴訥聽訟喜和  
平部屋流膏遍園扉碧艸盈趨承猶昨日仰止慰  
平生

刺史李公

諱杰奉  
天人

南正詩金

宋十一

西征集上

十

一見即相賞真如御李君同舟思利濟異議息紛  
紜騏驎材空老鸞龍氣不羣時時感知已翹首望  
燕雲

刺史祖公

諱業弘  
奉天人

閭閻中朝貴來分刺史符協恭期報稱剔弊得充  
腴頓令浮雲散重教涸轍蘇千鈞擔荷重援我即  
亨衢

涼州司馬李約山

諱我郊  
石門人

十載罹憂患欣逢良友過肝腸明皎日談辯快懸  
河推挽雲霄上綢繆風雨多古交思管鮑契濶意

如何

別駕張謙齋

諱晟奉天  
籍福清人

宦跡三秦合交情兩世長肩隨同雁序足失蹈羊  
腸躑躅途危險悲歌氣激昂心期貞白首異地若  
同方

長安縣尹謝靜巖

諱萬齡  
武進人

入關並綰綬忽忽幾經秋共結雲霞契還同水乳  
投重逢多感慨追憶倍綢繆畱我清暉閣開尊話  
昔遊

商南縣尹蔡德輿

諱名輔  
遼陽人

南正詩金

宋二

西征集上

士

秦地欣投分後先共一官每緣遭困阨彌復罄交  
歡慷慨盟金石真誠出肺肝挑燈忘永夕猶記話  
更闌

武功縣尹章約如

諱紳山  
陰人

十年深結契晨夕共流連風雨聯牀久松筠托志  
堅難爲君注念肯與我圖全無限傷心處回思一  
惘然

蘭皋詩鈔卷十一

然

蘭皋詩鈔卷十二

長洲宋廣業澄溪

西征集下

山行三十首 有小序

余昔宰商於兼攝洛象迄今一十五載  
矣頃者重過商洛道中感民物之依依  
觀山川之歷歷農賈工商各安生業昆  
蟲草木共樂天真念規模之甫具望修  
整之奚窮爰成俚句用志予懷

十年不到此山行民物興衰嗟幾夏父老半隨泡

蘭皋詩鈔

卷十二

西征集下

一

影逝兒童齊向馬頭迎披荆闢草當年事臥轍攀  
轅舊日情愧我宦游真碌碌清風猶聽野人賡

層巒疊嶂拱西京鳥道盤旋取次行竹杖芒鞋穿  
仄徑荷衣簪笠上高坪居官每愛瓊田草羈旅猶  
思碧澗羹訪舊不辭跋涉險岩堯秦嶺暮雲橫

山谿曲曲各爭流一步迴看一渡頭洛水有神歌

窈窕藍橋何地識琳球傷心麻澗懷人邈 麻澗在商州州寧戴

公去世 三載矣極目丹江散客愁 丹江難險流急動輒覆舟追憶往

時疏濬苦田間秔稻屢豐收 沿江新墾稻田收穫甚厚

人情敦厚說商於返樸還醇近太初鳴鐸自皆知

禮讓結繩何必用刑書草衣木食安耕鑿裙布荆

釵懶櫛梳顧我重來猶父子依依膝下獻畦蔬 余始

至商邑民風喬野余於別望講解上諭人知禮讓

髻髮早識邁時賢晨夕觀摩大雅傳 余昔年鼓舞生徒月課季試寒暑不

輟臨場又有七義文社天上麒麟寧蹀躞雲中鸞鳳自踟躕十

年異地懷風雨千里同聲應管弦今日相逢盡知

已晴窓重理舊芸編

嗟彼農人事力耕山田礱確冀秋成荷鋤幾欲衝  
霄上屏水還疑逆地行終歲胼胝甘况瘁三時旱

潦費經營年來幸際多豐稔百室盈寧慰我情

蘭皋詩鈔

卷十二

西征集下

二

百工挾技集山陬食力辛勤未肯休不憚關河來  
跋涉從看牖戶藉綢繆運斤美事雕鏤巧制器還

先耒耜修儉歲依依情似昨至今樂業為余留

咸陽大賈善權衡九邑居奇百貨盈竹木幾經收

估息鹹饒久已獲餘贏 余設立水陸馬頭山澤諸利舉與鹽引縣額不敷并附近州縣亦得贏銷

商民獲利甚夥紫芝赤箭巖塔出白石丹砂匣地生聞說商

顏多寶藏會看羅致集山城

林間好鳥尚依人到處迴翔若有神夾道歌呼春

意鬧繞轅飛舞舊情親 余進太峪口有雙鳬夾道而行行至石壩已五十餘里矣嬌鶯

暗惜流光邁儀鳳重來煥彩新巖穴那堪經久戀

高騫遠欲上青旻

山中猛獸各成羣服罪當年紀異聞庚午夏余新集商城一虎突入徽令

山神追捕越二日虎中弩矢死神前似服罪者愛物底須施陷穽仁民應自靖妖

氛千峰霧重潛靈豹萬壑雲深隱怪殫念我遺黎

艱粒食庵摩夏勿害耕耘山中樂庵衣率使食田禾民苦之

暖日尋芳郊外行無邊春色正敷榮先搖麥浪青

青茂香稻蘭叢馥馥生南山遙地蕙蘭偃伏似懷君子德繁

滋猶記故人情莫愁幽谷長岑寂細草穠花向我

迎

千章喬木列遙岑拂地干霄有幾尋嶺上風飈疑

蘭皇詩鈔卷二西征集下三

虎嘯林間水沸若龍吟長松萬萬煙雲起翠柏森

森雨露深更喜宮牆桃李盛十年栽植亦成陰商邑

久乏科第壬午秋聞獲雋一生余十年前識拔者

索隱揆微是素心窮巖絕壑恣幽尋靈芝遍採留

仙塚佛骨昌言祀碧岑商山有四皓基秦嶺有韓文公祠諱佛骨表碑晴夏晚雲

吹玉笛中秋午月聽瑤琴逍遙舊館傳遺蹟擷秀

餐英自古今

孤城突兀起薜蘿雉堞依然表壯圖締造經年資

保障留貽奕禩煥規模全秦鎖鑰東南重三省咽

喉西北殊我自關心民事切何當碣石紀通衢商邑

昔被閩賊蹂躪荒蕪六十餘年余修築城隍與復舊觀去任後邑人立有碑祠余心滋愧矣

幾重澗水幾重山山水回環幾度關山中有武關富水關皆極險要秦中東南門戶也峭壁懸崖驚崿岵危灘急漲畏潺湲高

飛鳥雀雲霄外馴擾魚龍沼沚間秦嶺古來稱絕

險舊游敢說路多艱

浩淼丹江水亂流回思疏淪幾經秋聲聞 黼座

宸衷重計輓天庾 睿慮周荆楚帆檣通浙口江

淮程秣滿襄州戕戕冠蓋如雲集最爾居然踞上

游余修藩丹江上命大臣驗勘得實隨命學士德公暨部院諸公會同奏楚豫三省督撫馳運江楚漕糧賑濟秦嶺大小官營雲集商邑奉文委余總理河道運務彈心料理幸無阻撓

蘭皇詩鈔卷二西征集下四

神宇傾欹歷有年重新廟貌肅蕭筵課晴問雨邀

靈庇濟難扶顛賴化權關中西鳳大觀獨商邑聖叔神之庇也十載驅馳

王事促一朝瞻拜道心虔但期歲歲長垂護莫負

曩時香火傳商邑城隍祠明塌已久余在任修建每逢四月八日設立會場以廣香火

度地居民集綺闌茅簷草舍尚如新恢恢堂構謨

謀遠秩秩園廛區畫均商南城外皆無主荒地余募民蓋房給以印照房基寬闊街道宏敞不三月而

分為四街士民雲集雞犬相聞喧四境桑麻遍植茂三春荒城

幸得今如許區畫周詳本我真

日中為市集山城物阜民安慶泰亨抱布貿絲猶

攘攘牽車服買各營營耕夫共語權豐歉蠶婦相

逢計沁盈自昔黃農通利用填闢盡是樂天氓

歉歲流離最苦辛幾經軫恤尚憂貧暫移天澤施

窮壑免使河魚泣涸鱗捆載爭先權子母輸將恐

後樂官民每思闢關多良善上下相通出性真余訪

流移中有牲畜者貸以官幣販糶糧食利藏於本始今還庫貧民賴以資生者不計其數官幣仍不短少分毫也

菁莪棧樸紀詩篇化澤猶傳富水邊十室弦歌儲

俊彥四方風動集英賢成童舞象威儀肅宿學操

觚翰墨鮮蕞爾山城如斗大兩河文教額星懸余初

建義學遠近來學者甚眾學使張公錫以扁額曰兩河文教

憶昔潼川入洛川榛蕪滿目路茫然分開疊嶂河

山現撥盡浮雲日月懸密密橋梁通曲澗層層堤

堰禦溪淵綿延直接荆襄道日夕轟雷車馬闐南

上下數百里茅塞年久余平治道塗修築橋梁堤堰按站招致店舍不一年間介然成路

五百官糧二百丁何須匍匐上公庭頻年稔黍叨

天祐遍野桑麻藉地靈父母仁慈欣有託商邑向值歲歉余代

民輸課一年不責價今接任蔡公清廉愛民與余同心兼之徵輸有法催科不擾真商民之幸也妻孥歡樂慶常

寧還期早早完租稅歸臥田畦漱晚汀

土曠民稀六十年招徠撫字日乾乾各分廬井安

恒產遍授犁鋤共力田五穀豐登皆飽食萬家樂

利盡高眠荒煙蔓草今何在百里江山錦繡連商邑

蘭皋詩鈔

荒地甚多余召民開墾給以牛種今成熟者已十有七八矣

盤阿曲澗易叢奸明末圖賊竄伏南山劫掠屠戮商南首蒙其害鄉練時勤武備

壬申庚酉間飢民棄集良暴難稽余做古鄉練之法練習民壯土著流移藉以安堵奔奔旌旗環繡嶺森

森部伍障雄關縣西有武關東有富水關張弓挾矢威強暴搏獸殲

禽震冥頑共保太平無事樂至今龍雀耀刀鐔

到處橫屍不忍看遍施棺槨日蜂攢權將白骨堆

成塚莫使青燐照滿灘秦省大荒之後繼以大疫死亡無算余始則施棺殮埋後不能繼募民間善人葬二丘名曰東西晉同塚無祀疇炊新穀熟有情空對宿

雲寒重來墓畔淒涼甚酌汝三杯奠汝安

堪嗟怨曠遍山隈凶歲官傳合沓杯疫癘盛行寒婦以千百計夫亡無倚

蘭皋詩鈔 卷十二 西征集下 六

余通告官給照之條令辛苦伶仃同集蓼有無黽勉擬然

論年婚配母致流離灰遙知此日心粗慰回憶當年話更哀一自唱隨

逾十載滿街竹馬迓良媒

委路遺嬰最可傷而今兒女各成行看他襁褓呱

呱泣喜爾崢嶸奕奕長自關而西凡美客謂之奕拱立堦前猶子弟

內有入洋者四人拜依膝下勝耶孃自慙遺愛輸先哲羸得

名兒姓字揚昔韓昌黎貶陽山今有愛在民民生子多以其姓字之荒歲之食兒女隨路棄置余論有力乏嗣之家給照收養其子成立者皆以余姓為名字

憶昔當官設粥糜賑窮何惜費金貲商洛兩邑余捐俸設粥廠六所賑食

民扶却父老猶能道鼓腹兒童也自知潯水舊傳

留麥飯陽城忍見屑榆皮殷勤饑溺周民隱直道於今載口碑

崎嶇跋涉遍岩阿舊事相逢樂意多山水有情皆喚合人民到處盡熙和依依馬首難為別簇簇車前忍漫過保赤心誠猶未艾篇章留贈好吟哦

冒雨出山士民攀送一二百里外猶戀戀不去書以慰之

登山涉水路縱橫奚事衝泥逐遠程顧我豈無三宿戀多君猶有十年情祇緣塵鞅驅人急遂使征車冒雨行他日倘重來保障敢忘今日志成城

蘭皋詩鈔

卷十二 西征集下

七

贈同年李雲門

李君美玉姿溫潤而潔白產自玉山陽長茲藍田澤精神見山川特達尊圭璧緬彼韞匱時寒芒耀文石抱璞入承明聲價倍赫奕黃金何可沽連城豈能易切磋勵居諸忠信行蠻貊朝華接紅輪夕暉空皓魄三年尚懷瑜初品遂衣碧珍重出岩廊輝煌照隴陌行看火爛爛然鼎光彌積他山未可攻藍玉傳今昔

萱花

人言萱草可忘憂我見花開意轉愁爛熳北堂重

入夏鵲栖西土又將秋

寄平陽刺史秦木伯

當代稱循吏如公世罕聞河東新牧伯冀北舊神君余向與木伯同官畿輔潔已風裁峻臨民政事勤雖當痼瘵

後比戶力耕耘時平陽地震後

贈同年劉卓崖督學秦中

孝標博洽號書淫奏對當年賦上林天半朱霞敷五采雲中白鶴舞千尋香舍東省衣冠肅化洽西京雨露深絳帳生徒相待久春風桃李早成陰

重過藍田贈大令林可亭

蘭皋詩鈔

卷十二 西征集下

八

十年金石締心交臭味相投似漆膠鸞鳳佇鸞新羽翮鵲鵲仍戀舊枝巢與歌載聽多嘉政旅館重依適樂郊聞說藍田曾種玉精光四射出林梢

藍水署中遇張少呂感賦伯還先生今嗣

睽離三十載相見渭河濱契托同心友時逢異地春浮生萍浪跡往事淚沾巾風雨聯牀夜纏綿話苦辛

夏六月出潼關兼程北上感賦六首

浪跡秦川閱歲寒衝炎今又跨征鞍茫茫大地皆羈旅身外鴻毛是一官



歷盡艱辛半載中日驚駭浪與狂風誰知明月無  
私照未許浮雲障碧空

已出羊腸尚自驚朝來俯仰覺身輕更無人唱驪  
駒曲祇有青山送我行

赤日炎炎暑客身生衣和汗污黃塵天邊趙盾真  
堪畏今日方知太逼人

屈指前途路正長驂騑漸喜即康莊煩歎洗盡心  
情愜雨過遙天散晚涼

暮趁斜陽曉帶星兼程計日到都亭秦天漠漠三  
千里回首真如噩夢醒

蘭皋詩鈔

卷十二 西征集下

九

晚行蒲州道中

晨征行向暮前路轉平岡地古傳蒲坂山遙望太  
行往還塵漠漠臨眺思茫茫汭水生微浪薰風散  
晚涼雲封虞帝廟樹隱樂安莊漁唱沿河遠蟬聲  
遶驛長名賢懷表聖偉業憶汾陽憑弔時寥廓悲歌  
氣慨懷羞稱倚頓富肯效阮公狂漸覺炎歊退欣  
看酒旆揚勞勞人意倦得得馬蹄忙白隴由來美  
停鞭試一嘗

仍由恒曲入 都晤恬若表弟

昨歲關中道馳驅又一年重來問知己猶未絕塵

緣時家口尚  
留何曲客近雲霄路途逢風雨天暫爲留信宿  
相對倍纏綿

浪跡成何事精誠化冥頑花枝風乍息雲岫鳥思  
還頻歲序多難今朝得少閒豈因車馬促仍欲過  
燕山

途遇驛使寄 都門諸兄弟

金臺頻入望鴻鴈偶來過驛路情何限家書語不  
多陰霾乍消散曉日漸融和匹馬燕山道兼程莫  
遽迤

每憶連枝秀別來誼更親憂危還仗汝急難豈無  
蘭皋詩鈔 卷十二 西征集下 十一

人夢隔關山月天回雨露春孔懷情意切自昔動

楓宸

題陸素安得子圖寄贈毛古愚表弟

累累蓮房出水濠鵲鵲剝啄逐風期更看鱗介呈  
嘉瑞石罇爭傳得巨螯

甲申元旦入都作

朝來宿霽尚瀟灑旭日東升祛歲寒共說太平四  
海晏還期大有萬家歡和風披拂先徵兆淑氣氤  
氲正履端快飲屠蘇博長健今年莫等去年看  
蘭皋詩鈔卷十二 終

蘭皋詩鈔卷十三

長洲宋廣業澄溪

歷下小草

甲申仲夏之官濟東有賦

九重奉明詔忝竊守東藩懷印辭燕市褰帷入魯  
門忠貞思祖烈高厚荷 君恩敢負澄清志微臣  
矢勿諉

偕總戎王毅菴登州司馬楊兢如別駕陳

公武暨蓬萊劉淑文黃縣程正齋萊陽

黃符節棲霞鄭爾梅福山蔣乘菴文登

蘭皋詩鈔

卷十三

歷下小草

一

佟信侯諸大令讌集蓬萊閣時當八月

海市呈祥同人欣慶漫賦二律以紀其

勝

浩瀚真無際乾坤一望收朝宗千派合積氣半空

浮島嶼森森列飄檣滾滾流曠懷身世渺疑是泛

虛舟

何處尋仙境疑眸入窈冥蜃樓驚幻化海市忽成

形太史占星聚鮫人獻地靈坡公遺蹟好先後耀

滄溟

小春 慈親就養官署迎至阿城喜賦二

律

白雲親舍遠定省廿年虛幸忝官齊地欣來奉板  
輿晴暉陽月暖小草寸心舒忠孝期無負時看教

子書

忠孝雙全君親兩盡幸已  
秋我母寄示書中語也

連朝引領切今日聚河干矍鑠精神健團圞笑語

歡稱觴容戲綵

時母壽  
八十

視膳願加餐此樂皆 君賜

彌思報稱難

登泰山

振衣千仞逼雲天勝蹟分明列眼前麟角吐書今  
在否吳門匹練尚依然秦碑無字追元始漢柏長

蘭皋詩鈔

卷十三

歷下小草

二

青閭變遷不是扶輿看驟小只因身踞最高巔

徂徠懷古

森森峭壁削芙蓉信步攀躋仗短筇地有竹溪懷

六逸山為嶽案冠羣峰環鑿芳樹叢叢出空谷寒

雲處處封覽勝撥幽渾欲遍獨憐不見古時松

秋日過闕里恭謁林廟十二韻

秋高天氣爽幸適聖人鄉頽首瞻林墓樞衣謁廟

堂雍雍陳俎豆翼翼啓宮牆山挹龜蒙秀源流洙

泗長豐碑森萃嶺古木鬱蒼蒼裡祀崇昭代師儒

仰素王春秋綿景祚日月煥 宸章帶礪分茅土

球琳錫玉璋聞孫隆紹述典教肅趨踰夙忝諸生  
末今隨弟子行六經承訓切九拜絕塵揚悅聽金  
絲奏欣沾芹藻香祥風披拂處身在杏壇旁

泗上泉林

石竇奔流勢若傾小亭翫憩愜幽情源從陪尾分  
支遠地號泉林匯水清雪浪層層波上湧雷聲隱  
隱澗中鳴追思夫子臨川上逝者如斯感慨生

謁孟夫子廟

道自宣尼一脉傳巖巖氣象想當年躬承母教經  
三徙名動王侯著七篇羞語桓文輕霸業必言堯

蘭皋詩鈔

卷三 歷下小草

三

舜企中天幸來鄒國瞻遺像不負生平仰大賢

讀孝子沈廷兆傳二首

孝子蹈火救母棺而出負傷而殞其兄公三徵詩以

紀其事

大節垂千古遑論死與生炎威方灼爍至性益精  
誠但念親棺重誰知子命輕孝思昭感假身歿志  
能成

北堂勵冰操

孝子令慈若節三十載

兄弟條經營負米供晨爨

傭書代夕耕

公三館千宿預

那堪鴻雁折更痛髮膚賴母子

逢泉下難為伯氏情

趵突泉

名泉歷下七十二第一還稱趵突泉倒捲銀濤凌  
碧落紛飛雪浪破蒼煙恍疑湧地分三峽直欲乘  
風上九天幾度來看歎奇絕塵心盡滌興翩跹

闡中即事次范自牧方伯韻六首

光搖鎖院萬燈紅禮樂三千大國風多士定饒公  
輔器由來名相出山東

屈首芸牕挑短檠呬唔永夕歎淒清那知振翮扶  
搖上聲徹天衢聽鶴鳴

攜琴負劍各紛紛紅萬卷縹緗映夕曛同躍龍門看  
變化才高穩步入青雲

蘭皋詩鈔

卷三 歷下小草

四

何人不慕昇成名握瑾懷瑜各有聲看向至公題

甲乙當場勝負若枰枰

朱衣列宿自天來奎閣輝煌霄漢開滄海魚龍翻

巨浪精光四射現珠胎

我亦頻經試鎖闥秋風鏖戰破重圍而今袖手旁  
觀日心喜難禁色欲飛

闡中坐雨次自牧方伯韻

匹練光搖暎碧空氤氲四起滿齊東棘闥辜負中  
秋月木榻還驚午夜風應是魚龍爭變化故教雷  
雨運神工諸君努力扞雄思翰墨淋漓入彀中

自牧方伯以驚炙見遺並贈佳句次答

引年何必進菖苓驚炙相貽酒更馨飽食永懷君

子德詩成書法愧蘭亭

贈詩有愛君書法似蘭亭之句故云

丙戌初夏同學嚴麟洲計希濠繆文子暨

館甥李敬六陸宣穎內姪陳樹滋兒子

志益集署中雅扶堂限韻分賦歷下八

景分得錦屏春曉限東字

錦屏環繞濟城東無限風光曉色籠翠黛陰陰和

露碧丹砂點點帶霞紅幽花古木參差見複澗回

巒屈曲通會看興雲能致雨恩溥齊魯仰神功

山有

蘭亭詩鈔

卷十三 歷下小萃

五

龍洞禱雨輒應

明湖泛舟

日斜停棹傍菰蒲到此能令暑盡無天送好風來

水國人披爽氣坐冰壺阜民正叶南薰曲攬勝何

殊西子湖更有娛情耽賞處紅葉翠柳白沙鳧

登太白樓

緬懷李供奉乘興偶來遊縱飲非關酒狂吟獨倚

樓嶧山青未了泚水碧長流欲喚仙人起風前共

唱酬

南池汎舟

為愛南池好公餘一放船新荷青貼水高柳碧參  
天載酒當初夏題詩憶昔賢千秋誇勝地應為杜  
陵傳

寄上閩中張大中丞二首

公諱伯行字孝先河南儀封人

警蹕南巡日承恩羨獨隆臣心淨秋水天語

蕩春風共仰霜稜肅旋加節鉞崇五雲初捧詔

瑞氣滿寰中

八閩山水秀勝地駐油幢日暖龍門洞波明螺女

江勛猷當第一德望自無雙吉甫文兼武儀刑著

萬邦

蘭亭詩鈔

卷十三 歷下小萃

六

題露園贈吏部焦隆吉先生二首

名園負西郭地僻絕纖塵翠篠含風細蒼苔過雨

新清修託君子有斐美詩人為溯淵源遠還將祖

德陳

園多修竹係令祖大中丞栽植

山公饒逸興寄傲日徜徉繞膝來文度開尊醉葛

疆白雲閒弄影黃菊靜含香高臥那容穩徵書責

草堂

秋夜宿刁村聞焦氏家塾書聲喜賦

魯國詩書地刁村弦誦聲尹唔傳五夜燈火徹三

夏月齊心同朗霜明氣共清淵源知有自龜勉待

成名

無吏部令禮大中正公錄詩  
杜今塾中童子皆其後人也

不置泉歌

并序

廣業

迎養 慈親於濟南官署濟南為

先王父殉節地舊有雙忠祠 慈親追

念先烈故許就養甫至即詢忠祠所在

命鼎新以垂永久祠成忽有雙泉湧出

人咸異之乙酉夏署中恭建

御賜母氏扁額碑亭亭後亦有甘泉湧出人尤異

之趙行瞻學使題曰不置泉謂我母孝

思所感也安丘處士張杞園復為文紀

蘭皋詩鈔

卷三

歷下小章

七

之 廣業 因喜而為之歌

泰山濟水鎮區寰綿延一脉啓歷山歷山之頂駐

駟馬相傳按部除神姦巡方山左不一人我祖持

斧遇時艱殉節于今六十載忠魂凜凜血猶斑

興朝改作觀察署廣也濫厠於其間我母年高逾

耄耄聞之遂不辭間關既思為祖揚忠烈又慮小

子政未嫻板輿就養歷城署忠祠展謁淚潸潸余

惟仰承我母志亟訪遺跡華井灣忠祠舊址依然

在重修廟宇表通關更獲雙泉著靈異我母視之

開懽顏時逢 六龍幸齊魯額旌我母膺 寵頒

敬立碑亭紀 恩渥石罅湧水波濤深齋心掬取

供大士明心見性悟八還天鑒忠孝出至誠甘泉

載錫地不慳使者采風歎靈異爰題不置非等閒

誰謂濟水不可測源源不竭流淙淙誰謂泰山不

可企隱隱脉落相迴環觀此三泉永千古昭昭大

節振愚頑

再入閨中喜雨

棘園又值雨霏微滿院松煙泛硯肥大典風雲表

異瑞高才川岳鍾靈暉連篇錦繡隨心湧得意文

章急手揮鸞鶴衝霄應有待會看晴霽破空飛

蘭皋詩鈔

卷三

歷下小章

八

寄上粵西梁大中丞

公諱世熙字鶴  
江陵西安塞人

溫溫璞玉姿不與燕石媒亭亭松栢榦真作梁棟

材卓哉梁夫子公輔天生才亮節既端慤書卷亦

兼該三秦蚤馳譽聲望傳八垓一身席簪纓簪仕

當中臺出為二千石五馬爭徘徊燕薊多異績仁

政施蒿萊權輿兩淮間民物歌阜財中書重行省

山左雙旗開從茲擢都府帥節嚴闕來嶺西雲霓

望膏雨盈枯芡謳歌頌清德蠻徼無疑猜 溫綸

頻下逮日月同昭回濟川賴舟楫和羹作鹽梅曾

忝驥尾後久沐公栽培交情等金石膠漆比陳雷

時貽尺素書拜接勝瓊瑰遐思彤夢寐詩成空溯洄

官署之西偏葺射堂三楹大中丞趙純公

學使趙行瞻兩先生暨方伯高友蘭廉

使葉開天嵯使黃儀九都閫張羽皇諸

公及守令輩常飲射其中方伯顏之曰

繹志堂蓋取射義各繹已志之意也敬

賦短什

結構頗弘敞爰在官廨旁歷山暎遙翠朝旭迎晴

光兩公清獻裔枉駕駐旌幢雍雍集寮案濟濟列

蘭皋詩鈔

卷三

歷下小草

九

鵬行昇平際昌時良會陳壺觴習射用觀德弓矢

于焉張挽強悉命中審固意自長貫革非所尚何

事誇穿楊循法以爲節詩歌采蘋章升降多揖讓

還取繹共揚方伯錫嘉名遂以顏斯堂願各繹已

志勗哉毋相忘

歷山書院

聖朝右儒術聲教訖四方人材既蔚起多士歌思

皇況茲齊魯地自昔產秀良表率在有位牖迪歲

月長翳維歷峯翠石坦多平岡爰構數椽屋適在

山之陽課誦恒于斯勝日集冠裳臯比坐講道諸

生列前行五倫倫惇典六經諧笙簧士習庶以端  
正學迺克昌鵠湖與鹿洞千載希餘芳

午日招同程霽巖觀察謝靜巖司馬暨朱

玉章在莪徐育蕃周補臣繆文子王寶

傳李敬六陸宣穎陳樹滋諸子集飲雅

扶堂和韻

佳節同傾縹粉壺一堂聚首半葭萼庭餘仙草門

垂艾香滿金樽酒泛蒲舞試綵衣添綵繒瀝將神

水盡神符歡呼暢飲忘拘束豈是尋常集飲徒

予假歸養留別郡縣諸同人

蘭皋詩鈔

卷三

歷下小草

十

青徐共事閱五載同心惟有念窮黎分憂不惜經

營力盡瘁常多慘澹時歸養恩綸逢聖主奉親

啼笑學嬰兒臨岐此日難爲別濟水吳山兩地思

出歷下城廉使葉開天嵯使黃儀九都閫

張羽皇諸先生南郊餞別志感

喜得陳情拜帝綸故交言別黯傷神河橋楊柳

牽離思驛路征車逐去塵郊外何當重勸酒秋高

端不爲思葦奉親潘令今歸去便作江湖一散人

東宿預令胡梅州並示令弟遠公

金蘭誼重憶長安兄弟怡怡說二難幾載辛勤工



製錦同心區畫佐探丸由來家國無岐致始信修  
齊第一官宿預古稱煩劇地友于化洽遍江干

將至清江浦寄河上諸公

生平歷盡風濤險爲問河渠近若何源自崑崙來  
絕域流當淮泗入清波新疏北道分天塹載築南  
隄障水多經畫諸公垂異績安瀾喜得片帆過

喜晤李松客嵯使

歷山亭下送鳧車二載相思鴈信疎奉母正當歸  
故里辭官今已出青徐快逢知己傾尊酒敢向同  
心傲遂初江左風流君第一會看明詔下丹除

蘭皋詩鈔

卷十三 歷下小集

十一

蘭皋詩鈔卷十三終

蘭皋詩鈔卷十

映綠集上

渡黃河

大河浩漭潏日夜向東流到此片帆渡能生千古  
愁湯湯悲澤國渺渺望揚州廿載重經路歸人已  
白頭

上張大司寇二首

公諱鵬翔字運  
青四川遂寧人

帝簡忠良第一人巍巍品望仰純臣朝端久識風  
裁峻海內爭看事業新功佐平成參造化學窮今

蘭皋詩鈔

卷十四 映綠集上

一

古振羣倫由來不朽稱三立體備靡遺服大醇  
懋著勲勞二十年經綸端藉濟時賢丹心貫日昭  
千古隻手迴瀾障百川爲憲共推周吉甫先憂羣  
說范忠宣 九重軫念蒼生切專寄東南半壁天  
已丑元日壽 母四首

麗日迴青陽履端慶歲首北堂設悅辰何以介眉  
壽鯉魚膾辛盤梅花泛春酒

阿母八十餘精神愈強固南陔日正長棠葉添無  
數嬉戲舞斑衣永慰孺子慕

賜閒荷 君恩匪躬奉慈訓歸值故園春庭幃忻



聚順曾玄繞膝前次第拜嘉慶

淑氣益太和條風扇護草阿母樂融融色喜開懷  
抱跪進百歲觴春景年年好

清和五日偕同里諸子讌集陳文莊公西

園分韻得真字

乞養歸來得比鄰同心相對倍相親盤餐陳列皆  
鄉味笑語流連盡故人水淥一池涵墨瀋

園中有墨池

停三徑護花茵酒酣不覺疎狂甚脫帽披襟任我  
真

東園二十首

并序

蘭皋詩鈔

卷古

續集上

二

太倉東園王文肅公別墅也文孫太常

復為點綴泉石於其間蕭疎閒遠饒有  
画意余探奇覽勝竊效摩詰輞川諸詩

每景各賦一絕兼簡頤菴大宗伯暨幼

芬學士

東岡之陂

竹樹扶疎暎夕陽紆迴婁水繞東岡閒情占斷陂  
邊景絕勝裴家綠野堂

專壑

引泉曲曲通何處巨壑盈盈貫注多來此靜觀應

有悟心如止水不生波

揖山樓

危樓百尺俯平林如揖青山下碧潯却憶米顛曾  
拜石風流千載托同心

春曉臺

曙光初照日曛曛花滿園林綠映紅侵早登臺望  
春色迷離春在有無中

酴醾架

瓊姿淡蕩倚牆西坐臥花陰氣欲迷壓架重重疑  
覆雪摘來釀酒更相宜

蘭皋詩鈔

卷古

續集上

三

紙牕竹屋

結屋偏宜傍翠筠文牕明淨更無塵懸知燈火青  
熒夜靜坐攤書最可人

期仙廬

物外逍遙樂閒散尋仙何必向蓬萊眼前便是方  
壺地曾約浮丘把袂來

掃花菴

繡佛清齋憶太常心空色相兩俱忘落紅滿地呼  
童掃却要天花作道場

玉壺閣

碧天雲淨月舒光遙挹清輝倚曲廊一片冰心相  
映徹吾家亦有玉壺堂

剪鑑亭

絕愛孤亭水面浮中央橫截水分流波光灩澦東  
西合蕩漾菱花映素秋

清聽軒

風來品谷氣蕭森竹籟松濤響隔林安得嵇康抱  
琴至坐彈一曲和清音

遠風閣

憑高遠眺獨疑思解帶披襟日暮時招得清風自

蘭皋詩鈔

卷古

曉錄集上

四

天外會心端在謝公詩

畫就

丘壑層層結構殊蕭疎閒遠一塵無不須更倩丹  
青手好景天然是畫圖

煙上

怪石峻嶒難具狀兩山對峙若屏障四面寒梅盡  
吐花花光澹澹凌煙上

香霞檻

霞落重臺艷色勻姚黃魏紫不勝春時來倚檻迎  
風立領取濃香欲醉人

香綠步

野花香欲襲衣袂曲檻迴環過短牆夾道柳陰濃  
似染行來迤邐出芳塘

凉心閣

草閣臨溪景最幽水明木瑟澹于秋我來頓覺煩  
心盡身在清涼國裏遊

紫藤橋

柔條勃發紫蒙茸屈曲盤旋橫復縱行過橋西到  
僧舍雜花掩映影重重

藻莖堂

蘭皋詩鈔 卷古 曉錄集上 五  
花開藻莖闕芳菲絕勝揚州金帶圍富貴由來推  
相府丹黃照耀世應稀

綰春橋

已過三春春不留小橋流水思悠悠行人爭渡環  
三折鎖住春光日日遊

偕葑洲季弟謁先文恪公 賜筌

一放唯亭棹同來謁 賜筌湖光殊澹蕩天氣正  
清明遺澤煙波潤承 恩草木榮

賜御 感溪猶子念下拜涕沾纓

聖駕晏火南巡必道  
內大臣致真茶酒又

壽蘇州刺史陳滄洲

天生偉人不世出福我東吳端表帥前有况公後  
陳公後先濟美真堪匹况公清正懾豪強三月政  
行人股慄陳公寬猛能兼之為政一一本經術吁  
嗟吳儂困饑荒頻年未起瘡痍疾公甫下車念民  
艱若保赤子抱置膝補苴多方費苦心教養兼施  
務周密去奢崇儉返淳龐男力耕耘女勤織樂利  
家家慶阜成向化人人知法律聲聞 黼座屢褒  
嘉紫鳳銜書耀紅日時維嘉平公誕辰齊堂介壽  
懽聲溢壽國壽民皆賴公公壽無涯永天秩

過甫里謁外舅陳爰昭先生墓

南星詩鈔

卷五 晚錄集上

六

一別天隨里傷心隔九泉音容空想像歲月幾推  
遷坦腹才殊忝遺言世共傳先生輯有先正遺言一書山丘零落  
恨淚灑夕陽邊

重陽前四日朱子天標招同松陵吳學山

暨葑洲弟集綠蔭齋看花分賦

已屆黃華節猶飄桂子香小山成雅集醉月共飛  
觴

壬辰春日偕王彥輔表弟游上沙明瑟園

主人陸元公留飲索賦四首

春風亞遊棹迤邐上沙行環拱羣峰秀中涵一澗

清平壽如繡錯險隘若金城指點桃源路曩時可  
避兵相傳此地為避兵處

名園妙結構到處愜幽尋怪石橫高阜修篁布密  
陰徑欹斷似續水曲淺還深小憩觀魚躍悠然濠  
上心

散步穿林薄微吟上草亭平蕪牆外綠疊嶂眼中  
青好景看無際浮蹤許暫停主人能好客欵洽具  
杯鐙

君占溪山勝逍遙足養和我為不速客羣侶偶來  
過邀月銜杯數看花得句多可能當七發一為起

南星詩鈔

卷五 晚錄集上

七

沈疴時主人抱疴未痊

秋日彭訪濂太夫子暨馮閑壑尤澹湄兩

太史黃蕺山孝廉葑洲弟集季弟靜溪

書屋對菊小飲分賦

風氣清寒九月天相逢話舊一開筵杯浮綠蟻光  
逾潔燭暎黃華色倍妍樞侍先生欣翼鑠招攜佳  
友愛纏綿莫言秋老霜威肅翠幹金英晚節堅

習園

習園 先君子晚年所構余歸養後時

奉板輿遊憩其中追念先澤用賦短章

先公凌林泉園開名習圃池館足栖遲時集山王  
屨今朝賦歸來泉石還如故奉母承歡愉日涉自  
成趣蕭爽可攜軒清陰曲綠步榆柳兩三行梨桃  
百餘樹二句用庾信  
小園賦中語樂志逌田園 君恩湛雨露酌  
酒進高堂潛然起遐慕

再成十詠

枕流草堂

陂塘何淡沲軒牕亦疎豁倚檻俯寒漪耳邊靜塵  
眊好鳥時一鳴隔林蔭清樾

撫松亭

蘭皋詩鈔

卷十 曉錄集上

人

草亭謝塵雜為愛支離叟

元鮮于樞庭前  
有松名支離叟

言結歲寒交

髯翁最稱久試看熟羊腍應歷千年壽

曲綠步

一徑愛清陰步步入幽折惟覺衆綠香不見花如  
雪微風過林端薔薇落猩血

宛轉橋

曲水環朱闌飛虹更宛委綠樹暗芳塘日斜度寒  
翠為招同心人相期坦坦倚

橋深  
曰倚

柳堤

春風太無賴染盡垂楊樹拖綠萬條煙搖金一隄

雨濛處出嬌音黃鸝身不露

綠錦池

清露粉香生淡日花房圻綠蓋擁紅幢一片錦如  
織木末起涼颼葉翻滿池白

翠筠淺處

蕭蕭聲不歇風動千篠簃日夕烟常結參差徑多  
紆相對心自靜淡然君子居

可攜軒

闌檻凌寒空臺榭鏡中起銀河更可親咫尺天連  
水不同浮家棹欲去仍徙倚

蘭皋詩鈔

卷十 曉錄集上

元

小山叢桂

金粟散清芬桂子落如雨無隱得真詮浩翁入妙  
悟叢叢燦仙葩未逐劉安去

濠上觀

彼魚亦何知人乃知其樂達哉蒙莊子觀魚欣有  
託非魚魚非我其樂自相若

偕葯洲季弟再集朱子天標綠蔭齋中看

花三首

花發西風獨擅奇徐舒肉綬更堪怡堂前儼列鵷  
鷺冕堦下爭榮霜雪姿疑是鳳儀朝北闕肯同菊

隱卧東籬共傳五德微靈瑞寧數新昌五色芝

滿目斑斕耀日中淡黃微白間深紅光搖螺髻雲

霞似彩覆珠纓錦繡同側帽不妨侵曉露免冠只

恐怯秋風諸公才藻繽紛麗色映瑤箋奪化工以上首

咏五色  
鷄冠

再入芸齋飛羽觴仙芬馥郁滿林塘柔條拂地如

屏幃老幹參天並棟梁萬點黃金瑩夕照九苞丹

鳳耀朝陽小山奚事歌招隱會看庭前桂子芳飲古桂樹

下樹巔有丹桂數枝盛開天標  
新得二子故有九苞丹鳳之句

除夕侍 慈親家燕喜賦

蘭皋詩鈔

卷十四 映綠集上

十

廿年官跡逐風塵今日閒居得乞身自是君恩許

將母婆娑老福倍精神

滿堂兒女各成行共向堦前獻壽觴面似桃紅勸

深酌圍爐此夕興逾長

棗梨共列五辛盤栢葉椒花次第看樂備天倫非

易事長筵快接慶團圓

呼盧暢飲醉流霞戲舞萊衣樂事誇但博慈顏一

歡笑何妨永夜共諠譁

徐引雲鬟出畫屏歌喉宛轉舞娉婷清湖女子名

如願願祝高堂壽百齡

爆竹聲高遠近連山妖鬼臊敢俄延迎新去故添

嘉慶為報平安又一年

蘭皋詩鈔

卷十四 映綠集上

士

蘭皋詩鈔卷十四終



蘭皋詩鈔卷十五

長洲宋廣業登溪

映綠集中

金陵懷古二十首

石頭城城據石頭山故名

竟陵王氣自鍾山千古興亡指顧間勝國衣冠傷

寂寂熙朝雞犬樂閒閒龍蟠虎踞金城固鳳舞麟

荆玉筍班幸際太平無事日秦淮遺蹟好追攀

牛首山山有兩峰形如牛角王導指曰此天關也故名天關山

兩峰巍峙鎮江干體勢崢嶸洵巨觀呼吸似能通

蘭皋詩鈔卷十五 映綠集中

帝座峯巖直欲上雲端高懸日月星辰近俯視林

巒宇宙寬丞相當年曾指示恍疑雙闕碧霄寒

雞鳴山舊名雞籠山

雞鳴突起會城東柱頰咨嗟望若龍晉陵達善言理人欲折之達柱頰望

雞籠山俗名又臺號觀星還未毀明太祖置觀星臺于山頂館等講學

已成空宋元嘉中豫章雷次宗被徵築招隱館于山中帝數臨幸命宗以巾幘侍講蒼藤古木餘斜

日衰草荒煙帶晚風回憶曩時朝會肅絳籌報曉

建章宮

幕府山晉王導置幕府其上故名

尅復神州拓井疆乃心王室賴勛勳弘開幕府登

蘭皋詩鈔

山頂環抱江流築柳塘二虎爭跑泉突湧山頂有虎跑泉昔杜

空禪師居大慈山無水六龍歡幸氣飛揚中興事業猶如

昨相室空傳袞繡裳

祖堂山

瞿曇行派號南宗唐僧法融于此得道為南宗第一祖師代有高僧此地

逢飛錫三山開講席獻花百鳥示靈蹤法融禪定由百鳥獻花

來授受傳心印始信淵源出鷲峰衣鉢至今垂不

朽但聽莫鼓與晨鐘

攝山棲霞寺

攝生採藥入山隅山多藥草可以攝生屈曲紆迴歷險途帝子

蘭皋詩鈔卷十五 映綠集中

敗心鏤寶相齊文惠太子隨石勢大小鑿佛像千餘高人捨宅起浮圖齊高士明僧紹捨宅為寺

仰登臨天地濶曠懷寧復歎崎嶇

燕子磯

危磯高聳石城西極目長江煙樹迷雙翼翩翻疑

燕子諸峰繚繞若虹霓盤旋石磴臻峰頂力挽風

帆鎖障堤渡峽穿崖逢古剎憑欄一望暮雲低有弘濟寺自麓至頂高數十丈三面置檻憑之瞰江

清涼臺

高臺俯瞰大江東海暑風來自碧穹臺上有不受暑亭亭後主避暑處

廣惠寺中千佛現臺上有清涼廣惠禪寺翠微亭畔萬緣空又有

翠微亭南唐時建丹青久沒懷名蹟隸草空傳憶化工昔有東坡彌陀

像畫羽龍又有李後主八分書李晉遠草書今俱無存但覺置身天際邈涼生肘腋

水風渢

雨花臺

梁武帝時雲光法師登臺講經感天雨花

雲光說法轉金輪靜坐蒲團格聖真行雨龍王弘願力散花天女滌凡塵層巒疊嶂空禪界翠柏蒼松現化身共說長干多勝侶講堂歷久尚如新

秦淮

始皇穿鑿一何愚秦始皇以金陵有王氣鑿方山疏淮水以斷地脉淮水悠悠亘

蘭星詩鈔卷五 曉錄集中

三

帝都二世未終悲閒寂六朝疊起暢歡娛參差臺榭今猶在馥郁芳香久不殊游覽幾經千百載画船簫管任歌呼

元武湖

西北環城水一隅長堤高築衛皇都晉大興三年築長堤以塞北山之水

圖書舊貯嗟何在湖中有洲明太祖還庫以貯圖籍花鳥時親樂與俱

渺渺波光看隱現垂垂柳線感榮枯當年饒有林

泉勝敢比知章賜鑑湖吳馮諶後鑑湖故事欲求後湖尚書徐鉉曰主上豈惜一湖所之者知章耳

白鷺洲

柳陰岸岸翠成陰洲廣二十五里柳陰相接二水中分繞碧潯振

鷺于飛看上下孤城久廢莫登臨向築城于此今廢曹彬南

下軍威肅宋曹彬至此大破南唐兵黃婦西沉大節欽明侍中黃觀殉節建祠洲西大

人翁氏與二女俱投水死其冢即在祠旁自古爭衡稱險要黃茅白葦繫情

淡

莫愁湖

三山門外縱情遊放棹湖中憶莫愁逸韻飄揚隨興發清音宛轉逐波流賞心不覺增豪興入耳能令散客憂西浦笙歌時鼎沸盧家樂府有誰儔唐志云枝盧莫愁家此古樂府有莫愁曲

桃葉渡

蘭星詩鈔卷五 曉錄集中

四

子敬風流擅昔時欣逢桃葉恰相隨桃葉晉王獻之妾渡頭一曲傳佳句白下千年唱麗詞蕩漾綠波情渺渺徘徊芳岸思遲遲臨歧無限傷心處打槳來迎得幾時獻之送桃葉詩有我自來迎汝之句

孝陵

高皇陵寢仰崔巍奕奕棖題耀夕暉聖主追崇

久愈肅今上屢次南巡必謁孝陵隆禮備至羣臣瞻溯遠彌輝千尋古

木看長茂萬世明禋總莫違鵠立丹墀嚴對越權

忻鼓舞莫獻欵

功臣祠

雞鳴山麓功臣廟祠在雞鳴山之陽開國元勳共一堂武烈

奮威經百戰文謨約法定三章龍飛鳳舞勤王切

海晏河清行慶長二十一人功德遠徐達常遇春李文忠鄧愈湯和沐英

馮國用耿再成丁德興張德勝吳禎康茂才茅成胡大海趙德勝華高俞通海吳良徐良臣吳復孫興祖共二十一春秋俎豆

自輝煌

昭明讀書臺

蕭梁帝子各翩翩獨有昭明少夏賢並列五行齊

下目昭明太子讀書一目五行俱下縱觀萬卷盡成編文搖筆海前修

酌名振詞林中葉奉中葉之詞林酌前修之筆海李善表忠語試看一人泉

未涸臺下有泉名一人讀書臺下澤猶鮮

蘭皋詩鈔

卷五 騷餘集中

五

烏衣巷

東晉王謝同居是巷其子弟多烏衣

衰屐翩翩集建康烏衣子弟重門墻鳳凰臺畔開

山墅宋元嘉時林陵見吳鳥毛羽絢爛音聲和譜人謂鳳皇因築臺以表祥瑞驃騎營前泛野航

王謝第宅在驃騎將軍紀瞻家側可以浮航故名驃騎航玉友金昆垂世範蘭芬芝秀

滿庭芳莫言郭璞能著筮淮水洋洋後正昌

孫楚酒樓

紛紛市館繞秦淮遇有高人孰與偕太白登樓能

翫賞唐李白翫月於此子荆居肆善安排孫楚字子荆散石枕流才藻卓越繁音

迭奏傾人耳明月當空入我懷頭戴烏紗身衣紫

扁舟訪舊喜同儕太白曾與酒客數人棹歌秦淮往石頭訪崔四侍御

蘭皋詩鈔

東南佳麗樓舊為賞心樓四望可盡觀覽之勝為金陵第一景今縣治基

南朝金粉石頭城千載還傳佳麗名結綺臨春遺

劫火臺城芳樂久欹傾宵娘妙舞今安在李後主建百尺樓作

金蓮高六尺令宮頭百娘舞金蓮上子夜新聲尚繁情齊高帝幸華林園沈文季為子夜吟只有

景陽鐘不泯朝朝鏗擊聽雞鳴

六朝松

松在明徐中山王南城登園內

六朝佳麗盡成塵賸有孤松億劫身歲月遷移常

不改風霜閱歷久如新剛針挺拔蒼虬棘勁骨峻

嶒碧玉鱗豈是中山靈未泯獨留此樹峙城闌

姑孰別駕仇蓮坡招同毛古愚陳紫星錢

蘭皋詩鈔

卷五 騷餘集中

六

子華鄧四岳五至唐馭九陸素菴嚴毅

詒集報恩寺登雨花臺感賦

曩時西土集羣賢此日招提續舊緣慷慨漫勞追

往事殷勤相對憶當年幸逢南北多同調每望鱗

鴻悵各天共到雨花臺上望不堪分手逐風煙

鄧四岳五至招同毛古愚陸素菴周南仲

嚴毅詒遊萬竹園用王裴輞川唱和原

韻漫成四十首

秣陵有萬竹燕山有萬柳萬柳泣西風萬竹只今有

飛雲穿林梢直欲干霄上高致出風塵日月任來往

鬱葱倚長空茂林同一色茂林宵無涯蒼然望何極

陰陰集暮靄隱隱露晨晞坐臥北牕下煙雲覆我衣

扶疎枝與葉垂蔭翠成宇縱橫疊交加亦足蔽風雨

青筠貫四時經霜亦屢屢超然絕世勢掉頭不肯顧

蘭皋詩鈔

卷十五

映綠集中

七

颼颼涼颼起微波連且漪瀟灑獲我心滔滔我何知

抱琴叶清韻一往何情淡蕭蕭風雨聲雅奏出高岑

幽閒復貞靜萬籟寂無響好鳥弄枝頭其音自下上

不受風露侵不逐利名客勁節挺城隈市塵久昇跡

芳蘭是我友籬菊可為侶恬憺愜素懷各各得其所

仰承碧天露俯挹寒潭水水與露常清俛仰其能已

體態忽天屈迎風帶笑開翻飛渾似醉浮葉送君杯

其心擬虛谷其貌若檀樂朝風夕吸露不知饑與寒

淞雨瀾四澤疎點滴蒼苔林外屐聲喧知君冒雨來

蔣詡卜幽居濃陰覆孔道羊求豈無人三徑為誰掃

蘭皋詩鈔

卷十五

映綠集中

八

徑僻行人少翩翩翠袖來綠天正淡處蓬牖若為開

一時清興發相與共徘徊但識煙霞趣遑問主人來

主人乃君子可望亦可即把臂入林中相逢俱舊識

美哉青琅玕迴環夾兩岸行行復行行茲遊何汗漫

溫潤而多澤應無如此君炎炎當溽暑林深護白雲

主璋看特達金錫將無同託足淇澳間詩人美國風

夏聞太液池清輝暎綠漪義質比同心宗本不相離

律呂昉籥龍八音竹與絲簫韶來儀舞瑞應協昌時

神水出天中所之則傾瀉取以開心胸于邑從茲下

慈孝護羣篠長幹聳碧津孟宗冬泣笋至性格天人

蘭皋詩鈔

卷五 曉錄集中

九

一節可為船傳自唐虞歲萬里藉梯航嘉名尊以帝

紛紛飛落葉何以人爭拾利用非一端積薪資谷汲

孽條夏蔚然一簇手可把植之凌霄漢勿令甘居下

血淚染成斑望帝情何極方圓雖各殊點點殷紅色

南園依碧水北園繞雕闌南北兩相望榮枯豈無端

西園在何處鄧林傍溪湖湖流僅涓涓林下滿菰蒲

金天爽氣豁狂吟復長嘯吟嘯各自如澄懷期共照

木公高可仰梅生近可親生平愛三友此亦歲寒人

盤根蟠仙李駢枝懷棟蓀龍孫復璘珣青青終不落

春日共尋芳茲足供清玩疇是賞心者踟躕徒紛亂

蘭皋詩鈔

卷五 曉錄集中

十

主人愛修潔杜門却世務我亦畏塵器扶持藝此樹

持躬寧蹇諤逢人毋唯諾矯矯挺風姿吾心有真樂

竹溪六逸子竹林七賢人邈矣賢與逸清標却似君

庭前玉筍班知是青雲客鼎鼎自成林奚忍漫摘摘

是園創自太史鄧元昭先生迄今六十餘年矣哲嗣四岳五至八愷三昆季暨文孫叙如輩二十餘人皆能世守舊業莫不墾竹苞松茂堂構重新跋于望之矣并記

夏初余過京口久旱得雨喜贈陳宿峰太守

憶昔巡行萊子國三秋不雨嗟何極陳公去位已  
逾年軫念民間心猶惻語余海廟神最靈叩之輒  
應雨必得余率僚屬虔步禱甘霖立沛盈溝洫迄  
今土人傳異事轉旋實賴公之力公存利世濟人  
心何況當官殫厥職我今偶過鐵甕城值公來守  
勤撫恤會逢早曠如膠萊公甫下車倍翼翼祈求  
北固山之陽薄暮江天雲四塞雷轟電掣風迴環  
靈雨滂沱潤黍稷人人爭說雨隨車但願年年沐  
公德回想焦勞東土時覩此愈令開胸臆

蘭皋詩鈔

卷五

吳興集中

十一

邗江懷舊兼示諸君子後人

憶別邗溝歲屢更低徊今昔不勝情文章華國推  
三許念修方臣師六三先生意氣干霄數二程象六已茂通經傳舊  
德正子史寧遺澤夢長庚余妹婿史小周早世遺腹一子今十五歲矣興懷往事  
多增慨知已同心好共傾

競渡歌

有記

淮陰古澤國也城有三一曰舊城一曰  
新城介乎兩城之間曰夾城夾城之北  
大澤一區曰珠湖廣袤數里與三城內

蘭皋詩鈔

卷五

吳興集中

十二

河通西有小壩障外河以防水患淮陰  
士大夫及有力之家胥卜居焉湖之四  
圍茂林修竹亭臺館榭環繞無隙地每  
逢佳辰令序遊人雜沓遠近畢至可稱  
一郡巨觀新安程子春谷乃二樵先生  
令嗣為人誠慤風雅不凡於湖之北溪  
建有碧虛樓君子居樹玉堂枕流室漱  
石亭諸勝高下掩映小橋流水曲徑迴  
廊花木竹石都雅奇麗臨湖則有水榭  
三楹規模弘敞天光雲影照耀湖心太  
原閭紫琳先生顏之曰涵清軒尤占是  
湖之勝已丑仲夏余游長淮偶憩其地  
適遇太守山陰姚息園公以三春積雨  
民艱粒食廣貯倉儲減值平糶窮民藉  
以資生因之天時協應五月朔雨霽至  
五日天中節天愈皎潔氣益晴爽麗日  
薰風土人相率競渡旌旗搖曳金鼓喧  
闐画船簫管蕩漾中流及夜火樹明燈  
晃朗如晝遊觀士女擊節傳觴逸士騷  
壇詠歌文酒自朝至夕流連不輟比之



西湖剡溪何多讓也余慨淮陰素稱澤  
藪比年水旱頻仍太甚蒞斯土者傷心  
蒿目今則輿情悅豫上下誠和雖一時  
競勝習俗固然若非賢太守實心實政  
上契天心下周民隱其孰能致此歟是  
日太守偕別駕王九滋公泛湖招余與  
觀察使程霽巖別駕王浣廬禹敘劉自  
貞內翰程紫星朱田叔大令方鎔在主  
政程勳著國博程眷谷又挈余子志益  
從子曜同遊始集涵清軒觀競渡繼移

蘭皋詩鈔

卷五 曉峰集中

十三

席勳著依綠園中旨酒嘉肴清音妙舞  
獻酬交錯秉燭雄談更極友朋欵洽之  
歡噫淮海安瀾平成奏績自今以往三  
城黎庶永以為樂昔范文正公先天下  
之憂而憂後天下之樂而樂憂樂同民  
後先一轍敢以為賢太守贈酒酣耳熱  
浚愧不文爰紀其勝并歌詩六章以備  
採風之一助云爾  
大河泛濫湧波濤此地猶停錦纜初水窟忽驚龍  
四起逢逢鼉鼓振靈鼇

舊說龍舟弔屈平汨羅江畔水澄清而今競渡留  
遺事鎮日爭馳響似轟

旌旗繚繞出城東五色雲霞照水宮花勝當頭纏  
綵縷光華奪目耀天中

人人爭唱採蓮歌棹聲齊聲響溜波左右盤旋神  
莫測追風逐電疾如梭

画船簫管漾中流翠幕紅裙逐勝遊陸博呼盧喧  
永夕明燈火樹水中浮

廣延賓從集湖濱弔古憑今蹟未湮共道招魂傳  
宋玉遙傾蒲醕奠靈均

蘭皋詩鈔

卷五 曉峰集中

十四

夏日偕成乾夫王敷在徐伊黃曹濬友耀  
雲程紫星勳著眷谷師恪赤文爽林翼  
書西玉皞如汪西涪朱在我周南仲諸  
君子集珠湖納涼抵暮泛舟觀燈分賦  
六首

蟪蛄舊說出淮南照耀湖心碧玉涵風卷湘簾消  
劇暑粼粼一帶水拖藍

月榭風亭繞綠波阿誰蕩樂送笙歌曲闌柳色淡  
如許依約輕煙罩素娥

更有何戡立水旁罵聲宛轉繞雕梁輕衫窄袖低

團扇一曲清歌入座涼

薄暮家家凝燭圍競將燈火關明輝湖中掩映高

低影千炬光搖映紫微

火樹銀花到處紅衝霄貫斗微空濛九龍屈曲盤

旋下為取明珠入水宮

好天良夜與逾濃勝地芳筵不易逢知己雄譚宣

永夕扁舟蕩漾聽晨鐘

蘭皋詩鈔卷五

蘭皋詩鈔

卷五

主

蘭皋詩鈔卷十六

長洲宋廣業澄溪

映綵集下

重過西泠感賦

不到西泠二十年湖山歷歷尚依然人倫模楷思

前輩余幼隨先大人過杭時年十四恭陪雲間施硯山武林嚴瀨亭

楊靖湖項眉山徐徵卷下飛濤額且卷諸年伯同游西湖至湖心亭既月即席分韻賦詩余有湖山一片月燈火萬家春之句極承諸前輩獎借已四十餘年矣不勝今昔之感文彩風流有

後賢丁卯歲余再游西湖寓四賢祠追慕李鄭廣白樂天蘇東坡林和靖四先生遺蹟適王顯菴村丈視學三湖中丞金冶公先生同時

巡撫馬見五先生權守杭州時號三賢可謂後先繼美載酒恰逢三月景看花重繫

六橋船緬懷往事情何限吟向東風一惘然

蘭皋詩鈔

卷十六

一

上元日登吳山

吳山聳峙武林城俯視江湖夾水橫萬頃波濤徐

入海六橋花柳漸舒英踏歌士女連雲響走馬兒

童逐隊行令序上元春意鬧登臨到處自怡情

湖心亭

一亭獨占湖中勝湖水湖山列案前千頃水光明

似鏡四圍山色碧於煙往來不盡題詩客日夕偏

多載酒船萬類靜觀皆自得天然圖畫御書懸

李有御書天然圖畫靜觀萬類二石碑

過翁氏山莊贈康飴學使

先生泡逸尚勝地置名園柳色青連屋湖光綠映門耽書繡古帙留客醉清尊許結雲霞契盤桓共夕昏

飛來峰用東坡先生芙蓉城韻

栽栽靈鷲攢高冥西方移來驅五丁龍宮雲煙疑翠屏恍似輕寂藏娉婷天竺鶴舞破空青層巒叢嶧石墮星得非蓬島分殘形雲梯仿佛吾曾經餘研石竇地效靈屏却瘦騎和輕輶通天洞一綫歷

異境巉巖桂子飄餘馨擬朝王京詣闕廷飛璫跨鳳帶笑聽捷鬼得令喚律令引我碧宇開朱櫺松

蘭皋詩餘

卷六

芙蓉集下

二

溪竊篠聲謾謾石乳滴瀝聲泠泠風臺露榭戶暫扃翠羽剪得青鸞翎霄闕一聲震迅霆飄身回望冷泉亭敢污片石漫勒銘附險下顧行吟璚珠宮何處搖條鈴遙聞頓若鱷夢醒幻化久竹生青窠行雲在天水在餅寶光魚目相晶瑩春華蚤悟同秋零白虹浮空雲暫腥西湖花柳遙漾溟人世聚散眞浮萍我登奇峰叩金庭何殊蚊睫巢焦螟王迴倘許修遐齡翩然凌霞招伊邢

王迴錢塘人嘗逢仙女周瑤英于飛來峰下同遊芙蓉城東坡故作歌詩

西湖十景偕顧巖卜刺史同賦

蘭皋詩鈔

蘇隄春曉

山色湖光一碧連霧含花氣露含煙嬌鶯猶帶惜騰醉深柳陰中着意眠

柳浪聞鶯

嫩煙淡淡柳絲絲翠浪風翻漾綠漪畫舫有人聽不厭金衣聲出最高枝

花港觀魚

荇絲如帶白蘋香浪漲桃花春晝長游泳清波饒至樂錦鱗定不羨蒙莊

曲院荷風

翠蓋風翻颭碧波粉香成陣逐人過紅闌一曲堪忘暑坐到日斜涼更多

平湖秋月

波光萬頃月孤圓雲淨長空水接天笑指蓬瀛應不遠白蓮一朵浸瑤田

兩峰插雲

天半撐空翠靄凝雙峰屹立碧嶙嶒秋來整頓登山屐擬踏青雲第一層

雷峰夕照

紅日銜山墻影沈野煙一縷障青林晚風習習下

蘭皋詩餘

卷六

芙蓉集下

三

殘日十里銀湖穀細金

南屏晚鐘

鯨音聲出白雲隈  
驚視南屏暮色催  
遊騎紛紛隨盡牒  
柳昏花暝一時回

三潭印月

碧雲掃盡絕塵纖  
千頃金波一色粘  
不是龍宮懸寶鑑  
涼蟾高挂兩峰尖

斷橋殘雪

橋外峰巒翠欲無  
橋邊新漲綠平鋪  
春風先到逋仙宅  
露出青青一髻孤

前五詩分

卷六

曉錄集下

四

冒雨探梅西溪

春雨積深林春陰鎖  
碧岑梅千煙處密花異雪中  
尋爲訪西溪路因成東閣吟  
山莊攜屐至遮莫遇愁霖

蘇堤小飲

銜杯縱飲逢知己  
對月微吟汎野航  
一片湖光殊濫熾  
四圍山色自蒼茫

雲棲寺懷蓮池大師

七筆勾除盡千般絕  
挂牽脚跟須着地  
鼻孔却撩天荊棘  
俱成路金剛獨透圈雲棲結茅屋宴坐萬

山巔

月下觀梅

淡霧橫空瘦影寒  
捲簾相對隔輕紗  
冰姿恰稱娟娟月  
絕勝吳姬燭下看

李孟昭有十六吳姬吹風管捲簾燒燭看梅花之句

雨中半山觀桃二首

時值陸景安周又尊念西同游

世間那有桃花源  
臯亭雨過花正繁  
濕紅一片爛似錦  
臨溪相暎俱無言

衝泥不愁迷舊路  
只愁猛雨判芳叢  
深紅淺紅俱可愛  
尋花喜得尊疊同

錢塘詠古小樂府二十首

前五詩分

卷六

曉錄集下

五

三節還鄉里錢王衣錦遊  
東西州十四長上進喚婆留

玉帶和名馬英雄意氣驕  
誰知宋藝祖別有帶三條

遣汝歸家去殷勤一匣書  
分明催納土枉設禮賢居

昔向陳橋入今從海道過  
錢江舊名字悔煞號仁

和太乙宮無主欽宗不得歸  
可憐塞雁至只見鴿鈴飛

若築湖中府千秋未可量如何百年後反乞舊封疆

湖 日夕看歌舞君臣一事無燕安家國破誰不恨西

欺 堪恨復堪笑中和堂裏詩願同越勾踐五字竟誰

銳志圖恢復艱危氣益增用杜句殿中勤擊鞠諸將說

隆興 蘇小家何在西陵松柏寒禁中呼妓入承寵有安

安 蘭皋詩鈔 卷六 六 湖上多遊幸鶯花侍輦行蘇隄宋五嫂曾說進魚

羹 高節繼徐復孤山一瓣香清風配修竹何必水仙

王 政事餘吟咏州民盡解歌風流賢太守白傳與東

坡 天下偏安勢將軍百戰功盡忠報捷懶割地殺英

雄 益國奸如鬼循王氣似雲跨驢湖上過閒殺故將

軍

函得平原首卑詞乞退師還勝燕太子只解殺於期

葛嶺愁煙濕夜寒山雨長草根喧蟋蟀鬼嘯半閒堂

青 翠樹繞黃土長朝殿已局月中聞杜宇啼血哭冬

欸段踏湖隄王孫日莫歸前呵驚白鷺慙愧獨高

飛 亭等不可辨就刑非所辭冤冤霜月白千載照忠

祠 蘭皋詩鈔 卷六 六 恭謁湖上行宮敬賦

宵旰憂勤邁古今 鑒輿不惜遠登臨小臣祇候

迎山左丁亥春今上南巡巨廣葉子基莊接駕天子從容出武林阿閣

雲連昭日月龍章光曜應奎參巍巍功德誠難紀

長並湖山峙碧岑 曉起孤山頂觀日出

放鶴亭

先生高蹈出塵塵梅鶴招攜伴此身鶴舞千年還  
有賦梅花數點已無春亭臺歷歷能如舊松栢森  
森轉若新乘興來游追憶切臨流咏嘯樂吾真

岳鄂王墓

將軍浩氣滿宸瀛取義成仁萬古名十二金牌來  
重鎮三千鐵騎返神京捐軀不計留兒女報國何  
知有死生但恨精忠心未了湖山瘞骨血猶腥

于忠肅公祠

兩湖惟公第一人匡扶社稷秉鴻鈞丹心朗照湖  
山月浩氣長留天地春護國獨能持大節殺身真  
不愧純臣奪門異事傳青史赫濯聲靈萬古新

蘭喜詩鈔

卷十六

映綠集下

八

白蘇二公堤

賢哉刺史蘇與白築堤西湖防水厄捍災禦患祀  
春秋武林千載延血食蘇堤春曉紀詩篇載過兩  
堤求道蹟堤成湖水既安瀾時和物阜民恬適於  
今風景更堪思草樹山川留惠澤兩堤蜿蜒若龍  
眠六橋花柳盈香陌煙波縹緲映湖心環繞羣峯  
拱翠壁游人雜沓豔陽天遺簪墜珥紛狼藉蘭橈  
簫管蕩中流紅紅竊聽能記拍欄醉花前盡少年  
狂吟題壁都騷客我以白髮願其間頽然自放帽

岸憤頓吟白堤與蘇堤綿綿德澤永無斁

雲林寺舊名靈隱寺

到此心清萬慮空誰人不共仰穹隆高僧指點花  
源路達士皈依兜率宮歷歷梵音遠殿角鏗鏗鐘  
響徹雲中蹇驢布衲傳忠武韓王忠武日夕游行興不  
窮

清明日偕陸素菴孫斗瞻泛湖遇雨賦得

坡公山色空濛雨亦奇之句

山色空濛雨亦奇扁舟輕蕩白公堤煙嵐重疊元  
章筆雲樹模糊坡老詩撥刺遊魚波面躍參差花  
蘭喜詩鈔

卷十六

映綠集下

九

榭望中迷欣逢佳節來湖上底事紛紛雨散絲

兩霽再賦得湖光潏潏晴偏好

湖光潏潏晴偏好雨散雲收景更佳錦嶂層層新  
拂拭畫船處處舊安排翩翻翠柳舒金線倬約紅  
裙耀碧釵勝友招攜良不俗流連永日暢吾懷

錢塘晚渡

大江三折遶東南浩淼洪波未易探千古越吳成  
逝水百年錢趙付空談漁歌唱晚憑誰聽牧笛催  
歸獨我諳萬壑千巖欣在望耽遊自笑亦沉酣  
偕周又韓念西陸素菴顧中亭諸子蘭亭



送春

蘭渚溶溶漾夕暉晚風無力送芳菲千林綠暗一  
亭靜春自崇山峻嶺歸

鑑湖泛舟

城南一曲水粼粼翠暎千巖秀絕倫賜第昔傳留  
賀老放舟今已屬閒人煙籠碧柳鶯啼樹紅入綰  
桃花滿津游泳日斜歸未得勾留為愛鏡湖春

吼山

放棹吼山去縈紆一澗通峰迴雲霞變路轉石玲  
瓏天設幽奇境人傳斧鑿工置身兩洞內山有水  
旱兩洞

南上寺金

卷十六 明錄集下

十

入藥珠宮

午日集陳乾齋學士雙清草堂

梧影一庭碧榴花滿樹明時光臨五日把酒坐雙  
清良會添吟興閒居玩物情誰知天上詔未許

戀柴荆

乾齋是日奉旨內  
召罷翰林掌院學士

過陸素菴素懷堂觀淳化閣帖

蘭亭真帖那可見淳化秘本亦不傳世綵臨摹何  
足數唐鑒中有世綵堂  
摹本淳化帖最工此揭完好豈偶然

哭次女

汝髮永覆額汝母早見背依依祖母旁少小承聲

款稍澗內則訓亦熟姆氏誨晨昏侍盥櫛淑順母  
或許伶仃雖堪傷我情聊以慰汝年十五六理粧  
掃眉黛執玉以為守紉蘭以為佩嬌小絕可憐為  
謀擇嘉妃錢郎好才貌品物標清裁本是姻婭戚  
會結絲蘿再女夫錢幾率  
即余內姪百年幸有託永好期無悔  
胡然中道乖一病隣危殆悲哉藥罔效天平割我  
愛所遺小兒女孑孑俱冥昧汝目應不瞑泉臺泣  
幽晦鞠育恃何人見之心欲碎我來世錫堂入室  
徒增嘔少者竟夭亡老者能長在撫棺一慟餘令  
我百慮廢死別復何言一盃為汝醉

蘭上寺金

卷十六 明錄集下

十一

蘭皋詩鈔卷十

思親詩

思親十首 并序

我生不辰慘罹大故念八旬老母冥冥  
歸泉痛六十孤兒孑孑在疚悲號無地  
怛愴呼天敬瀝血以陳詞誌永懷之莫  
喻深恩固極哀思靡窮喪不成吟敢祈  
憫鑒

一日思親十二時用黃山谷句老年母子慘相離夢竟常

蘭皋詩鈔 卷十 思親詩 一

向泉臺繞定省空瞻總帳垂迎養歷山逢再閨  
賜歸封水僅逾暮終天抱恨情何極讀禮深慚子  
道虧

一日思親十二時合胎十月謹掇持每懷天上麒麟  
種還望塔前蘭玉姿昨夜袈裟垂寶相我母嘗謂廣曰生汝前一夕夢一僧入門汝是再來人也來朝香篆拭門楣那知老大逾週甲

辜負親心徒自悲

一日思親十二時髮年便已戒遊嬉和熊雖苦加  
勤讀畫荻非勞欲問奇午夜授經恒不倦雞晨督  
課如忘疲於今得有成人日我母真如是我師

一日思親十二時吹燠伯氏仲吹篪卅年同受堂

前訓三樹爭數塔下枝遠去各慚甘旨缺比來幸  
荷 寵書馳豈期登彼菩提岸兄弟箴箴何所之

一日思親十二時于歸我父恰齊眉會當風雨飄  
搖日脩極經營慘淡思堂上孀姑稱孝行閨中弱

息著芳儀宵來寶婺光芒掩聞道鄉閭盡涕洟

一日思親十二時潔蠲中饋室家宜挑燈伴讀紫  
針線結綬尋盟佐酒卮鬻產輸租回嘆旱施金賑

粥起瘡痍孝廉功德新祠宇廣軍臨城值歲饑我父公車北上我母捐貲輸賑全活無算臨民感思建宋孝廉功德祠春秋崇祀半是當年我母遺

蘭皋詩鈔 卷十 思親詩 二

一日思親十二時教忠教孝日孜孜先公徒跣尋  
遺骨王父捐軀報主知祠表雙忠完素志明季先王令韓公同時殉難土人立雙忠祠湮沒已久我母南至濟署即命重修并請春秋二祭泉流三穴感靈祇我

慈訓夙夜兢兢敢或岐我母南至濟署即命重修并請春秋二祭泉流三穴感靈祇我

一日思親十二時聲聞 黼座動宸咨濟川駐蹕

恩波潤 睿藻凌雲 聖德丕綵映北堂承

御製聖駕南巡賜我母扁額曰北堂映綵星輝南極受天祺慈闈福德

真無量萬世千秋應共推

一日思親十二時壽當耄耋與仙期庭前棣萼垂

陰護膝下蘭芽向日熙歸識靈山真面目游來香  
海現牟尼但思罔極恩難報長此哀哀血淚垂

附跋

母開九袞兒過六旬禮稱不毀之時養盡閒  
居之後而澄溪性成篤孝哀致抱疴積苦由  
之呻吟瀝晨昏之血淚雖係韻語總屬啼聲  
嗚呼覩棘人而歎藥藥可回薄俗聞鮮民之  
呼蓼蓼用迪恆憂余故觸緒感深循環諷咏  
云南昀彭定求跋

附和思親詩

蘭皋詩鈔

卷十七 思親詩

三

彭定求

四首并序

澄溪宋子用山谷老人一日思親十二時  
之句聯成十章余既為之跋復和四首慰  
其孝思按詩序云南陔廢則孝友缺白華  
廢則廉耻缺此以見孝養之固難矣然蓼  
莪不作則亦無復有喪致乎哀者澄溪今  
於二者均無間焉不得以憂居戒詩之例  
視之也

一日思親十二時涪翁舊句有誰知己同萊子  
承歡久絕勝毛生博祿遲故怕檢來因轉悵遺

蘭皋詩鈔

羹羹罷自餘悲霜飛月落空梁冷幾度啼烏傍  
暮枝

一日思親十二時煌煌忠孝識兼資前朝祖烈  
增光耀奕世孫謀得令貽謂齊南重建侍御  
公祠以承慈訓也聞教好  
登中壘傳禮宗應表大家儀祇今流俗方頽敝  
淳行如君獨轉移

一日思親十二時傷心吟斷采蘭詩百年莫罄  
劬勞報七尺仍憑毀瘠支澄溪苦次  
病瘵累月搖曳雲邊青  
鳥逝依稀隙裏白駒馳多慙謬賦閒居者讀史  
令人更鄙夸潘安仁以閒居賦為名  
而不克終養史多議之

蘭皋詩鈔

卷十七 思親詩

四

一日思親十二時身依滌舍夏秋期闌風伏雨  
方噓拂鑠石流金正護持澄溪於端午後日侍  
慈闈足未出戶也天意  
順成倫紀協 國恩鄭重寵光賤我生薄祐偏  
多感願為逢人說孝思

馮昂

六首有跋

一日思親十二時思親翻恨養親遲調羹虛向  
靈幃獻視膳空將玉粒炊嗚咽聲中猶祝哽劬  
勞篇內獨銜悲如澠有酒婆娑勸難博教兒覆  
掌卮

一日思親十二時思親却悔服官癡隻身宦海

危機絆世戴歸心好爵廉迎養岱東懷舊烈湧  
泉署北悵遺碑抽簪獲遂陳情志又恫霜摧失  
母儀

一日思親十二時思親方幸侍護擇青春歲月  
承歡少白髮桑榆色養宜六十斑衣仍繞膝兩  
行瑤樹復聯枝溘焉遽脫塵氛去反哺思深那  
忍離

一日思親十二時思親魂夢亦追隨啼顏每與  
慈顏遇燈影還從燐影移迷漫擁苦惟繫戀零  
丁削杖總連瀉最憐醒後餘悽愴淚血盈盈照

蘭亭詩餘

卷十七 思親詩

五

鬢絲

一日思親十二時思親病骨轉離披細搜藥裏  
神逾苦難報烏絲涕暗垂石鼎沸聲和月泣總  
惟朔吹帶冰漸此中慘惻憑誰療漫說參苓便  
可醫

一日思親十二時思親號慟積腸脾幾多孺慕  
依丹旄無限酸辛結素旗煥爛宸章昭寵錫  
崢嶸壺範式巾綦哀哀罔極情殷處飲痛濡毫  
續楚辭

詩之感人者深孝之感人者尤深如澄溪

表兄讀山谷之詩感泣而成吟訪翁表叔  
讀澄溪之詩感和四首余讀訪翁澄溪之  
詩感賦六章以足十哀之數彼此相感皆  
天性所由致也詩云不匱錫類不誠然哉  
聊綴數語以志孝思昂并跋

辛卯二月朔日合葬先父母并以錢陳

二室人暨冢子志稷聘婦吳孝貞女附

墓墓側志感二律

罔極終難報泉臺慰所生幽明成異路岬岬更傷  
情華表千年峙崇柯萬木榮顯揚正有待稽首淚

蘭亭詩餘

卷十七 思親詩

六

縱橫

離羣別鶴久孤露百年身並侍姑嫜密相依娣姒  
親佳兒仍在側貞女始全真三世同歸宿經營若  
有神

清明日掃虎丘祖塋

行盡山塘路清溪繞墓田澤流已五世祖德自千  
年雨露悲春獻松楸冷禁煙尚餘風木恨拜罷獨  
潛然

病目初愈蒞洲贈枇杷賦謝

盧橘夏初熟中和脩四時黃金丸錯落碧玉葉參

差消疾應多效仙方幸見移仙方當見重消疾未應名便司空曙咏枇杷句也  
垂上林賦不美錦荔枝

節孝歌 并序

人生天地間足以振綱常扶人紀顯于當時傳之後世者節與孝為首重在丈夫猶難之況求諸巾幗中乎梁谿山水秀麗甲於三吳華氏尤稱望族南齊時有孝子寶者為華之始祖居晉陵孝德彰聞事載國乘厥後子孫繁衍數十傳後至宮詹學士未齋公以文章政事顯

蘭星奇錄

卷十七 恩親詩

七

于明季與先侍御稱莫逆交遂締姻媾其長公參軍小邢先生即余父姑之壻也生子文號字友虞年少有異才未弱冠時校刊泊如堂文選行世膾炙人口余每過錫山晨夕考訂流連忘返儀部寬峯侯公愛其才以女妻之結褵之後佳兒佳婦承歡膝下遠大可期不意友虞早世時候孺人年僅二十有二遺孤紹曾生甫數月伶仃孤苦孺人守節自矢婦職而兼子職上事舅姑下撫遺孩

蘭阜詩鈔

蘭星奇錄

卷十七 恩親詩

八

以故鄉黨宗族重嘉其孝行又憐其苦節而節孝之名乃彰逮舅姑考終盡禮盡教子成名啣節三十餘年艱難困悴脩嘗辛苦孺人之節孝益著於是上之所司達之 當宁建坊旌表一時人士莫不美節孝之食報為不與云余與友虞為中表兄弟無異同懷始則抱蘭摧玉折之傷繼則念茹檠飲冰之苦今日者有子有孫箕裘克振而孺人貞節孝行名揚 朝野遠近奉為美談史冊傳為盛事是友虞早亡雖抱痛於前而孺人苦節足豔稱于後也夫孺人以一弱質女子而綱常倫理賴以扶持世道人心藉以振起紹南齊孝子之傳續學士宗祧之重可不謂女中丈夫稟梁谿山水之秀者乎從此第祿綿綿寢昌寢熾此皆節孝之所致寧僅人世一時之顯榮已耶爰作歌以紀之

梁谿山水鍾靈秀梁谿孝子傳聞久煌煌高族華與侯兩家門第俱清流從來至孝還百世于今苦

節堪十秋苦節誰似侯夫人嫁與華郎敬似賓可  
惜結褵甫四載綠窗腸斷鏡臺春夫人少小有奇  
志淑順兼能知大義涕洟被面血交垂矢志栢舟  
誓無二雲暮暮兮天為昏風慘慘兮猿哀鳴奉翁  
姑兮代子職撫遺孩兮淚縱橫地下相從是所願  
身雖存兮愁千萬宗桃不絕一兒孤晨昏私祝雙  
親健雙親難致百年期終養常憂婦道虧況當門  
祚遭中落孀婦孑孑尤可悲畫荻九熊教賢子劬  
勞不啻三遷里成童鼓篋冠詞壇才漆凌雲聲鶴  
起名高爭美達 彤廷學業紛綸富六經節孝應  
蘭山詩鈔 卷十七 恩親詩 九

哭婿程受申

少小追從歷幾春秋風總帳歎沉淪子稱玉潤歸  
幽壤我魂冰清逐軟塵任昉遺孤誰共恤  
受申遺有三子今  
嫺哀詠最傷神蕭蕭白髮情何限話到酸辛淚滿

巾

重過雲間春藻堂訪同學彭子孝緒兼懷

故友戴羅軒錢越江

故人盡凋謝剩有一簣鏗貌古心彌古情親意自  
親卅年如隔世此日慰班荆文酒流連地依依舊  
日盟

當年曾訪戴才子說錢郎尊酒開芳讌詩歌浣俗  
腸河山成渺絕金石遽銷亡今日重來此傷心倚  
夕陽

蘭山詩鈔

卷十七 恩親詩

十

蘭山詩鈔卷十七 終



蘭皋詩鈔卷十八

長洲宋廣業澄溪

北行州

壬辰仲冬服闋北上感賦

五載歸田賦遂初半依膝下半居廬每同蕭放常

垂淚豈學虞卿漫著書詩水西風催客棹燕山舊

雨盼征車都中親友屢促北上平生報主心何限敢向江頭老

荷鋤

過錫山憶秦園

憶昔垂髫日嬉遊暢園中太史秦對巖元生名其園曰奇詠文章推太

蘭皋詩鈔卷十八 北行州

史治行數吳公吳伯成先生昔為錫山太令常于是園饗客名流畢集刻燭分題咏

摘詞奪化工悠悠五十載過此惜匆匆

夜過毘陵

扁舟夜行疾回首毘陵過故人不可見訪謝靜岩不遇霜月

澄江波山城野氣重蘆荻風聲多獨坐未成寐把

酒起高歌

潤州

潤州天險在來往共爭趨江濶金焦遠雲開鐵甕

孤舟車通百越襟帶束三吳到此心俱曠臨風憶

壯圖

曉行

萍踪何處不棲身坐卧簾輿任屈伸驢背輕搖移

遠岫輪蹄暗渡識迷津五更鷄唱鄉心切半枕風

清客夢頻恰似繩床堪偃息此中恬適倍精神

德水晚渡

五年執掌地今日復臨河古渡依然在征車幾度

過詩狂思浩翰客醉眼摩娑覩彼嗟顛仆驚心出

險坡同行一人渡河墜馬

張大中丞奉 旨復任江左喜頌四章

帝簡維良弼中臺仰大賢精英鍾洛水道德暎吳

蘭皋詩鈔卷十八 北行州

天戢吏包苴絕勤民教化宣東南資保障半壁賴

安全

嶽立丰裁峻天心倚毗隆昌時明正學夙夜矢孤

忠樂育菁莪秀休徵禾黍豐清名真第一童叟盡

知公

抗疏丹衷苦憂危白髮生狂瀾迴砥柱吾道重千

城筆挾秋霜勁心懸皎日明 聖朝崇正氣呼籲

慰輿情

主聖容臣直 恩綸出上方千秋誇遇合一德慶

明良喜氣盈朝野懽聲動海疆南山歌樂只遙為

獻篇章

喜遇海上葉邵南偕行故友硯孫兄仲子

與君兩世締姻盟四十年來生死情一自椿庭傷  
異路那堪蘭社集同聲箕裘猶幸能繩武花萼爭  
輝各擅名仲子相逢頻話舊挑燈永夕共班荆

過瀛海署中最懷祖姪六首

瀛海欣看五馬迎當年小阮最知名蒼顏白髮重  
相見猶是江東老步兵

十年郎署自回翔三輔分符近帝鄉莫道風塵  
多鞅掌須知畫戟與凝香

蘭畹詩鈔

卷十八 北行詩

三

官閣公餘退食時一琴一鶴鎮相隨吾家奕葉傳  
清白暮夜真教稟四知

趙北洪流已息波懷姪淹任後即修築趙北口高隄水不為害環隄父老徧謳

歌昔年漳滏留遺澤余昔年臨城修滹漳滏二河洩出水田無第七民建祠并題額曰澤深海滏水

利當興西北多

灾侵頻仍民瘼哀年來禾稼半空栽汝今似得官  
蒼鑒不遣飛蝗入境來

垂老猶思上薊門還期少壯蚤高騫畿南好著循  
良績共許功名報國恩

堅齋仲弟率子姪輩出迎郊外喜賦

骨月睽違已數年天涯聚首益欣然敢云弓冶能

無忝共奏壘簫喜欲顛驛路風霜侵曉騎關山烟  
月伴吟鞭燕臺咫尺恩波闊並轡徐行到日邊

出都至上谷謁趙大中丞公諱弘燮字公亮陝西寧夏衛人並

晤銀臺李御六憲副張瀛洲年允公少  
叅徐章仲諸先生大叅桐門季弟喜賦

諸公氣誼直干霄邂逅金臺興自饒永夜談心同  
剪燭連朝攜手並揚鑣新歌宛轉爭娛樂清酒流  
連慰寂寥知己相逢忘逆旅還期他日共相招

除夕偕堅齋仲弟率諸兒孫輩守歲

蘭畹詩鈔

卷十六 北行詩

四

弟兄兒女接長筵客邸今宵樂事偏蠟炬有花齊  
吐豔庭梅舒玉競爭妍謹譁不覺忘深夜笑語渾  
如在故屢顧我兩人猶矍鑠椒盤相酒自年年

飲絳桃花下戲贈老翁納寵

露井初開昨夜風一枝輕豔倚牆東春深洞口人  
方醉夢入天台路已通色奪榴裙嗔少婦嬌同櫻  
口嬌衰翁更傾鑿落吟佳句人面桃花相映紅

陶然亭讌集詩并序

余少好交游夙敦氣誼不務名不求利  
故四方諸君子俱樂與余交文章道義

共相砥礪文酒之會殆無虛日今余邁  
矣癸巳春蒙 恩賜歸田里將出都門  
一時名士吳寶崖譚中郎陸紫相吳赤  
霞勗初沈方舟葉邵南許子遜查可亭  
張良御錢鹿友繆武子程鴻章錢彭齡  
陳樹滋輩百餘人復有陶然亭之集邀  
余往觀琳瑯竹箭指不勝屈座中推余  
爲首既嘆老大無成更羨後生可畏因  
念弱冠時有葑溪十子文會彭凝祉文  
洽吳琇弁羽斯慎旃陸益孫尤慧珠蔣  
宣臣善彰是也逮長適交吳門諸子城  
東則有吳翼生周翰吉頌蔣曠生曙生  
沈翔生寅生洪生玉樵玉珩施長六顧  
伊在西瀨凌蒼陶萬若顧尼備爾彌懷  
一八諧雨若虞士陳賦梅盧旣阮陳震  
公鄭漢崔許介玉紫臣金玉式錢尊光  
蔣覺周顧聞善章忠可孝可管尹良鼎  
和顧襄徵孝維吳山崙城南則有尤定  
中業師暨卓人文玉黃欽緒吳虞升子  
厚惠心皋陳詩心惠元龍鈕范若曹鼎

吉顧雨生鶴巢諸天植城北則有孟端  
士韓元少趙子一城西則有金醇還申  
斌爲詔生韓徵儀徵周璧侯泗侯汪宣  
于顧懿樸陸邃升唐廷吳史葵三顧曰  
俞王咸中東發顧有典黃震生徐兩臣  
中城則有韓木公繆伯獻鈞聞虞良錢  
介臣顧闇公錢獻侯文海袁安吉管又  
周湯子方爾敦爾遠與時張嘉錫嘉名  
姚祇青汪武曹姚德中西郊則有欽子  
秩業師暨劉麗宮陳左之右之程月符  
項鳴先孫雲韶徐彥通彤侯周救寧漢  
紹倪彤文沙東望鍾虞生汪景濤金亭  
士殷吉生余族則有雲書旦華繡言瑤  
洲南金此皆志同道合朝考夕究會文  
課藝無少懈而前輩顧松交彭雲客繆  
子長沈韓倬陸處實管元翼尤展成許  
竹隱吳敬生汪茗文錢宮聲諸先生暨  
繆念齋夫子旣庭伯則司月旦定甲乙  
扶掖後進者也甲寅秋值 兩大人五  
十初度前後輩稱觴爲壽遠近畢集婁

東則有唐實君王繹民鴻友誦侯茂京  
賡旦迪文張覲文穆文欽文星若彤友  
允文錢右尊來琛方來宸安新水宗芑  
蔭文王弘道憲尹姚襄周曹九成周懸  
著沈台臣曾耳黃鄒乾一周祚名吳省  
初元朗黃右文朱儀臣徐左康張壽民  
郁弘初玉峯則有陳孝純孝則柴際思  
王在茲次賡次劉固生函山醇叔徐藝  
初實均章仲去矜葛方修揆需葉子肇  
廷玉淵發李東序南禾西屏張過其周

蘭皇詩鈔

卷十八 北行州

七

方宣柴雲章周彥介闕瞻仲虞山則有  
翁寶林蘇苞九沈秋輪項松心張嶽貢  
曾貽孫譚陽仲戴敏功葉素臣嚴麟洲  
寶成王赤崖趙聖傳安臣馬恭士單漢  
符歸孝儀程文次周洵雷何天植張文  
貽瞿春雷錢介皇陸然叔陶子師龔蒼  
書松陵則有陳穎長霜亦起雷葉惠旃  
元禮學山景弘董方南方千朱漢直吳  
聞璋屆遠謙六山年繡虎雲奕大馮殿  
維名鄴宗少汝定一計希潑徐武恭鈕

蘭皇詩鈔

卷十八 北行州

八

書城潘次耕徐電發張弘遠包自根人  
能錢貢南上冰丁希濂宗韓肇周大年  
趙書年李道武甯希文沈丹山費繡公  
巽來王翼蒼黃震生麗佩玉王鳴墀顧  
友山練川則有侯大年孫愷似王服尹  
張漢瞻李秋森時全五申枚臣歸孟游  
趙文饒陸維水趙安期張原雅儼思施  
玉符周晉裴董瞻吧李扶九周天來鄭  
樊圖崇沙則有吳錦霞沈爾彥譽斯黃  
先齊羽岡施纘虞雲間則有杜九臯潘  
牧蒼周鷹垂廣菴王顥士子武季友赤  
城維士衡士高二鮑董德中戴蘿軒朱  
德遠葉硯孫芥舟錢越江徐安士西崖  
彭孝緒萼峴顧霍南揚雙鶴趙承哉吳  
曾傳廖越荃潘襄臣沈聲垂程大猷毘  
陵則有徐竹逸陳緯雲秦映碧吳衛公  
長房杜凌霄盧遠侯潘在新任葵尊黃  
庭源京口則有張躍千何石崖包二尤  
于君實浙中則有祝斗山陳勿孜胡孟  
綸汪東川晉賢查聲山德音李補山約

山俞大文沈原博原衡閨中則有謝朗  
玉陳中欽王文人程翼仲此皆一時俊  
彥挈舟駕車絡繹而至金箱玉軸照耀  
於屏扆之間方之五星聚井百里賢人  
何多讓焉前輩吳門諸先生暨婁東王  
端士惟夏黃庭表周子儼玉峯徐軫菴  
果亭暨立齋夫子葉詡菴盛誠齋葉九  
來張聞大虞山孫子長錢泰谷三峯湘  
靈嚴武伯蔣莘田孫赤崖鄧肯堂松陵  
吳羽三小修弘人閒夏海序顧茂倫偉

蘭皋詩集

卷八 北行州

九

南張九齡朱長孺冠南金跋宋計甫草  
趙山子沈舞功文人練川陸翼王周義  
扶侯記原許子位吳定遠王翰臣龔得  
和蘇耆聲鄭西求金治文崇沙黃繼武  
雲間王農山許鶴沙周宿來顧見山施  
硯山張硯銘王印周張越九洮侯葉蒼  
巖田髯淵董蒼舒毘陵莊靜菴秦對巖  
劉震修陳其年任青際京口張素存賀  
瞻度諸先生有至者有未至者各以詩  
文介壽時八月九日諸同人集玉壺堂

余與諸弟定業駿業敬業布席留賓越  
二日再集虎阜舟次良宵明月文酒流  
連先大人謂諸同人曰昔癸巳修禊  
吳梅邨先生主持壇坫七郡人文會集  
虎阜曾賦詩以紀其盛今日之會何以  
異是遂依梅翁原韻首唱四律同人競  
和之集吳中稱爲盛事自是四方相率  
舉行文會虞山集吾谷玉峯集冠山堂  
雲間集春藻堂浙中始集爲湖繼集西

蘭皋詩鈔

卷八 北行州

十

湖名流碩彥濟濟踴躍共以文章道義  
相勗寧嚴毋濫寧儉毋奢以故聲氣益  
廣情誼益真十年一日千里同心迄今  
猶弗渝也但四十年來出處不同存亡  
不一茲復遇是會撫今追昔不勝感慨  
爰賦詩以誌其事

人生莫重於五倫朋友之交居其一文章道義共  
相資始終勿渝在誠實於今交態不可言覆雨翻  
雲事何極出門每欲結金蘭閱世常嗟滿荆棘安  
得海內素心人久要不忘矢皎日憶昔弱冠登詞

場直諒之士咸膠漆沈范名流四座多朱陳世好  
千年匹清風明月披襟期多難把酒盟車笠山塘  
唱和多佳篇詩酒流連成勝集韶光荏苒四十春  
關河修阻長相憶故交零落舊遊非黃公壩畔空  
悽惻竭來輦下遇新知翩翩才藻通經術雲霄意  
氣盡賢豪縞帶微音嗣僑肝我今垂老乞閒身歸  
吳擬伴漁樵逸招攜共赴陶然亭依稀往事猶能  
述但願心隨金石堅此日功名還共立後先輝映  
並千秋相期努力崇明德

贈張瀛洲憲副

蘭皋詩鈔

卷十八 北行詩

十一

憶昔同舟共茂先風流文采若神仙陽春有脚明  
湖遠雨露無私易水偏幾載縈懷勞寤寐一朝捧  
袂倍纏綿何時再傍雲霄侶各矢冰兢答九天

寄桐門弟

我家門第數中州季弟翩翩少最優盡省名流同  
鄭谷燕山膏雨並邨侯每懷棣萼三千里自愧風  
塵二十秋昨歲纔逢仍惜別黃金咫尺暮雲浮

雨中海棠四首

夜深雨打梨花試問海棠開未報道半吐半含一  
點芳心欲醉

誰遣妬花春雨朝朝暮暮如絲應有惜花人在隔  
簾玉淚低垂

沉沉宿雨難收愁聽曉鶯聲澀欹斜倦倚屏山暈  
結含情欲泣

只愁風日摧殘何況新粧看雨一杯低祝東君乞  
借春陰相護

慈仁寺海棠

名花爭發錦為天嫩綠嬌紅分外妍暮雨乍收偏  
旖旎曉妝初試更嬋娟春心欲吐含情麗粉面微  
醺映日鮮為我結巢花樹下釵橫鬢亂對花眠

蘭皋詩鈔

卷十八 北行詩

十二

雨中看牡丹

一番風雨妬花天贏得花王帶雨鮮豔質曉盈含  
宿潤濃香夜蘊護朝眠玉樓人醉流紅膩金屋嬌  
藏鎖碧煙彷彿九華春睡起淚容寂寞倚闌前

余出 都門太倉王相國少司馬聲求弟

偕諸親友餞別豐臺漫賦二首

馬首欲南下投閒荷 聖恩何心辭塞表有夢落  
丘樊此別當遲暮無多老弟昆東門追勝餞紅藥

照離尊

時豐臺寄  
藥正成

回首長安道征塵沒九街花前知己共別去故人



偕楊柳牽愁思將離動客懷計程江路遠五月渡臨淮

仲夏南歸至邗江泛舟觀荷賦得紅藕花

中泊妓船限螺字

一曲清池暎素娥綠波初漲泛新荷紅裙灼爍舒雲錦翠蓋翩翻繞髻螺團扇輕搖香滿袖歌喉宛轉響迴波饒他水面風光好繡帶花鈿得幾何

渡揚子江

老夫今年六十五四十八渡揚子江大江天塹限南北洪波巨浪相春撞我何數蹈蛟蜃窟乘風飛

蘭皋詩鈔

卷六 北行詩

七

過懸高雙長天涵空水光一斷雲破白鳥影雙金山翠湧小干髻上有寶塔纓絡幢焦先隱居更蒼秀煙巒雲樹流船窗少年金陵憶文戰攜朋共泛烏篷雙臨江高吟稱快意陽春白雪謬新腔燕子磯頭水聲急清歌寒溜相琤淙故交回首易零落宦跡飄泊分他邦三秦徧歷及齊魯爲政喜得民敦龐不無間構遇盤錯坦衷由彼語亂咙生平履險絕禍患聖主明辨珉與珉一朝陳情得歸養北堂奉母開春缸于今更遂田園樂就閒好追桑下龐扁帆重問瓜步渡愛聽漁鼓遙逢逢江山相

逢如故友中流擎楫氣未降秋高擬作百粵遊看子鼓棹下九瀾

黃林一招飲水舟林歸舟復攜尊翫月

酒散人歸後登舟月倍明狂吟忘五夜縱飲到三

更層疊壘窳諸昆弟同席流連主客情濠梁添逸興輝

暎綠波清

大招并序

歲在癸巳仲夏下浣忽得聲求仲弟函

問倉皇驚怛悲慟欲絕六十載之老年

兄弟一旦摧殘三千里之異地關河忽

蘭皋詩鈔

卷六 北行詩

四

成死別臨風腸斷無復何言惟是歷數生平恍然如昨韶齡游戲尚記推梨讓素之情弱冠師資最憶問難析疑之樂余雖選拔成均弟亦名標副榜然猶焚膏砥礪共矢科名無如時運坎坷終遭跋躓仰承親命各歷仕途房子剖符羅田東鐸肩隨頓分南北白晝看雲膝下徒切晨昏清宵望月吾弟幸擢金門余也還羈墨綬無何大厦忽傾均罹異變筑筑失怙惓惓居廬對風樹而傷心聞

蒙莪而隕涕經營窀穸肅奉蒸嘗念

文恪公三年宰輔未報 君恩小子輩

一命邀榮何敢自逸時方除服遂爾趨

朝吾弟供奉 內廷沔登卿貳余則

効力西陲旋膺觀察同心勉期報

國以慰先人勵志勛誠素餐而盡臣

職詎意余以年老 賜閒弟竟溘焉長

逝數至于此命也如何回憶豐臺相送

別淚潛潛有殊故態似垂哀樂之常今

則雁羽分飛孔懷戚戚無限堪悲倍切

蘭皋詩鈔

卷六 北行詩

十五

人琴之痛音容不再聚首何時望 北

闕以徒遙馳南轅而莫逮哀托楚些之

大招泣望靈寃之至止其辭曰

歲月代序兮春復秋駒過隙兮影不我留人之云

亡兮我家之衰死不得瞑兮寃何不歸天蒼蒼兮

何極地莽莽兮黃沙蔽日虎豹兮羣嗥豺狼僥僥

兮寃無逃水瀾漫兮山嵯峨天長道阻兮傷如之

何自茲一去兮成長別銍掩兮金刀折心怫鬱兮

憂毒并骨月巔越兮零落相仍白楊枯兮風蕭蕭

閔空宇兮孤雛號咷申誠信兮志周違咷閨闔兮

天增悲中河兮月墜半岳兮峰摧我皇皇其紫綦

兮心鞏鞏而靡依我歸骸兮舊邦君死兮在他鄉

指彗星之皓旰兮目昏眩而懍慌日杳杳兮西頽

路曼曼兮無端髮披披兮鬟鬟魂怔怔兮煩冤戴

綠裳兮悲華屋燭入懷兮寃何宿寃歸徠兮無遠

遙莫乘赤豹兮從山魃工祝招君兮君行何遲風

可爲輿兮雲可爲旗寃兮歸徠返故居亂曰四月

維夏吾南征些離亭祖餞集組纓些驚臙牛臙來

襍陳些吳歎蔡謳揚清曲些老悲寥廓重傷情些

卒然離孽弟與兄些心煩慮亂去 燕京些儻個

蘭皋詩鈔

卷六 北行詩

十六

千條悶督諒些遂初返服事躬耕些美人當路

國之楨些咎繇聽直竭忠誠些同極異路遽憂驚

些形神銷鑠聞疾傷些天不憖遺哀莫助些厲神

占之涕交橫些空堂寂寂塵暗生些申旦不寐猿

狄鳴些君魂臨睨戀舊鄉些魂兮歸來縞素迎些

荷旌飄飄隨銘旌些魂兮歸來北有寒山西方流

沙毋或行些吳山嵯從吳水清些魄歸黃土永無

爭些魂兮歸來樂不可名些

余有粵東之行昆弟輩餞別覓渡橋感賦

此行數千里兄弟倍綢繆祿養非吾願逍遙散客

愁尊前難遽別橋畔暫淹留永夕增離思衰年淚  
暗流

蘭皋詩鈔卷十八終

蘭皋詩鈔

卷十八 北行中

十七

蘭皋詩鈔卷十九

長洲宋廣業澄溪

粵中紀遊一

偕同行諸子遊武林西湖再賦湖上十景

坡公惠政著餘杭為愛西湖築水防鵲鵲晴光春

日暖蒼蒼山色曉雲涼綠堤細柳含烟起夾岸名

葩浥露香勝地自來餘勝蹟千秋遺澤未能忘

宛轉鶯聲出樹稍濃陰一片護新巢風翻翠浪垂

條弱日上金衣落影凹花外悠揚音歷歷詩中鼓

吹聽交交倉庚自解鳴春晝柳陌蹁躚咏樂郊

蘭皋詩鈔

卷十九 粵中紀遊一

一

岸柳初舒二月天錦鱗游戲弄晴川落花飛片波

心唼翠藻牽絲水底眠隱現幾時能變化浮沉是

處任流連尋芳自得濠梁興絕勝逍遙物外仙

曲檻迴廊傍水過暗香拂拂動新荷六郎嬌豔舒

紅粉西子清揚映綠波爽氣朝流承露飲輕舟晚

唱採蓮歌披襟共愛新涼好靜覺薰風習習過

序入金天爽氣迎湖光月色正空明波浮皓魄懸

水鑑影射寒潭映水晶一片澄瑩消萬慮雙清照

曜徹三更乘舟笑弄姮娥影大地山河出碧泓

兩峰高插白雲端俯瞰江湖洵巨觀石磴紆盤凌

絕巘天光倒影出平巒飛騰鶴鶴層霄迥馴擾魚

龍大地寬安得此中常挂笏曉看空翠滴高寒兩峰插雲

雷峰矗立鎮湖邊四望風煙在眼前山色蒼蒼凝

落照霞光片片出層巔林巒環繞數五采雲樹迷

離隱百川置酒高歌餘興在暝矇猶自泛觥船雷峰夕照

淨慈古刹倚南屏薄暮寒鐘入杳冥學道恍如春

夢斷省心真似宿醒醒遙聞五夜三江靜頓覺千

峰萬象靈共說匆匆擾擾地一聲清微振西冷南屏晚鐘

聞說明湖有月潭至今三柱表湖南月明影散疑

無定水潔光搖莫可探共仰精瑩隨處現載看活

蘭皇詩鈔

卷十九 學中紀遊一

二

潑此中涵管窺自古難推測皓魄澄波却並參三潭映月

西湖綺麗足遨遊剩有清光爲我留橋斷幾經迷

去路雪殘猶自放孤舟晴光淡蕩搖銀海淑氣融

和碎玉樓豈是剡溪來訪戴衝寒乘興學王猷斷橋殘雪

宮詹邵戒三先生輞川別業

爲愛王摩詰園名借輞川當樓山聳翠繞戶竹含

煙仿佛辛夷塢依稀金屑泉先生雖已往今古共

流傳

淨慈寺

慈雲遍覆護南屏代有高僧出祖庭衣鉢相傳宗

智覺開山永明禪師字智覺神通廣運顯西冷濟顛運木建寺有神運井參差

古木凌霄迥歷亂天花法雨靈惟願阿羅弘示現

周王苑金鑄十八羅漢廿年夢寐一朝醒

桐廬

兩岸青山映綠波桐君採藥昔曾過玉沙綠澗盤

瑤草古木含煙挂碧蘿遙指懸崖留片石山顛有一石以指抵

之則未逢仙侶出岩阿郭翁隱桐廬每與仙侶奕棋石上層巒疊嶂都清

麗處處飛泉落慢坡

子陵釣臺

七里灘前有釣臺嚴陵傲氣射中台莫言故態奴

蘭皇詩鈔

卷十九 學中紀遊一

三

狂甚千載猶傳客宿來

滕王閣

高閣臨江渚名因帝子傳風流今已矣慨想尚依

然南浦烟波濶西山爽氣連曠懷天際渺憑眺憶

當年

過豐城劍池

劍池之水何漫漫石門遺蹟流青湍神物變化妙

不測隱見有待非無端伊昔晉代咸寧末斗牛紫

氣凝高寒維時張華號博雅夜來仰矚光爛爛卓

哉孔章達緯理豐城有異還爭看豐城鍾靈在何

許却從獄底恣搜利千年石匣土花碧匣中雙劍  
高青攢石劍攢高青昌黎句張公雷公各佩一昔本合兮今忽

單無何二公歸冥漠佩劍雖在憑誰彈曾言靈物

終化去雷葉遺恨延津灘延津灘前波渺渺不見

劍躍但見雙龍蟠雙龍出沒總無定騰空來往應

非難我今過池畔懷古空長嘆池旁荒祠叢古木

陰森竹影還檀樂張公遺像謹再拜悲公昔日多

摧殘不幸生逢亂離世空攜寶劍遭權奸因思古

來英雄誰似漢高祖手提三尺飛登壇強敵小醜

雖滿道青龍一怒俱平刊豈似于今太平久四方

蘭皋詩鈔

卷十九 學中紀遊一

四

風動歌清安吾 皇右文不好武百年黎庶無創

痍古詩吳王好劍客百姓多創痍

火精掩芒招狗鼠神芝獻瑞同皇鸞

世間并絕仗劍客陽文陰綬當神完從前仙使茲

安往空叩金鐵之英吸銀錫之精歛霜鏐而慶家

國於如石之磐

### 題陸素菴畫二首

幽蘭圖

幽蘭生空谷臨摹入畫幅置身畫圖間恍如在空

谷茲爲王者香何隣君子竹靈石託根株寒林長

羽鏃嫩餘挺三春繁花堆一簇素心縈水操芳姿

映林屋舒葉愛翻翻含蕊蘊綺縠佩之有餘清握  
之自含馥名手繪如生倚歟貞且淑

### 寒雀爭梅圖

一枝綠萼出牆東報曉雙雙鬪碧叢試看雪中高

士卧底須剝啄逞豪雄

### 中秋通勝橋看月

百尺飛虹跨玉溝漫攜尊酒到溪頭偶來南野身

如寄共對東山月正秋峯揀亂雲回雁字露涵清

夜淨江流客中偏得濠梁興醉與諸公疊唱酬

### 南安刺史蕭宜菴招飲綠陰亭即事

蘭皋詩鈔

卷十九 學中紀遊一

五

高亭相對綠陰齊酒滿尊前花滿谿到此竟忘誰

是客醉來判得爛如泥望中山色無窮碧聽處禽

聲着意啼遮莫使君情太重飲闌殘月柳邊迷

### 宜菴贈花賦謝四首

蘭花

挹得幽香勝素馨露花風葉共娉婷多君折贈還

宜佩珍重應當貯膽瓶

芙蓉

晨粧午醉總看宜何事坡翁咏露葵忽憶美人在

天末一枝爲我寄相思

香柑

橘林垂實正秋清信是黃柑勝嫩橙最好夜來初  
剖處夢回時節酒微醒

九月桃花

樹蘭籬菊莫爭誇合讓天紅映碧紗多謝風流賢  
太守分來官閣露桃花

偕惠州別駕徐南金登東山

鳥道斜回十二盤長藤牽薜歷巔屹天風吹落松  
聲瀉野翠飛來竹影寒鐘出上方峯欲動僧歸林  
下葉初乾籃輿不盡登臨興欲別名山幾度看

蘭山詩鈔

卷十九 粵中紀遊一

六

贈橫浦學博鄔帶溪

四壁圖書草一庭吟風弄月盡儀型每逢良友開  
三徑已爲諸生醉六經桃李堂前春自滿絃歌腔  
外鶴同聽高閒便是徐商老學舍應添問字亭

贈別袁鈍元二首

故交仍健在重見意茫如南北風塵隔鱗鴻音問  
疎共憐銷歲月未許老樵漁差喜萍踪合情悰好  
共憶

宦遊俱入暮世事各蹉跎詩酒流連共江山次第  
過聶都君命駕橫浦我停舸聚首良非易臨岐起

浩歌

九日邀同郡伯蕭宜菴參戎胡純菴廣文  
鄔帶溪登高

涼颼消薄霧佳節趁新晴布席傾美酒尋香採菊  
英題糕詩思短落帽晚風輕雅會東山麓高歌慰  
客情

次答雲間陸子厚二首

久識才華重兩都更貽小篆勝冷符便同文伯應  
無忝試比涪翁定不殊奕葉交游追孔李秋風惆  
悵憶尊鱸相期曾訂端州駕春滿梅關可度乎

蘭皋詩鈔

卷九 粵中紀遊一

七

笑予華髮不勝簪漫插花枝續舊談佳節欣逢美  
風日良朋何必盡東南燒殘瑞腦香初散唱徹清  
歌酒半酣正欲題糕無好句新詩投我助搜探

贈雷東煌秀才

橫浦論交日相逢有次宗正當九秋夜喜得一尊  
同覓句留明月披襟對晚風何期輕判袂別思更  
無窮

贈別蕭宜菴

循聲爭頌溢梅關亮節清風未許攀只飲章江一  
盃水但看庾嶺百重山簿書多暇心偏遠琴鶴相



隨意自閒他日節旄江右重記曾橫浦共追扳

留別南安雷偉士峻升東煌張詰士朴士

彭子升謝悠厚楊亮同陳喜人暨旅寓

袁觀光諸子二首

豫章文物重三洲水曲山顛一月留縞帶新知俱  
國士雲霞交契盡名流西風共咏金蓮寺夜月同  
登鐵漢樓別後相思何處是崧臺落日動離愁

度大庾嶺

仲秋八月吉粵行駕初稅南安一月留尋討喜清  
露晨興陟東山涼殿散陰翳爰思崧臺遊便爲度

蘭立詩鈔

卷九 粵中紀遊一

八

嶺計章江盛儒雅萍梗多交契言別重殷勤臨岐  
爭攬袂客路樹龍蓀離亭草翦翦舉手謝諸公籃  
輿幾遙睇千回曲磴盤百疊層峯綴時時猿猱鳴  
處處藤蘿繫松蟠卧地形竹聳參天勢鳥道夾蕭  
森幽巖挂蘭蕙萬壑披風清岩花吐香細翠叢鳥  
語喧青障日光蔽扶筇歷層梯鐫逕仄如閉石澗  
流磴嘗洞門氣蒙壘對此心悄然前趨愁欲蹶空  
望雁來賓但聞鶴長唳四顧忽清曠頓如蟬脫蛻  
身在青山巔家在白雲際胸中羅萬象眼底窮一  
切至境能移人攜朋暫停憇梅關苔蘚間崇巒見

古碣昂藏數丈高突兀峙墻砌我家大阮書揮毫  
在早歲雁回人更遠過此徒睥睨家大阮八歲書雁回人遠四大字勒碑嶺上

招提結高岡云自六祖締菩薩示光明慈象現智

慧入門肅禮拜佛法嘆衰替風幡微音存誰達幽

妙諦寺旁祠張公永作靈山衛鑿嶺南粵通千古

留遺惠弘功不可刊風度渺難繼有明太守鄉得

母公之裔立政稱循良維風起頽弊文獻垂南陲

一一規古制土人戴其德爰引從祀例遂與曲江

公世享春秋祭榕木繞叢陰頽垣牽薜荔擬薦一

盃醑行厨乏椒桂靈旗展回風彷彿乘雲逝嶺上有六祖遺像及張曲江祠祠中附張東海像

蘭立詩鈔

卷九 粵中紀遊一

九

遊不辭路迢遞嶺南山水窟攀陟兼屬揭羅浮與

珠江逍遙可忘世何以唐宋時投荒每悲涕昌黎

賢伯仲會稽郡州眉山好兄弟執安置廉州一朝謫炎

州憤懣殆欲斃雖有忠義氣到此櫻灾禍今我逢

熙朝河山如帶礪海內樂成熙蠻鄉絕瘴癘果

實羅珍羞花木盡妍麗景物既融融人民復濟濟

因思庾勝開交廣無疑滯況有包李公端州著清

厲調包極李繪官箴固可師蒞民當自勵我今乘輅來雖

無官守係寄語勗兒曹矢公報 聖帝

又口占一律

曲江開嶺道名蹟紀層巔西北雲霄迥東南漲海連雲飛五嶺表風靖百蠻煙無限山川勝難將翰墨傳

題程鴻章小照

之子伊川裔家風溯如昨其氣何穆然襟期更灑落晏坐樂琴書逍遙說松鶴矯矣出塵姿寄懷在寥廓

題顧中亭小照

顧子美丰姿溫潤如良玉不刻亦不隨無喜亦無

蘭皋詩鈔

卷十九

粵中紀遊一

十

欲叩之終訕然垂之非繁縟精神見山川特達輝朝旭歎氣凌白虹榮光耀亭毒縝密以持躬乎尹常自勗有瑜而無瑕圭璋世共矚淑德任磨礪大道無桎梏雖當韞匱時委佩良有屬嗟茲塵網區底須空躑躅還我抱樸真聊以勵頽俗

為友人題壁間畫石二首

豈是米顛曾下拜還同陸績鬱林舟清風兩袖無他物好整歸裝載此遊  
磊砢奇峯何太峻胸中硯礪未全消倩人繪壁非多事聊伴雲根慰寂寥

韶陽別駕張寧九招飲九成臺漫賦

翠峯突兀名韶石虞帝曾傳此地來一自南巡和雅奏至今東粵表層臺牕圍山色周遭在檻俯江流屈曲回極目煙雲秋色老攜尊好趁晚涼開

登風度樓並謁張文獻公祠

相業高唐室層樓枕曲江千秋金鑑在風度表南邦

欲遊南華寺因無籃輿不果

佛法紛紛宗與雷曹溪滴派是黃梅南行結願瞻

慈象寺額六祖真身尚待門生兒子來

蘭皋詩鈔

卷十九

粵中紀遊一

十二

舟行睡覺已過觀音巖戲賦

千仞懸崖一穴危莊嚴色相觀去江湓峽中爭說

驚奇處正是先生睡足時

遊頂湖山

粵江淼淼一千里庾嶺南來帆似駛舟泊端溪羅隱橋青峯突兀遙相峙峯有雲封頂有湖曾傳趙宋建浮屠朝來為訪龍頭石鳥道縈迴入畫圖誰結林亭面碑砢山半清泉漱山骨綠樹層層翠作堆老衲相逢憇小歇山半有亭額曰小歇扶筇更上歷層巔寶殿珠宮繞瑞烟爭說佛光已久息還憑栖壑續前

緣舊有白雲寺類廢已久本朝西院律師重建栖公有孫年八十踞坐高峰獅

乳立脚跟着地鼻撩天萬法如江一口吸我來山中不見君誦君新句實超羣暮鐘相送下山去回首峰頭盡白雲

### 留贈頂湖山跡刪方丈

翠園忍殿數峰幽定放天龍出一頭葱嶺宗風高百丈曹溪正法豎千秋桂殘未得參無住茶熟何時識趙州他日懷香來問道要聞開口喚裴休

### 上兩粵趙樞臺百韻

公諱弘燦字天英陝西寧夏衛人

聖世時乘泰明良嶽誕申秀含山韞璞靈孕海生

蘭皋詩鈔

卷十九 粵中紀遊

十三

蟻神木同華野魚河即渭濱覽輝翔彩鳳應瑞毓祥麟日角徵奇表芝庭記夙因精勤蚤向學機警幼稱神已入李君座何求孟氏鄰翩翩佳公子朗朗冠羣倫詎是池中物爭誇席上珍聲華高象闕意氣疊秋旻月底揮湘管花前醉錦茵正音追李杜纖體薄梁陳奮美澠池翼騰驚橫海鱗一朝攀月柱四海慕雲津尊甫熙朝望功名專閫伸宣威馳萬里勘亂定三秦久矣封疆寄休哉柱石臣書成飛露布令出肅霜筠樽俎開蓮幕詩書伴角巾數奇悲李廣勛懋憶曹彬偉畧兼文武憐才及賤

## 蘭皋詩鈔

貧欣依玉樹貴記向棘闈親針芥情何洽雲霞契

自敗菲材誠瑣瑣夫子益恂恂既許稱同調時容托後塵酒盃燕笑密札翰往來頻壯志空千古雄才蓋八垠袁宏詞藻絀顧劭教言脍佳句還欣賞

奇文共博詢大人隨豹變小技學蟹呻門下無殘客名流盡上賓每緣情鄭重恒悵別逡巡知已唯投壁交歡勝飲醇非貪一囊粟私感九方歎判袂今猶昔相思暮與晨崇階榮世爵都護奉恩綸

嘉績揚青簡賢聲達紫宸恒州開玉帳冀域設

金鎗海溢恩波溢山陬雅化臻雁河流浩渺白石

蘭皋詩鈔

卷二十九 粵中紀遊

十三

峙嶙峋雨露滋花木風霜震鹿麋烽烟靖刁斗裘帶動簪紳到處名鐫石行臺德勒珉黃巖移重鎮丹陛念忠純晉秩懸青綬褒功錫皂輪旌旄臨越嶠鎖鑰啓甌閩飛旆連三院從騶駕六麟浙西攀去轍嶺外慶來旬使相同台輔樞臺東大鈞維風先反樸易俗漸還淳盡瘁惟知國忘私祇爲民刀牛化田野斤斧諭樵薪椎髻皆安業荒蕪悉樂營恩深應並召詩美合歌謳猗猗欽明德愚頑感至仁百僚瞻鵠日兩粵戴陽春象郡傳鳳集交州報雉馴有珠還浦水無鱷擾湖潯鐵柱占風憲朱

幡驗吏循止戈平小醜賑粟濟遼迤震懾荏苒靖  
沾濡惠澤均四郊資保障萬物荷陶甄機務楊洪  
禮彈章蔣太真代天都伯長入世宰官身笑廣身  
將隱維公名益振升沉原自異行止好重論憶昔  
年方壯渾如器露斲彈丸思製錦片紙欲芻銀未  
必能調瑟何曾學效贖紛紜煩簿領躑躅走荒堙  
掠影看驚鵲羈栖嘆籠鵲逢時多錯節感遇半輪  
囷房子城湮草商於路滿榛芟夷身擾擾跋涉走  
踈踈自歎雲程阻休嫌骨相屯危途還退省夙夜  
凜惟蚤幸免曠官誚寧憂捍目瞋臣心殊悚慄

蘭皋詩鈔

卷十九 粵中紀遊一

十四

聖德實彌綸袍繫西安地麾分東海瀕蓬萊齎獻  
閣樓觀蜃含振帝座通呼吸仙靈接笑頻去帷慙  
郭賀好古慕蘇訖勝蹟朋同訪民情地徧詢激揚  
分善否堅白絕緇磷鄒魯勞辛吏燕秦况瘁人娛  
親衣曳綵謝政鈞收緡酒酌萬峰月羹調千里尊  
守身師謝密教子學崔駟兒輩分符出端州使命  
新乘輿過嶺表倚棹近城闈得御重逢李沾香又  
接荀敢前申契闊更望教周諄崧頂期王質星巖  
約鬱纈戟門通玉宇丹欸托青蘋已分山樗棄何  
堪大匠掄下交蒙厚誼仰德達微謹喜值元英候

欣逢揆覽辰奉觴和菊釀獻佩擷蘭紉俚語真慙  
白迂談敢附辛吟成一千字謹頌萬年椿

蘭皋詩鈔卷十九 終

蘭皋詩鈔

卷十九 粵中紀遊一

十五

蘭皋詩鈔卷二

粵中紀遊二

晚香堂賞菊分賦 并序

宋韓魏公咏菊有不羞老圃秋容淡猶有寒花晚節香之句余心儀是詩久矣歲在癸巳兒子志益知端州余就養郡署之西偏有堂三楹前守庸菴史公顏曰晚香似取魏公詩中意也子益奉余是堂時當十月黃菊盈堦冒霜吐穎勁

直不伍實獲余懷因偕二三同志讌賞

其中分韻賦詩各成一律越日對菊拈

題余又得十二首備書於壁此非徒景

仰前賢亦以勗我子服官行事當勁直

如菊始終一節無負斯堂命名乃無負

余就養之意云爾

花殿秋光已向冬一尊猶對傲霜容參差翠葉疎

還密融洽金英淡轉濃香挹杯中瓊液滿影搖月

底露華穠優游官閣無他適佳友當前日夕逢

又咏菊十二首

菊葉

秋高衰草木此葉獨豐腴密密生枝節垂垂護體膚影疑雲作片徑若翠為鋪不畏金風厲偏於霜後敷

菊枝

飄搖雖弱幹勁節傲嚴霜筋束身逾壯心空氣更長膏脂中固結皮骨外昂藏莫晒優游侶柔能勝太剛

菊根

萬物非無本中和萃菊根春回疑筍茁秋老並菰腴揉餅和香美投醪引味殊靈根應遍植藉以慰羈孤

菊苗

逢春隨勃發一簇百千莖嫩綠參差出新黃屈曲生分枝常並茂合本各爭榮莫說萌芽小凌寒總不更

菊藥

幽姿非驟發含藥獨潛修蘊結經三伏榮敷待九秋渾淪元氣合隱約暗香浮腹飽心將滿花開意尚留

菊心

浪蕖應都盡檀心發異葩  
冰絲攢錦窟金粟綴霜芽  
靡麗由中出出貞豈外誇  
撫懷還自省人淡可如花

菊英

爛熳堆成錦芬芳臭若蘭  
不因朝露發肯為晚霜殘  
色以清彌麗神當久愈完  
賞心何日厭晨夕共盤桓

菊瓣

若剪綾羅綵寧同脂粉妝  
吐苞鳳尾燦舞雪鶴翎  
蘭山詩鈔 卷二 粵中紀遊二

翔含吻鈎深豔敷華散異香  
卷舒知有待瓣瓣占幽芳

菊蒂

根深蒂自固無復怯秋霜  
囊括藏茵富盤旋攄滌滌  
香花殘終不落日久更加蒼  
謝眺飄零句謝眺有飄零句似秋蒂之句

惟茲異衆芳

菊汁

瓊漿流洞府玉液出瑤池  
豈是黃花露何來白雪脂  
清心香撲鼻可口味含飴  
甘谷人爭羨家家享耄期

菊情

高蹈非無意藏修自有情  
同心蘭桂合孤節栢松貞  
曲徑如相待芳姿每共傾  
但思逢知己不爲俗塵櫻

菊香

百卉盈三逕黃花別有香  
清芬不苟合幽氣若深藏  
披拂消煩慮飄揚浣俗腸  
淵明性愛菊愛此寄孤芳

贈林飛寧都護

飛寧偵緝諸山踴躍新詩見示  
集中有論雅興詩故落句及之

少年投筆慕封侯烽靖蠻江侈壯遊  
到處吟鞭停

蘭山詩鈔 卷二 粵中紀遊二

四

羽騎由來儒將最風流  
七峰甲帳青油幕三峽軍  
帷紫蜀裘曾讀營前雅鵲諭  
知君忠義冠炎州

昭州道中

桂江路幽折到處狎樵漁  
夾水翠圍岸流沙石作渠  
人家隱見裏山色雨晴初  
叢樹青蒼接涼風拂我裾

雷霹灘阻風

峽口波聲急扁舟滯去旌  
奔流驚駭浪飛瀑激高碑  
積雨經三日狂風到五更  
此身如寄耳靜夜聽猿鳴



紫山

青嶂紫城繞層巒出九峰怪禽時掠影木客每潛踪  
灘急還疑雨舟行却畏風何時臨桂水故舊喜相逢

印山亭

亭在昭州城外

孤亭巍峙水中央極目江山引興長八桂遙臨通省會  
九峰矗立鎮封疆嶙峋彩筆珊瑚架繚繞烟雲翠黛  
卷石當心如佩印朝天萬笏拱朝陽

自昭州至桂林

并序

嶺西山水之勝甲于兩粵余欲遊已久

蘭皋詩鈔

卷二十 粵中紀遊二

五

癸巳秋客端州屢辱大中丞乾齋陳公

招甲午三月遂買舟溯離江達桂林其

間峰石之巖巖難流之滂湃片帆孤棹

出沒于疾風駭浪中探奇蹈險莫過於

此歷程一千餘里得詩若干首并寄好

事者同作以紀其勝云

嶺西山水一何奇迴環上下數百里高山層疊望

無窮洪波沆瀣莫可紀我自昭州赴桂林鼓柁探

幽興難已昭州城外印山亭危險驚人從此始懸

崖絕壁于青霄日星若接去天咫哈呀洞壑閭幽

蘭皋詩鈔

深屈曲盤行多隈嶕響應空谷聲廉良雲迷仄徑

路散翫大者介丘小巒崿高卑相望如相倚下瞰

三江水橫流狂波喧騰勢瀾瀾中有幽窟藏蛟龍

渴瀑瀉淪直無底天輪倏轉地軸迴一水漩環自

迤邐更有沙磧激危灘湍深溜急舟難艤兩山壁

立水中流榜人入峽驚相視我舟幾致墮沉淵疑

有神鬼扶持起佳山佳水天下多此地驚險何若

此生平履險慣如夸岸幘題詩纔落紙詩成一笑

向青天山月飛來映清泚

過華掌海昌兩書院四首

華掌雪海昌公諱浴建海昌乾齋先生書院也

蘭皋詩鈔

卷二十 粵中紀遊二

六

聲教開蠻域熙朝兩偉人海昌新化雨華掌舊陶

甄庠序觀型切閭閻感化神文章垂不朽藉以報

楓宸

運際艱危日地當荒僻墟臣心恒惕若士子惜居

諸砥礪千秋業蒐羅萬卷書芳徽猶在望瞻企倍

欽歎

謂雪海先生

少小隨几硯同懷報國心勳名看赫奕學術歎

淵深棧樸蒸髦士菁莪育子衿茲邦山獨秀

觸目盡瓌琳

為乾齋先生

兩賢相距久先後若同符瘴霧雖多厲詩書自不

孤三江懷雅化百粵仰鴻儒傑構隆今古常令至德敷

乾翁招集阜成書院漫賦

有序

陳大中丞撫粵四載政和化洽於七星巖前構書院數椽背山面水樹以花木翼以亭臺每與同志吟賞其中既極山水之娛更寓休養生息之意因顏曰阜成甲午夏余與公遊院中中有惠南堂蓋取詩人惠此南國句也觀德圃射以觀德也亭名擬蘭循修禊故事為民祈

蘭阜詩鈔

卷二十

粵中紀遊二

七

介福也得月樓取近水樓臺君雖遠而恩波洋溢也星巖第一峰下有摩崖將題咏以明已志也其清音洞鑑溪三折橋濟川諸勝借水鑑以表清白兼示澤物濟人意也公命名之義大矣哉昔范文正公先天下之憂而憂後天下之樂而樂岳陽樓一記千百載傳頌不衰今公之于阜成書院也亦然將見民安物阜久道化成異日者山川草木長沐恩膏臺榭橋梁永垂利濟百蠻賓服四海

從風未必不於是院基之寧僅侈游觀  
勝  
兵耳目已哉余故樂為之賦詩以紀其

我作桂林游因過阜成院結構何幽深海昌中丞建中丞出承明特簡荷深眷駐節嶺以西政成俗一變民物臻邗隆康阜茲重見公餘讀異書佳日開清宴池館既紆迴竹樹復芻精雅化沾蠻徼山川增婉孌招余共徜徉午橋不足羨歸卧崧臺隈夢寐猶繾綣重擬駕輕撓秋風追勝踐

又賦書院十景

蘭阜詩鈔

卷二十

粵中紀遊二

八

惠南堂

薰風扇百物春雨滋羣芳恩膏沛南國涵濡徧炎方堂前多列樹蔽芾皆甘棠

擬蘭亭

蘭亭事已往流風尚可企小構面崇山風物差堪擬彷彿永和人流觴在曲水

得月樓

層樓俯清流向暮溪雲歛冰輪吐寒光皎皎當軒檻長嘯踞胡床吏公興不淺

觀德圃

優游文酒餘六藝有兼長志正與體直角勝矜穿  
楊想見瞿相圖觀者成堵墻

摩崖

蒼崖高千仞上與雲霄期磨礪一片石擬作寒山  
詞大書鐫絕壁終古光南陲

星巖第一峰

孤標切太虛矯矯凌炎微造化鍾英靈一峰踣遠  
照爽氣自西來拄笏舒清嘯

濟川

江湖深不測叩湏爭利涉擊汰泝流光波心蕩一  
蘭上奇金 卷二 學中紀遊二 九

葉誰爲濟川才用汝作舟楫

三折橋

清波淡滌洄石梁駕深處自公得餘閒宛轉成散  
步朝來雨露寬游鱗自來去

清音洞

靈境竊以深冷然靜寒綠從容山水間清音散幽  
獨天籟含希聲何必絲與竹

鑒溪

綠水靜不波山光自掩映淵然涵空明不與外物  
競靜觀有如斯得失斯可鑒

蘭阜詩鈔

望七星巖

崧臺峙崇岡宛如七星列誰知桂林江名山復相  
繁靈竇開洞天仙踪集靈穴柱石撐重霄迴與陵  
阜絕

棲霞寺

山空寺更古杳與塵世遠探奇訪蘭若往來人跡  
稀嵐氣隱紺壁草色侵寒衣相對寂無語但見丹  
霞飛

張德侯驤使署中望獨秀山

清暑開虛牖當窗出秀峰峻嶒疑卓筆天矯若盤  
蘭阜詩鈔 卷二 學中紀遊二 十

龍烟散江流渺雲連桂嶺重天風落蒼翠坐對豁  
心胸

偕張驤使泛湖

一片明湖水澄瑩照錦堂青山列座右白鳥起林  
塘載酒清歌遠雄談逸興長流連忘夜永皎月正  
飛光

疊綵山納涼

一名風洞

炎方天驟熱風洞足盤桓石乳懸崖冷松濤拂翠  
寒披襟臨曲澗把酒對層巒頓覺冷然遠蒼茫萬  
里寬

酬別陳軫齋大中丞四首

爲尋知己放扁舟握手灘山慰積愁  
世載風塵徒躑躅三江花月足淹留  
陳遵情重欣投轄宋玉詩成共倚樓  
此地相逢多樂事頓開雲霧豁雙眸  
同心臭味並芝蘭南北分攜不忍看  
我泛五湖身似寄君臨百粵蹟難刊  
當年每共京華夢此日重遊騷雅壇  
耳熱酒酣思報國猶餘一點寸心丹  
聖恩優渥許抽簪身在江湖廊廟心  
已歎頭顱悲老大還期弓冶答高深  
幸依大厦能支木莫向窮簷便索金  
清白我家傳茂苑玉壺堂上灑塵襟

南正詩餘

卷二 粵中紀遊二

十一

乾翁再訂  
中秋之約

留別桂州同人

黃文華方伯年九卷廉使張德慶  
駐使貢亦卷觀茶使暨諸郎縣

羣公器量涵高遠聚首離江意氣真  
北海清尊忘溽暑西園雅集樂熙春  
桂堂後有熙春臺山川不盡登臨興  
笑語渾如骨肉親更締同心期共矢  
青松白石久彌新

梧州有楊妃綠珠二井感賦

蒼梧山水麗兩美並傾城鉅盒傳情密  
香塵印步輕恨從樓下死羞向佛堂生  
家國遭殘破空餘二井名

仍返端州寄呈軫齋先生

作客遊南粵思君到桂林登樓同覓句  
把酒又分襟歸夢千山遠離情一水深  
老來知己少西望起長吟

題顧愚溪篆譜

顧子工篆勒能傳翰墨神淺深皆中度  
操縱不由人姓氏傳芳遠堂聯煥彩新  
盤螭如捧日麗藻動

蘭亭詩餘

卷二 粵中紀遊二

十二

楓宸

蘭亭詩餘卷二終

蘭皋詩鈔卷二十一

長洲宋廣業澄溪

粵中紀遊

端署十六詠

飛雲樓

北城雄堞近山巔樓建飛雲勢插天一望山川都在眼端州氣象獨巍然

中和堂

位育宏功參造化中和妙理擅微權但將至性求民隱大道修明治化傳

蘭皋詩鈔

卷三

粵中紀遊

一

清心堂

為上心清政自清一琴一鶴足怡情當年孝肅留題額高節猶傳千古名

鑒止堂

得止方知事始終晶瑩明鑑自當空立心行政無他術祇在尼山經傳中

包公井

更傳七井濬泉流千載謳思惠澤留剗有衙齋一井在濬泓清冽幾經秋

端齋

蘭皋詩鈔

端江清署號端齋錫此嘉名自上台太倉王相題額勗汝顧名思大義冰壺朗照絕塵埃

挹青亭

蕭然物外稱閒情拄笏看山一角青爽氣朝來常拂面蒼然秀色落孤亭

近水軒

近水樓臺先得月昔人佳句至今傳嶺南雖遠恩波近一片空明落影圓

臨湖亭

一亭卓立水西隈縹緲煙波日往回密樹濃陰環

蘭皋詩鈔

卷三

粵中紀遊

二

兩岸山林城市漫相猜

清水池

一泓清水繞林塘滿院風飄翰墨香遙憶右軍傳勝事驚羣宛在水中央

芙蓉榭

芙蓉絕勝美人粧三醉秋風倚夕陽無限風情纔一日殘紅零落斷人腸

連漪步

紅葉綠柳映朝晞飛鳥游魚戲石磯欲盡湖光看永日憑闌靜悟此中機

竹徑

翠篠娟娟覆路旁，紫迴三徑半篔簹。蕭蕭疑是來風雨，頓使炎方暑氣涼。

凝香室

自公退食敢優游，起視磨殘觸目愁。莫道門前森畫戟，凝香燕寢擅風流。

垂釣軒

世上浮名何足美，渭濱垂釣却相宜。白雲變轡蒼波渺，讓此衰翁聊自怡。

不繫舟

蘭山詩鈔 卷三 粵中紀遊三  
三  
刻木爲舟下急湍，不如平地障狂瀾。憑他波浪兼天湧，穩坐船頭心自安。

送謝紫佑歸吳門

去年同度嶺，今日獨歸舟。陟屺因瞻母，攀花正及秋。顯揚殫子職，出處勵儒修。夙昔相期意，超然越輩流。

送周南仲蔣西清二樞歸里三首

結駟聯舟路八千，翩翩二子共周旋。誰知相繼悲凋謝，永訣天涯涕泗連。

雙雙旅魄欲何之，極目家山腸斷時。度嶺艱難歸

路遠早將兩櫬載靈輻

哭送江干各慘然，生離死別倍堪憐。膝前幸有寧馨在，誰撫遺孤慰九泉。

遊七星巖偕鄭珠江檢討

七嶺森羅似七星，高卑體勢各殊形。天連瓊島通南極，地接羊城鎮北溟。水月宮中翻貝葉，含珠洞口叩禪扃。勝遊喜得同心侶，擬向空山問祖庭。

寶月臺

高曠開胸臆，平臺聳治東。七星如拱照，萬象盡排空。創建由賢守，是臺包李肅公建名曰星巖書院傾頽作梵宮。爲言當

蘭山詩鈔

卷三 粵中紀遊三

四

事者修整待鳩工

閱江樓

端江一望水天長，控扼東西鎖粵疆。鎮海樓頭懸曉日，樓名鎮海斗魁臺畔列崇岡。平蠻尚有豐碑紀，伯業空餘野草荒。自古稱雄爭要地，只今開府固金湯。

天章書院恭閱 御書

睿藻繽紛耀嶺南，層樓巍峙貯琅函。重臣偉績殊恩賁，庶職賢勞聖德覃。春入池塘涵雨露，曉開亭榭護煙嵐。民安物阜歌康樂，艸木敷榮生意



含

偕同署諸子漱芳亭納涼

天南暑更酷結伴一乘涼對奕消長晝吟懷寄短  
章清音調竹肉劇飲盡壺觴頓覺炎威減渾忘在  
瘴鄉

端州咏物二十首

嘉魚

南有嘉魚享大賓名傳小雅紀詩人小湘峽口寒  
潭影愛看清流躍錦鱗

荔枝

蘭皋詩鈔

卷三

粵中紀遊三

五

丹華纖核味芳甘產自新州冠嶺南堪笑紅塵飛  
一騎沉香亭北宿醒酣

龍眼

莫說驪珠是荔枝奴輕身益智潤肌膚尋梧官署留  
名種移向端溪味更殊

橘

金衣素袖實離離飽浥瓊漿似飲飴幾見羅浮大  
如李滇州佳植最稱奇

橙

南中珍果數金橙冷若冰壺甘若萍入口不留渣

蘭皋詩鈔

半點香生齒頰毛吳羹

柑

洞庭春色佐辛盤貴戚傳柑永夕歡嫩質薄膚冬  
始熟幸無冰雪怯深寒

柚

壺柑不比乳柑美花素香濃結實繁淺綠微黃顏  
色好擘來冰雪滌塵煩

萬壽果

山有頂湖多碩果名萬壽石中生周遭嫩葉盤  
根大結子盈房類野苹

蘭皋詩鈔

卷三

粵中紀遊三

六

蕉子

花苞中積成甘露子結蕉心味更甘累累倒垂徑  
尺許涼如玉液解沉酣

波羅蜜

頭陀古寺波羅蜜來自波斯入海濤聞說春江傳  
異種團圓斗大是奇珍

佛桑

花如芍藥葉如桑月白猩紅間蠟黃開謝祇能朝  
與暮一時嬌豔闕新粧

素馨

素馨名卉傳西域清海移來到信安潔白無瑕光  
奪目暗香拂拂襲衣端

蘭花

蘭韻由來最著名廣蘭殊種各爭榮孤芳寂寞誰  
為賞合與幽人共締盟

樹蘭

花開點點如魚子馥郁還同王者香終歲舒英常  
不斷一株贏得滿庭芳

極蘭

一蒂能開兩髻花並頭承露吐天葩庭前蘭蕙知  
蘭豈詩鈔

卷三 粵中紀遊三

七

多少得此雙英更足誇

掛蘭

倒垂簷下吐芬芳常在窮巖石壁旁無數根株不  
着土只愁暮火與晨光

山丹

遙看爛熳絳雲新歲歲常開四季春遍植山中光  
奕奕丹砂映日耀青旻

桂花

花發天香近九秋四時不絕數端州每逢明月當  
空夜長望蟾宮桂子稠

山礬

海桐名種出封川七里香飄遍海天

山礬一名海桐又名七里香

盆中佛手

柔莢嫩白帶微黃小盞栽培發異芳彷彿西來成  
寶相莊嚴垂手在猊床

端硯銘

頂湖之精端水之英產自石室光同水晶擬之蕉  
葉儲之老坑溫潤而澤虛氣成泓縝密以栗久而

彌貞有眼如蝌有花如生廊廟用之為國之楨君

蘭豈詩鈔

卷三 粵中紀遊三

八

子用之佩之如珩藉以觀德聊以怡情

紀夢十首

并序

甲午小春朔日余失足仆地傷項及腰  
偃仰床第閱五日為余誕辰六日天將  
明矇矓中見一道人幅巾羽衣丰儀蒼  
古鬚眉皓然顧謂余曰君具夙根福壽  
正未有艾自今以往有三條路可行我  
為君言之余竦然問第一條道人曰當  
從赤松子遊張子房是也問第二條曰  
半隱半見山中宰相陶弘景是也問第

三條曰一路功名到白頭邯鄲道上盧  
生是也此三者皆君所有惟君審擇焉  
余曰枕隙功名黃梁飯熟我所不顧道  
人曰我亦不勸余曰我母誕我時夢一  
老僧入門具有夙根容或有之我平日  
作文寫字皆絕少師承歷官二十餘年  
祇求不負君親亦未嘗沉酣勢位今已  
退歸田里得從赤松子遊固所願也道  
人曰善但第一乘功夫最難或隱或見  
尚易余曰既隱又見既見又隱要費幾  
許周折何反易為道人曰由此做去可  
從赤松子游矣言已翩然而去余亦遂  
覺噫塵世悠悠浮生碌碌乃於負疴假  
寐間得道人片言指示當亦迷津之寶  
筏換骨之金丹也耶爰賦十絕以明我  
志云

人生難得此閒身歲月優游樂我真宦海浮沉渾  
似夢回頭是道溯前因

我似生前具夙因不撓塵網不隨人六十六年常  
若此於今何日道相親

大道當前各自由此身何敢等浮漚靈山面目非  
難識返本窮源豈外求

道人指點學長生路有三條聽我行解識本來無  
一物赤松仙子笑相迎

何人不慕漢留侯今古英雄孰與儔實踏脚根惟  
一著當年圯上許同游

兵法神奇推尚父陰符默授佐炎劉晚年尸解傳  
奇事漢代功名第一流

山中宰相陶弘景半是神仙半宰官隱見隨時無  
繫着松風澗月任盤桓

一路功名到白頭事到休時不我休枕隙夢回猶  
未醒黃梁飯熟尚悠悠

鐘鳴鼎食豈堪誇學道還求勾漏砂誰說風光無  
限好眼前一片似空花

即心即道本無岐煉性修心任所之蝸角蠅頭何  
戀戀一庭明月照清卮

附題紀夢詩四首

門人陳葉筠

廷望長洲人

金門抗志乞閒身粵嶠逍遙得養真仙客不須  
頻指示十年早已識迷津

夫子以監司乞養  
歸里已數年矣

莫矜勢位美三公暫熟黃梁夢已空枕陳功名  
渺何處邯鄲寂寞起秋風

隱見隨宜去就輕嶺雲縹緲自怡情本陶弘景句當時

弘景成何事宰相山中尚得名

報韓佐漢乞封畱三傑應推第一流他日粗酬

身世事願陪杖履赤松遊

送王素言歸吳門

山塘欣握臂端水復相逢豪興今猶昔交情淡轉

濃青囊游越嶠紅杏滿吳峰又作天涯別依依惜

去踪

蘭皋詩鈔

卷三 粵中紀遊三

十一

次韻呈李梅崖夫子

公諱基和廣寧人官江右巡撫

追陪几杖在常山吟嘯公餘喜共閒一自浮沉岐

宦跡廿年離澗隔師顏春風重謁燕臺下夜月長

懷粵嶠間珍重瑤華來萬里雙鴻遙附短章還

長至日頂湖山雪立上人招往觀梅余病

不能赴賦謝

頂湖絕似江南景獨有梅花暢月開節應陽回吹

玉律時當陰盡動葭灰暗香馥郁催新臘勁質離

奇占首魁煩汝折來同驛使隴頭人卧莫徘徊

病起

卧病連旬久支離牀第中俄驚一夢醒頓覺萬緣  
空靜識無生訣回頭有路通霍然當不遠何必歎  
衰翁

再游七星巖漫賦三十二韻

天地間物何最奇奇莫奇於山與水造化變幻不  
可量登臨游覽何能已端州城外列七巖朗朗星  
文應七豕間風屏風峙巖東諸峰矗立去天咫尺  
蟠仙掌環北隅阿坡天柱向西起如奎如壁如斗  
杓昭昭垂像俱堪指復如鬼域與山妖隱隱風雨  
多譎詭中有石室藏蛟龍淵涵幽邃靡涯淡伏虎

蘭皋詩鈔

卷三 粵中紀遊三

十二

奔象各猗猗浮梁抗柱供徙倚石牀石乳懸空中  
石鐘石鼓響水底更傳上帝觴百神洞天杳渺深  
無比洞門離鏤景福碑絕壁欲隨巨石砥數級直  
上璇璣臺色相莊嚴供大士楊枝淨餅白雪姿白  
玉闌干白玉几西崖高廣名碧霞南竇倭入龍洞  
裏出洞逕趨環翠亭紫竹古剎建西鄙鑊石吟呀  
不可登徑窄僅能容隻履更有古榕類蠅螭根株  
繁茂同苞杞乘輿更造水月宮層臺傑構耀旖旎  
前有一池為湛星池中一亭景星似池名湛星亭名景星東折  
又為元武宮一片江山可俯視春盛桃花秋桂花

芬芳嬌艷具二美下坡暫憩臨壑亭簾與繞塘行

一里躡嶠盤旋怪石間飛閣栽我燦金紫山有飛仙閣數

轉漸近玉皇閣高踞山巔結霞綺文峰筆立適當

前周遭龍虎與解鷹曲逕紆迴入蓬壺古木陰陰

石疊累下有積水正空明含珠吞吐今猶是有亭名含珠

披榛攀磴太極宮到來頓悟三生始前渚汪洋泛

斗亭至今頽廢畱遺址粵中山水信神奇桂林星

巖亦如此勝游兩地探奇遍目駭神怡歎觀止

### 哭季弟葑洲

去年之夏哭仲弟別未一月成永隔今年季弟復

蘭皋詩鈔

卷三

學中紀遊三

十三

彫殘聞計心驚萬里客人生最痛鵲鴿傷況當異

地羽毛圻念我同祖有幾人兩弟尤能綿世澤仲

父當年宅百揆韓范勲名堪接席兩弟繩武繼前

徽先後聯翩奮健翮聖明念舊寵眷隆樞府蘭

臺侍朝夕我家羣從半登朝兩弟明廷作柱石胡

天不弔鞠由多兩年未久摧連壁我在天涯痛莫

支弟在泉臺愁美釋池塘春草夢已空南飛鴈影

悲孤隻泣望雲山隔萬重楚些何處招覓魄更念

同祖喪七人四經寒暑俱淹忽門衰祚薄歎伶仃

老淚沾巾痛心骨我今踪跡滯端州待放扁舟歸

故宅寄語諸孤且莫哀我歸當為營窀穸

### 次答同學葉芥舟

故交零落數心知四十年來異昔時君寄凌江心

似水我來高峽鬢如絲音書久濶悲岐路寤寐常

通慰積思詎意關山千萬疊相逢話舊共啣卮

### 乙未元旦立春

瑞靄迎朝旭新春正履端百年能幾遇俗語有百年難遇歲朝春之語

三朔已祛寒栢葉浮金竿氷蔬薦玉盤東風披拂

處先報竹平安

蘭皋詩鈔

卷三

學中紀遊三

十四

蘭皋詩鈔卷二十一終

蘭皋詩鈔卷二十二

長洲宋廣業澄溪

粵中紀遊四

詠梅百首并序

余性愛梅花雅慕羅浮庾嶺之勝癸巳  
秋度嶺恨不逢花時咫尺羅浮又未能  
一往夢想神馳靡日不快快于中乙未  
王正臘盡春回正當梅候悶坐一室因  
憶梅花佳勝遂成百詠聊以抒寫幽懷  
非敢唐突仙葩也

蘭皋詩鈔

卷二十二 粵中紀遊四

一

問梅消息近如何盡說梅關十月多偏我來時花  
未放驅車嶺上漫經過

羅浮咫尺若天涯虛度芳辰兩歲華試問綠衣今  
在否憑高遙睇白雲遮

聞說頂湖梅數點頂湖距端州城四十里上人折簡報舒英謂雪

立和何當鼓棹靈山峽玉骨冰姿向我迎

誰知嶺嶠氣炎熱花謝花開不及旬嘯傲山頭聊  
自放殘香剩粉隨花茵

回首江南二月天鶯花旖旎草芊芊如何翻作羅  
浮夢月落參橫思惘然

羅浮萃偉聳雲巔丘壑清幽一洞天聞道梅花稱  
最盛瑤宮璇室倍增妍

南枝放盡北枝開自古爭傳庾嶺梅多少宦遊從  
此過但知攀折不知栽

鄧尉山前梅似雪登高一望萬峯齊花光遙接湖  
光遠香氣飄飄到處迷

一片明湖光灩澦孤山突兀鎖烟嵐林逋處士家  
何在笑指梅花此地探

老梅獨盛魏家兜武林西溪地名屈曲離奇花木稠隱約竹

窗千樹裏冰肌玉貌倚紅樓竹窗乃高江都建

蘭皋詩鈔

卷二十二 粵中紀遊四

二

紫花紫蒂共朱梅候節同心却並開更有麗枝傳  
異種上林春色占花魁漢修上林苑藝臣各獻名花有候梅朱梅紫花紫蒂同心麗枝六種

館娃宮裏留芳徑漢代花飛點壽陽獨笑銷金羅  
幕外花姬醉擁不知香偶吳從嘉故事

紅羅亭畔抹胭脂唐苑中有紅羅亭四面皆植紅梅誤認天桃欲放時

絳雪紛飛渾一色酡顏嬌軟醉霞卮

幾枝疎影助吟詩月上花陰入直時最是夜深鰲  
禁靜寒香祇許侍臣知

風流自古說揚州東閣梅花香最幽不羨洛陽花  
似錦相思只合廣陵遊



江皋無伴獨棲遲幸有梅花可賦詩猶記少陵題  
句好春深江縣正芳時

村郊處處長梅條香雪霏霏下碧霄回憶當年停  
皂蓋春風江路採花嬌

太和山頂寄榔梅真武當年歷劫灰應是神天弘  
示現道成即與報花開

太和山有榔梅相傳真武折梅寄榔樹上誓曰吾道若成花開果結竟如其言

壁間題句出風塵驛路栽花庾嶺春

昔有英州司馬切女從父過庾嶺植

松高百尺梅千樹同此孤清耐歲寒忽報嶺頭花  
蚤發松梅競秀雪中看

蘭皋詩集

卷三

三

歲寒松竹同爲友漏洩春光只有梅皎皎清姿凝  
翠篠美人彷彿月明來

萬里光涵大地春幽姿輝映太湖濱蟾宮仙子舒  
清豔同向瑤階步玉塵

湖水清漪梅更清梅花映水益空明池中笑弄姮  
娥影演漾渾如飛素瓊

清輝瑩潔無如雪數點寒梅帶雪開盡說梅花雪  
共白獨輸香豔不如梅

斜枝疎影出牆東高士逃名臥此中豈是老癯愁  
力怯故依半壁笑春風

蘭皋詩鈔

素妝淺淡隔牆隈無限芳情帶笑開彷彿錦屏人  
小立東風徐度暗香來

珊珊裙帔疊青霞疑是仙人萼綠華笑挹春風盈  
翠裏清光皓質最堪誇

玉質如同蛺蝶妝香鬢粉翅爲誰忙王孫今夜傳  
消息豐艸幽棲獨自芳

紅梅名種出東甌傳自江南花更優一自園丁偷  
折取鳳城千葉勝蘇州

一蒂偏能結兩梅雙雙常共長萼萼輕盈豔質朝  
華麗絕似鴛鴦戲水隈

鴛鴦梅花最輕盈結實雙果一蒂

春來寂寞試新妝醉後酡顏帶雨芳一抹胭脂遮  
粉黛紛飛絳雪滿寒塘

退朝日麗九英梅照曜詞林徹上台自是文章誇  
滿腹精神奕奕映仙才

元稹退朝初日映九英梅陳光祿撰有氣勃勃然掌僕望之曰豈賜買文章嘆曰可見乎

遠從蠟國號黃香敢與瓊姿鬪靚妝鈎吻半含僧  
磬口折來清供淨瓊芳

一種天生白玉姿含英吐秀仲冬時尋芳疑上蒙  
山頂噴雪堆雲香滿瓷

茶梅開十一月中惟素可愛

梅花却似杏花紅綠葉青柯色又同但惜寒香輸  
一段爭春館內倚東風

梅花一種似杏

片玉能令通體涼沁心入骨浣人腸太真宿酒含

花露爭似瓊漿出葉傍

冰梅實吐自葉瓣不花色如冰玉無枝含之自融如水

花開綠樹暗成陰疑入羅浮烟霧深此種不知何

處有傳聞苦棟接寒林

花黑如墨或云以苦棟樹接者

清江一樹迴殊倫樹下能容數十人傑閣凌風香

自遠盤圍環繞鎖芳春

清江酒家有大梅樹一株下可坐數十人任子嚴運使作凌風閣又築園曰盤圍

古梅獨有會稽多老幹參差掛薜蘿地僻不愁兵

火劫至今蒼翠滿山坡

瓊枝鐵幹自天然折線纏身最可憐只爲人情爭

煥媚故教維繫太拘攣

蘭丘詩餘

卷三 粵中紀遊四

五

吳儂不識花中趣漫把他枝接綺梅春日融和枝

漸長英英直上作條枚

孤根久寄水雲鄉移植庭前花更芳托跡已更新

地主離愁可憶舊山莊

分枝植木趁良辰桃杏成林各自新移作梅花堪

耐久聯芳倍覺有精神

一枝折向膽甌芳肯學輕狂時世妝素口檀心如

欲語蕭齋相對暗聞香

青瓷小製列花魁屈曲虬枝手自栽會乞瑤臺分

片玉年年破臘報花開

花飛片片散幽芳積雪盈庭賽夜光羯鼓頻催雷

不住香魂杳渺斷人腸

梅子黃時梅已熟甜酸歷盡益精神曹溪指點非

無謂衣鉢相傳悟自真

馬祖謂大梅和尚梅已熟

朔風誰不畏飄搖獨有梅花意轉嬌勁骨峻嶒常

不屈寒光一片雪封條

海棠着雨臙脂濕梅蕊初舒帶雨鮮可惜花開非

一候新紅待聘却無緣

佳味偏宜六月天摘來入口自流涎炎方毒霧蒸

人厲玉潤冰清映碧鮮

蘭丘詩餘

卷三 粵中紀遊四

六

藥籠收藏次第開

烏梅入藥功用甚多

甘酸風味佐尊罍不須

更覓金莖露解得相如消渴來

晶鹽浸漬曠成乾賽雪欺霜似粉團

白梅鹽煮成乾即俗稱筒梅也

口醒脾推第一時當溽暑氣猶寒

梅龍聞說在成都枝葉紛披匝地鋪莫訝山中遭

偃蹇清風高臥笑塵蕪

成都府有臥梅偃蹇十餘丈謂之梅龍乃唐物也

庾嶺枝頭尚未開含芳欲吐隱莓苔春光漏洩情

何限疑向香閨斂袖來

破臘先開第一枝韶光無限獨君知寒凝鐵骨冰

霜老萬象回陽正此時

凜烈冰霜寒氣至兩間閉塞又成冬有小雪幽姿獨立  
瑤池上一片清光曜碧峯

霜葩早吐歲寒時挺秀峯頭獨自支春到上林花  
競發羣芳能不讓瓊枝

寒蕊初舒分外妍瓊姿潔白倍芳鮮曉來恍似凝  
冰雪一陣香風獨占先

驚蟄才過花已盡一株猶得待羣芳更看百卉如  
雲錦獨向園林傲淡妝

十花十友傳端伯曹端伯以十花為十友梅為清友三友尤能共歲寒  
歷盡風霜深結契幽姿未許俗人看

蘭皋詩鈔 卷三 雪中記遊四  
數聲朗笛來何處三弄梅花欲斷腸裂石穿雲傳  
塞北征人洒淚憶家鄉

孤眠紙帳挹清光香滿衾花滿牀必羅浮傳  
異事夢魂蚤識美人妝

十二花開十二客張景修以十二花為十二客號梅曰清客座中清客是梅  
花憑他紅紫爭嬌豔怎似孤芬占物華

頭上花枝照酒卮昔人佳句最堪思此非專指梅而言  
坐於梅下此景亦佳  
飛觴飲月搖疎影疑是嬋娟醉玉池

為愛梅花帶雪開巡簷索笑幾徘徊東風噓拂舒  
青眼一笑相逢兩不猜

梅子累累澱齒酸和羹鼎鼎列堂餐應知宰相經  
綸手贊化調元即此看

孤梅挺秀雲峯頂俯視塵寰一氣清鐵骨幾經冰  
霰苦凌寒獨自傲羣英

仙品由來骨格清凌霜傲雪獨崢嶸嚴威嚴栗寒  
風肅鏤幹森然發蚤英

橫斜疎影出寒林枝葉扶蘇暎夕陰屈曲離奇傳  
古意清癯瘦削表貞心

風流蘊藉獨先春逸韻飄然立水濱皓質曉妝原  
雅淡暗香拂拂襲衣巾

蘭皋詩鈔 卷三 雪中記遊四  
冰姿玉質最多情結得同心許共盟芳逕時開如  
有待臨風無語笑盈盈

憐香惜玉倚牆隈金粟冰絲向月開南北枝頭方  
爛熳檀心一片上瑤臺

花神隱約在花前雪後園林佳句傳朗月疎星淡  
銀漢神光奕奕照冰天

梅花落盡芳魂在擬賦招魂慰落梅只有相思無  
盡處仙姿直待放春回

梅向空庭別有香孤芳暗引入迴廊任他百和迷  
三逕肯逐東風上下狂

香氣氤氳似曉烟春風披拂豔陽天不知山逕歸  
何處雲樹迷離夜月邊

粉面佳人真絕世面如傅粉有何郎鉛華不御常  
修潔肯與時人關靚妝

千年不斷爐中火梅熟鉛融丹自成勾漏不須求  
至寶凝神飲氣固元精丹法用鉛百兩以梅煮之即成

梅雨過時採摘新不須遙望口生津從容煮酒當  
閒話海內英雄有幾人

冰心鐵骨誰能似只有梅花意自同官舍蕭閒留  
一賦凌寒傲雪挹清風

蘭皋詩鈔 卷三 粵中紀遊四

九

林間何處覓神仙夢裏尋春却有緣共飲不辭花  
底醉綠衣童子舞當筵

好友無如范與陸江南遙寄一枝春自憐去國三  
千里回首長安有幾人

愛說江南梅似雪落英滿地更繽紛夜來愁殺陳  
高士千樹花飛壓凍雲陳其隱居江南植梅千株花落繽紛恍如積雪焉

詩人托興寄梅花疎影橫斜已足誇更有青丘高  
太史美人高士句尤佳

空山積雪路行難赤脚穿崖却自安每遇梅花清  
興發嚼花和雪沁心寒錢脚道人常赤脚走雪中興發則嚼梅和雪嚙之曰我欲寒香沁入肺腑

御霜帶雪映蘇堤尺幅臨摹淡墨題時值嫩寒春  
欲曉水邊籬落白雲迷華光長老畫梅黃魯直曰如嫩寒春曉行孤山水邊籬落間

善繪能施皂角膠斜枝疎影出林梢畫圖欲識春  
風面醉後顏酡分外嬌洪覺範用皂角膠畫紅梅月下映之宛然珠影

范村花圃著江東譜有梅花麗碧叢自古譜梅人  
不一風流應讓石湖翁范石湖譜梅至九十種

梅鶴高風莫可攀臨流小構隱孤山閒情繞植梅  
千樹嘯傲湖山自往還

學道山中臥白雲一朝尸解吐奇芬炎炎夏日梅  
林下香靄經旬草木薰梅仙祖師學道白雲山夏日坐化梅林下香靄數里經旬不散

蘭皋詩鈔 卷三 粵中紀遊四

十

堪憐世外一佳人玉骨冰姿迥出塵居近爐烟常  
灼爍傾城一笑向誰親朱壘上宅後有梅六株常為隣家烟氣所爍曰冰姿玉質世外佳人但無傾城一笑耳

玉照堂前三百本張功甫堂名清風明月吐奇葩更修梅  
譜傳佳種淡抹濃妝絢彩霞

不逐繁華性愛梅翩翩公子占花魁萬間廣厦心  
甘棄莊號梅花獨自開趙必達以父蔭當補官辭不就晚植梅數百株名其居曰梅花莊日夕吟咏其中

九里山中王處士千株梅樹植茅簷莫言桃李花  
如綺玉綴瓊英色更鮮王冕隱居九里山樹梅無計桃李結茅三間自題為梅花屋

梅花邨裏度朝昏聞說眉公隱小崑更有婁東吳  
祭酒卜居亦自號梅村

仲圭梅竹日沉酣自號梅花結草庵揮灑當年人不識流傳數幅勒幽龕

萬松鬱鬱梅千樹香滿林泉雪滿塘自是長千多

勝蹟冰姿玉質塢中藏塢在長干靈谷之左偏曰梅花塢萬松在西晉雪滿林最為奇勝

含章簷下臥仙姬五出花飛點額奇堪笑宮中好事者效顰誰復似瓊姿

采蘋素性好栽梅雅號梅精自睿裁試問太真承

寵愛曾邀一斛賜珠來江妃性愛梅明皇呼之曰梅精後遷東宮上封一斛珍珠賜之不受以詩付使

者上命樂府以新教度之

平生性癖嗜梅花朝挹清芬暮暎霞獨坐書齋愁

蘭皋詩鈔

卷三 粵中紀遊四

十一

閒寂山深歲晏此為嘉

菊圃十二首 有序

圃在端州署西偏開自包老肅公為守

時誌稱公嘗構軒築亭壘土為山今無

存矣歲癸巳子益出守得端州余蒙

恩賜歸田里因就養焉歲再周事稍暇子益就圃

故址復舊增新為余憩息之所夫以孝

養風士庶治所先也余故弗之止落成

之日恭摹

皇上頒賜我母暎絲二字懸於中堂推孝治之意

# 蘭皋詩鈔

昭示嶺南園不三畝池榭畧具二三故舊為余題額余一一咏之以誌余小臣之優游于此皆

聖天子優老之賜也

菊圃

曩時開菊圃今日作椿庭杯泛黃花燦風飄白萼馨相招延壽客遙暎老人星此地同甘谷何須劇茯苓

暎絲堂 北堂暎絲係御賜廣業畢氏扁額

北萱謬暎絲 帝眷子嘉名錫類弘仁孝承思

蘭皋詩鈔

卷三 粵中紀遊四

十二

紀寵榮箕裘傳世澤堂構紹家聲母德詒謀遠光

昭百粵城

晚香堂

世載風塵吏棲遲愜晚香身依蠻瘴地心在水雲

鄉不畏金廳厲寧憂玉露涼飄零嘆秋蒂貞色耐

凌霜

君子居

入室叢蘭茂因名君子居香凝盈戶牖清徹暎階除秀潔真無比孤芳誰得如謝庭多玉樹寧復羨簪裾

清代詩文集彙編

一二二

惠養軒

唐柳仲郢有言輩數之下碑壓焉先郡邑之治惠養焉本子蓋自西曹治茲肇慶惠養名之也

軒蓋焉

河東能訓子累葉著賢名清德承先緒名言曷後  
生尚宜思惠養慎勿恃嚴明保赤應多術從容俟  
政成

梅花書屋

雅抱愛梅癖花開繞屋香破寒催淑氣先臘漏春  
光如入羅浮境疑遊庾嶺旁廣平留一賦官舍有  
餘芳

鑑水齋

蘭畹詩鈔

卷十二 粵中紀遊四

十三

演漾如明鏡波光暎月寒妍姪於此別昏旦幾回  
看畧約通幽徑浮花傍曲欄誰言一勺水微尚在  
觀瀾

嶺松佳處

去秋度庾嶺愛此嶺頭松妙倩丹青手為圖霜雪  
容濤聲喧四壁鱗甲老雙龍共保後凋質相看春  
復冬

西爽閣

小閣出平屋西山一望收朝來爽氣豁薄暮淡雲  
浮片片飛霞爍層層落照幽憑高閒拄笏身世一

浮鷗

飲月樓

城北危樓聳先邀明月來少年多意氣老興剝尊  
罍放眼青天外怡情綠水隈夜深清唱發蟾影共  
徘徊

洗硯池

石友端江產文房晨夕親憑將池水碧洗出墨花  
新珍重應如玉摩挲最可人堅貞比廣吏絕不染  
纖塵

綠天

蘭畹詩鈔

卷十三 粵中紀遊四

十四

緬昔唐懷素幽居號綠天蕭疎經夜雨揮灑若霞  
箋澤潤滋苔蘚先生耀簡編官衙開蔣徑藉此隔  
塵緣

陳軫齋先生序曰老圃寒香名賢晚節比稱足  
慕全者為難夫繁組朝端則曷遂棲遲之樂而  
拂衣籬下又徒居寂寞之濱李相國之平泉惟  
勞夢寐蔣山人之竹徑太覺蕭條求其舒卷自  
如身名俱泰朝衣野服並慰先憂後樂之心蘭  
署芝庭兩全娛老承歡之志苟非遭逢極盛安  
能出處咸宜澄溪先生今其人矣澄溪學問深



醇經綸宏遠存逢盤錯喜報最於

楓宸既謝簪裾賦遂初於梧苑時則令子亮虞  
以華省之望卽作炎州之名守板輿迎養治郡  
則以父爲師畫戟娛親居官則合忠於孝先生  
於是抱其已試之効密授鯉庭扞其未竟之猷  
旁襄鹿穀端州四境頌滿鳳雛曆日再周清餘  
鶴俸爰相署之西偏有菊圃焉宋時包孝肅公  
所闢也軒榭故基苔蘚騰前賢之跡池亭新構  
烟霞愜名父之懷先生就養其中樂可知已昔  
者賢勞官績已徧燕秦齊魯之間乞養孝思卽  
爲鄉黨州閭之式曾沐寵光於

蘭皋詩鈔

卷三

粵中紀遊四

十五

宸翰春榮堂北之萱乃摹映綵於鑾牋日麗嶺南  
之菊種蕉則一天有綠畫松而四壁皆青蘭可  
爲居梅堪製屋月從飲得并宜挹爽以對山硯  
旣洗來卽與臨池而鑑水一林一石可冠名邦  
某水某丘如遊故里先生安於色養愛此地靈  
弄月吟風無非家訓拈毫染翰不忘  
國恩凡得五言律詩十二首夫澤民報主者必  
在紆青拖紫之時及遁跡於林泉則謝矣避世  
閒居者必在穹谷堪巖之下若遊身於廨署則

蘭皋詩鈔

遠矣先生樂投簪於事外而邦政與聞娛戲綵  
於公餘而澗壑永矢喬松比健凌駕乎野鶴閒  
雲寒菊滋榮流傳以金聲玉款玉石永韜川諸  
詠無以加之白太傅池上一篇方斯邈矣乙未  
小春海寧陳元龍拜題于桂林官舍

蘭皋詩鈔

卷三

粵中紀遊四

十六

蘭皋詩鈔卷二十二 終

蘭皋詩鈔卷二十三

長洲

粵中紀遊五

題博白大令程介鳴鳴琴圖

大雅有遺音寄此朱絲絃倚蘭之操  
絕調何人傳越中才子瀛洲客小試牛刀來博白  
案無留牘疑清香愛撫孤桐坐超忽風簾晝靜漏  
響沉一彈再鼓韻轉淩憑將海濶天空意寫出臨  
民化俗心即今政成登上考鋒車北指燕山道朝  
廷正須雅頌手待君入覲賡天保

蘭皋詩鈔

卷三 粵中紀遊五

一

題程介鳴勸農圖四首

青旂斜拂柳風柔頭踏傳呼出郭游一自使君親  
稅駕頓教春色滿田疇

千家廬落傍山開父老爭迎仙令來暫輟耕鋤歡  
笑語木棉花下醉春杯

白州處處沐恩波望杏瞻蒲樂事多應有竹枝詞  
紀實歸時付與雪兒歌

化洽鳴絃惠政敷循聲早已達燕都誰知瘴雨蠻  
烟裏自有仁風入畫圖

乙未夏至羊城謁管鄴侯將軍將軍即招

武周南廉使楊浣初大參新呂封僉憲

同集新構餘軒賦謝二律

幕府開南越羊城據上游秀山瞻氣象緩帶識風

流棟莠交情洽余與將軍令兄方伯公安三十年矣芝蘭臭味投懽然能

念舊相見意綢繆

新構餘軒好開樽逸興多羣公饒雅量小部按清  
歌百粵人安堵三江水息波留連忘永日不醉欲  
如何

祖治公統制招同張蒼崖飽山亭納涼

風來亭畔好相對共披襟飽看青山色涼分綠樹

蘭皋詩鈔

卷三 粵中紀遊五

二

陰投壺添逸興淪茗助清吟頓覺炎燄淨悠然濠  
上心

秋日登越秀山

嵯峨高峙五羊城遙映千山俯八瀛自是好山餘  
霸氣恰從瘴海擅佳名雲飛遠樹秋容淡烟散晴  
巒秀色橫千古越王臺尚在西風憑弔不勝情

五層樓

海山一碧望中收躡級登臨盡日游身在雲霄天  
地渺目窮島嶼水烟浮尉佗霸業餘荒草劉龔雄  
風散蚤秋興廢幾經傷往事獨畱高閣鎮炎州

白雲山

北望崇巖起白雲安期冲舉古今聞水簾靜對凝  
朝雪野鶴閒飛下夕曛不信人間多勝蹟定知仙  
窟絕塵氛南來五嶺多靈異近接浮丘更不羣

沉香浦

沉香浦口泝流光清操千年姓氏彰一自香沉人  
去後至今浦水有餘香

菖蒲澗

菖蒲九節舊傳名獨有安期餌此生試問仙家何  
處是空留一澗在羊城

蘭皋詩鈔

卷三 粵中紀遊五

三

花田

平田疑是玉鈎斜艷骨銷沉幾歲華惟有香魂猶  
未散春來幻作素馨花

朝漢臺

極目蒼茫野色開尉佗遺址有高臺任鷺自識英  
雄概陸賈重啣使命來粵吏縱能辭帝號老夫終  
是出羣材登臨無限興亡感一片斜陽半草萊

遊管將軍園林二首

名園依勝地四面盡皆山園名皆山積翠當窓罅層巒出  
樹間徑迴花氣襲畫靜鳥歌嫺坐卧移時久心閒

蘭皋詩鈔

物自閒

竹徑更清幽迴廊翠欲浮風來忘溽暑雨過正新  
秋燕寢凝香靜投壺觀德優輕裘羊叔子儒將最  
風流

葉南田刺史招同錢柱勳副戎蔣孚菴別

駕暨張李二子集越秀山園

傍山開洞壑佳景好徘徊地接呼鸞道人依朝漢

臺登臨多逸興弔古有餘哀太守留遺愛良辰共

舉杯

是園乃南田所構

蔣孚菴招同葉南田錢柱勳李峻瞻楊仲

蘭皋詩鈔

卷三 粵中紀遊五

四

高集長壽山房

偶來蘭若共娑娑曲院新涼樂事多樹杪清風延  
勝侶簾前明月起高歌謝安老去憐絲竹子野情  
深託綺羅莫道賞心容易得當筵一任醉顛陀

海珠寺

千頃汪洋遠化城何年贏得海珠名層臺終古烟  
波遠極浦于今草樹平騷客題襟來勝地佳辰置  
酒集羣英先賢俎豆依然在拂拭殘碑空復情

寺中有李公祠碑記尚存

吳道子畫大士像

水月空明寶相莊化工圖畫重炎方却吟杜老當年句前輩吳生速擅場

海幢八景

花田春曉

驅車出南郭利涉凌朝寒珠水迎新漲蘭橈過大田柳籠殘夜月花笑豔陽天鬱鬱埋香久春來若共眠

古寺叅雲

叅雲蘭若古仗策偶相尋幻態原無跡浮空豈有心圓機聞擊竹妙諦託鳴琴山水諸情處悠然獨蘭臺詩多  
卷三 粵中紀遊五  
賞音

珠江破月

一片嬋娟影秋來落海門雲開綠樹遠風動碧波翻千頃涵珠水三江映月痕襟懷共澄徹差許寸心捫

飛泉卓錫

野衲歸何處雲遊類水鳥煙霞常自得猿鳥靜相呼禪定如龍睡形空似鶴癯流泉隨駐錫頓悟在斯須

海日吹霞

曉望窮瀛海茫茫水不波朝霞隨彩鳳旭日起靈蘿璀璨舒江錦空明映綠莎晨光相照耀貌似醉顏酡

江城夜雨

風雨來江上何由破寂寥千絲江柳弱十里嶺花凋入夜添春漲凌晨放小舫烟波渺無際回首憶虹橋

石磴叢蘭

素有愛蘭癖芬芳二月初傍階恒秀發當戶忍誅鋤孤韻難諧俗幽香伴著書青青滿石磴高潔有蘭臺詩多  
卷三 粵中紀遊五  
誰如

竹嶺幽鐘

鐘聲起靜夜清聽自幽遐足醒繁華夢能開智慧花常隨明月度不為白雲遮寤寐常深省還愁覺路賒

題畫十二首輓徐侍御藝初先生并序

玉峯徐藝翁余三世交也少時為余同年丁巳又與先君子同雋北闈往來無虛日筮仕後迢隔中外及余奉母乞歸始復聚首追惟世好重以婚姻別

未三載忽聞辭世悲悼不勝爲文哭之

更倩陸子素安繪花石於幃端觀物興  
懷彌增悲思重題十二短句以代輓歌

牡丹

仙子曾開頃刻花金梭翠葉點繁華從知色相原  
無有肯戀人間富貴家

梅花

淡粧素服出塵埃似有清芬撲鼻來豈是羅浮如  
夢幻參橫月落影徘徊

蘭花

蘭皋詩餘  
卷五 粵中紀遊五  
七  
天桃穠李笑春風九畹名葩自不同空羨謝家庭  
砌畔含香競秀冠江東

石榴

映水珊瑚海外栽榴花洞裏避秦來緋衣少女傳  
奇事不及朱轡護錦胎

芙蓉

豔質穠粧映水清乍臨初日更輕盈芙蓉城主今  
何處腸斷當年石曼卿

菊花

甘谷相期享大齡誰知蚤歲閉幽局孤芬勁節超

蘭皋詩鈔

塵俗不向人間學冥靈

萱花

丹英綠葉號宜男作佩還疑春意含詎料畫圖花  
正好漫教兒女寸心慙

薔薇

胭脂點染繞新籬滿架穠華光陸離無奈春殘風  
雨後落紅滿地最堪悲

秋海棠

綠肥紅瘦豔新秋堦畔盈盈曉露流自是多情含  
宿淚相思重爲灑荒丘

蘭皋詩餘

卷五 粵中紀遊五

八

山茶

鶴頂舒紅臘月天寒威嚴栗倍芳妍漫誇秀嶺傳  
孤種一種幽姿絕世緣

水仙

仙風道骨迥超塵肯向人間託此身一自幽魂歸  
碧落凌波微步是何人

竹石

回憶音塵倍愴然何時掛劍向新阡園林風景應  
如舊翠篠扶疎白石邊

遊七星巖舟入石室中二首

汪洋新漲起層波爲探幽竒放艇過石室盤空原  
有路江流入洞已盈科窮源直搗蛟龍窟蕩槳如  
通牛女河此景一生從未歷攜朋置酒任狂歌  
巖壑幽深洞府清璇璣臺上敞虛明登山忽向波  
中去泛水仍從石底行未許漁郎來絕境欲尋仙  
子學長生奧區咫尺無人問誰識塵寰有玉京

九日披雲樓登高

登高何處恣遨遊矗立城闌獨此樓突兀星巖雄  
北極迴環端水鎖東流茱萸遍插驅茅瘴菊酒頻  
傾散癘憂王勃當年傳一賦滕王傑閣至今留

蘭皋詩鈔

卷三

粵中紀遊五

九

偕署中諸子集挹青亭觀芙蓉

挹青亭畔倚西風能白能紅奪化工謝眺詩成差  
足並文君臉際恰相同一叢掩映寒波裏三醉婆  
娑落日中向晚開樽攜小部好憑明月聽玲瓏

題廬江張氏三節母傳後

并序

節母龔氏暨媳衛氏陳氏三孺人兩世  
孀居筑築無依堅志守節衛陳孝事孀  
姑撫育孤子艱難辛苦垂數十年今幸  
哲嗣允璉允琳允理弟兄濟美乞言表  
章余既重嘉其苦節復深喜其有後爰

賦長句以應其請

國家至治邁陶唐詔求潛德闡幽光草野皆知  
重貞節巾幗猶識扶倫常廬江張氏本世胄一家  
苦節有三孀當代鉅公爭珥筆高文典冊何輝煌  
余亦聊從諸君後拈毫伸紙紀數行伊昔張母喪  
所天遺孤未立潛悲傷貞心不改並松栢勁骨直  
欲凌冰霜鞠育辛勤恃兼怙三遷孟氏有義方十  
年兩孤甫成立娶妻並得桓孟良弟兄妙譽擅連  
璧弓冶克紹嗣書香胡天不弔降閔凶蘭摧玉折  
俱淪亡夜月啼殘子規血秋風叫斷哀猿腸差幸  
兩婦各有子不得從死泉臺旁青燈熒熒風雨夜  
兩世姑婦守空房姑待孫令婦教子謝庭玉樹增  
前芳太息艱貞歷歲久大江南北爭稱揚孤孫乞  
取燕許筆相舟之操得表章方今

聖明重節孝佇見入告排天閭鸞書寵錫下九  
重烏頭赫奕蚤建坊合肥之水何渺渺銀屏之山  
何蒼蒼山高水深永不改清河名節與俱長

題嶺南十景圖壽楊大中丞

公諱麟字玉  
峰奉天人

海山巨觀

十洲三島對層樓第一仙人踞上頭萬里雲霞連



海屋好憑鸞鶴去添籌

南華勝境

曹溪流水碧粼粼清絕林巒不染塵六祖宗風猶未邈分明重現宰官身

庾嶺梅花

鐵幹冰姿繡古苔九天雨露得滋培羨他鼎鼎調羹用先向春風嶺上開

羅浮洞天

洞天咫尺路非賒服食曾聞勾漏砂四百峯頭最高處煙霞縹緲葛洪家

蘭皋詩鈔

卷三 粵中紀遊五

十一

鯉溪浪靜

昌黎巨筆挾風雷異類潛踪去不回今日偉人宣德化波濤永息鯉溪隈

星岩聳秀

崇岩疊巖峙江城却占天邊列宿名更喜福星呈象外嶺南照耀有長庚

高涼環翠

地遠林巒氣鬱蒼由來名勝數高涼曉看山色環寒翠古栢喬松蔭海疆

合浦還珠

蘭皋詩鈔

渺渺蒼波起夜光一輪明月照炎方只今合浦明珠滿爲有清風接孟嘗

擎雷泉湧

潺潺澗底出清泉洋溢還沾萬頃田共仰雲霄高絕處天南一柱可擎天

瓊山孕玉

瓊山鬱鬱即崑岡大海鍾英毓秀長莫訝連城聲價貴由來廊廟重珪璋

和跡刪上人山居十詠

鐘

蘭皋詩鈔

卷三 粵中紀遊五

十二

何處招提報曉鐘殘宵臥聽度霜風宏聲自可醒塵夢餘響猶能悟性空斷續常隨明月落嘈喧間與白雲通人間覺路誰能識只在祇園一擊中

磬

更聞憂玉與敲金靜坐蒲團最賞音豈是一聲節雅奏還期五夜定禪心滿階黃葉青山遠數點落花流水深此際山中萬籟寂鏗然餘韻繞寒林

簾

乞閒早許罷朝班獨坐空齋自鍵關銀蒜下垂來夜月玉鉤斜捲見青山竹窗人靜留香久紙閣風

清落影閒不羨夜明聲價重織成簾筱也幽嫺

帳

紙帳梅花臥起遲東風拂拂似披帷馬融高擁傳  
經日董子長垂讀易時豈羨芙蓉色並麗可知期  
蝶夢相隨論衡自是中郎秘未許人間易得窺

几

明窓紫几每相將日夕憑依坐若忘青玉祇堪供  
贈答烏皮自足擁縹緗爐香茗枕閒情適畫卷詩  
囊韻事忙最愛文房清供好一時藝圃恣徜徉

榻

蘭皋詩鈔

卷三 粵中紀遊五

十三

冥心只合坐枯禪不爲南州榻始懸何必豪家誇  
白玉只從故物問青檀半牕明月留人住滿戶流  
雲伴客眠安得桓伊善吹笛胡床高踞一流連

硯

頂湖山水清泓爭說松紋出老坑禁採人爭求  
片璧收藏價欲並連城眼同鸛鶴稱佳品色類猪  
肝獲美名如此良材原不易揮毫辜負楮先生

筆

小小欣從翰墨遊班生有志未能投中書垂老頭  
先禿毛穎非秋露亦流鐵面至今堪結友管城終

古亦封侯臨池閒看龍蛇戲未要鍾王在上頭

杖

頻年却喜杖隨身出入周旋日夕親庭下化崖疑  
有兆空中飛錫淨無塵扶危已足安耆碩賜齒還  
誇重大寶若得赤城遺九節衰年雖老尚如人

履

屏跡巖阿與世違尚留不借日相依偶隨瓢笠穿  
雲徑閒逐猿猱過翠微孺子橋邊曾跪進高僧江  
上獨攜歸浮華敝履都堪棄誰向塵寰識此機

陸素安畫蔣西清小照時西清已亡素安

蘭皋詩鈔

卷三 粵中紀遊五

十四

追寫如生遙寄令子詩以紀之

之子不復見云徂歲幾更悲歡當日事生死故人  
情運筆丰神動凝眸骨格清婆婆極樂地跌坐話  
無生

蘭皋詩鈔卷二十三

終

蘭皋詩鈔卷二十四

長洲宋廣業澄溪

粵中紀遊六

過大通寺訪跡刪上人次前人韻

迎風一棹破春烟爲訪高僧此泊船  
惠遠能詩通妙諦維摩善病證  
枯禪周遭松蔭藏紅日環繞荷  
香汎碧川偶向驚湖忘信宿夜深共對月孤懸

宿意外堂與跡師夜話時余將遊羅浮

偶來信宿宿意外堂坐對松燈暎林樾  
晨起擬刺羅浮舟四百峰頭看明月  
閒向山僧問路程前途夷

蘭皋詩鈔

卷二十四 粵中紀遊六

一

險憑師決跡公大笑爲余言我年四十歸洞天飛  
雲頂上觀日出逃菴洞口耕芝田春多露潦夏蒸  
暑秋嵐宿瘴冬冰堅名山跋履殊艱苦遊客往往  
虛良緣此時草長毒霧深不如開卷看雲烟我聞  
斯語心頗悸仙踪咫尺遊難遂伊昔薄宦歷寒區  
西北名山窮幽閤嵩恒泰華皆坦途終南大行等  
平地那知蓬瀛一角山選勝探奇良不易因翻舊  
志憶仙踪重向山樵問遺事蓮漏沉沉燈火殘萬  
籟無聲僧已睡明朝挾柁返端州滿船山色橫歸  
路洞天收拾貯奚囊與公重輯羅浮志

蘭皋詩鈔

曉望羅浮

四百峰頭接大通天光雲影入晴空  
好音彷彿來玄鶴霽色依微挂彩虹  
裏丹砂烟火外仙家鷄犬有無中  
憑誰寄語朱明主借我前陂七尺筇

懷仙十三首

安期生

瑯邪阜城人賣藥東海邊秦始皇東遊  
與語三日夜賜金璧度數千萬皆置而  
去以赤玉爲一輛爲報曰後數十年求  
我於蓬萊山相傳蓬萊山三島浮山其

蘭皋詩鈔

卷二十四 粵中紀遊六

二

一也安期生在羅浮嘗採澗中菖蒲服  
之至今父老指菖蒲澗爲昇仙處

瑯邪千歲翁賣藥東海邊秦皇賜金璧棄置阜亭  
前蓬萊渺何處徐市空求仙如何歷漢代飄然來  
洞天神樓起痼疾菖蒲引長年旋赴元洲召羽駕  
隨風烟澗水自清冽遺蹟猶流傳仙靈詎縹緲來  
往白雲端

朱靈芝

師事太素真人受青精飢飯方餌之能  
一日九食亦終歲不饑號青精先生棄

捐妻孥隱居羅浮修煉太清神丹日服一銖有五色鳥銜赤龍芝取服之因名靈芝白日昇天爲太極仙卿治朱明耀真洞天

神仙非渺茫何以致長生黃精與白朮服食能身輕聞昔朱靈芝師事有異人青精授竒方一飯得返真隱居羅浮中煉丹名太清五色鳥啣芝道成列仙卿我我四百峰終古治朱明

華子期

淮南人師祿里先生授隱仙靈寶方書

蘭亭詩鈔

卷三 粵中紀遊六

三

日以還少一日能行五百里力舉千斤一歲十二易其形既仙去居羅浮治泉源福地

子期具仙根避世事祿里先生有異書遂悟玄要理返老復少年飛行誰與比有力舉千鈞變化隨時爾易形固游戲冲舉傳仙史想見靈寶篇應在泉源裏

鮑靚

漢司隸宣之後字太玄明天文河洛書人多從受業號曰儒林晉太興元年步

道上京見一少年姿容整茂徒行甚疾名馬不及靚異而問之曰我中山陰長生也因拜而師事焉授以神仙尸解之法靚爲南海太守嘗行部入海遇風饑取白石煮食之以女妻葛洪洪居羅浮靚晝臨民政夜輒來山語論達旦或見其無車馬止有雙燕往還怪而候之則雙履也後還丹陽卒葬石子岡蘇峻之亂發棺無尸但一大刀而已

白石亦可煮黃金斯可成嗟哉塵世人鹵莽希長

蘭亭詩鈔

四

生何似儒林公作守匪徇名淹貫河洛書旁通龍虎經白晝視簿書清夜適朱明冰玉協清潤空谷諧金聲神仙多吏隱仕籍等塵纓遐心師往哲慨獨中屏營

葛洪

丹陽句容人字稚川少以文學知名好神仙導養之法其從祖葛仙翁以煉丹授弟子鄭隱洪就隱學得其術後又師事鮑大玄玄以女妻之嘗參廣州刺史稽含軍事元帝爲丞相時辟爲掾以平

賊功爵闕內侯聞交趾出丹砂求爲勾  
漏令將子姪俱行至廣州刺史鄧徽留  
之乃止羅浮山棟丹著書號抱樸子忽  
與嶽疏云當遠行尋師尅期便發兀然  
若睡而卒體柔軟如生舉尸輕若空衣  
世以爲尸解云

英雄非常人退步即神仙大哉闕內侯揮手辭凌  
煙遠求勾漏令志在丹砂田子姪與俱行所適豈  
徒然還爲鄧守畱旋車趨洞天居亭非勝侶仙客  
何遷延大人詢叵測妙道應難傳千秋懷古人寢  
食內外篇安得躡雙屐飛上飛雲巔再拜授真訣  
恍惚遇稚川

劉高尚

不知何代人嘗於羅浮山雙髻峰造石  
壇高百尺跌坐其上左右生竹葉符可

鎮蛇虎

斯人信高尚築壇雙髻峰雙髻垂雲鬚山花爛熳  
紅石壇擁巍冠直方靈氣鍾修竹蔭四鄰百尺何  
菁蔥葉上蝌蚪文宛轉盤遊龍佩之入深谷蛇虎  
胥潛踪真人結跏坐一衲無春冬清風生兩腋朗

月明雙瞳清池聞夜樂丹井生芙蓉問年忘歲月  
著論羞雷同俯視羽衣客面目塵埃蒙大藥一無  
成頑仙杯土封翹首眞仙壇縹緲朱明東

黃野人

葛洪弟子洪旣仙去留丹於羅浮柱石  
間野人得丹一粒服之遂爲地行仙常  
行人世形貌變幻莫測或見一無衣而  
紺毛過體者異之再拜問道其人了不  
顧大笑數聲響振林木歌一詩而去詩  
云雲來萬嶺動雲去天一色長嘯兩三

蘭皋詩鈔

卷二十四 中紀遊六

六

聲空山秋月白宋咸淳中有冠方帽往  
來羅浮山中見人則大笑反走亦不言  
其姓名一日醉歸取煤書壁渡海而去  
壁間詩云雲意不知蒼海春光欲上翠  
微人間一隋千仞猶愛梅花未歸

天仙生羽翰地仙戴管輅住世一千年猶如三宿  
客主人已起舉柱礎遺糟粕刀圭一入口典鑰朱  
明宅啞虎爲守門相依忘語默虎醒人迹稀虎睡  
山風寂朝吹丹竈煙夜搗仙方藥仙藥不知名活  
人無取索藍袍縹緲巾韜光編阡陌見人輒吟詩

留題在山壁

軒轅集

唐武宗好談神仙集以山人進宣宗誅趙歸真流集于嶺南因居羅浮人傳數百歲顏色不老髮長垂地坐暗室目光長數丈採藥巖谷蛇獸隨之若衛護與人飲酒袖出一壺傾之彌日不竭人飲之百升不醉垂髮於盤酒漚漚從髮出香味無減著太霞玉書十二篇宣宗召問長生之要對以絕聲色薄滋味宮人

蘭亭詩集

卷五 晉中紀遊六

二

有笑之者翼髮朱唇變爲老嫗謝之乃復故帝問朕得幾年天子取筆書四十字而十上有一起蓋十四年也中使護送還山中途失之則已歸羅浮矣會昌中有僧逍遙者集與丹二粒云可過兩甲子逍遙歸蜀自王衍變故後卒果兩週丁亥云

伊昔軒轅翁著書見大意太上在忘言卮言民斯蔽奉詔赴長安對御還獻替寡慾絕聲色清心薄滋味德施在無偏哀樂歸一致內聖與外王壽身

如壽世江河日滔滔淵源混涇渭神仙不可見委心在方士焉知大還丹不離方寸地謝彼垂雲遊養我浩然氣

呂嵒

河東人字洞賓號純陽祖師常遊羅浮山至一菴中值道士他出獨一小童在前童竊道士酒以獻洞賓引滿使小童盡其餘童若不屑童左目素有內障洞賓以所餘酒喂其目忽然開明若素無

蘭亭詩集

卷五 晉中紀遊六

八

三子謂童子曰汝飲我酒則得仙矣不飲命也當享大年言已飛入石壁隱去及道士歸見所畫山徹壁内外大驚曰山下三口乃嵒字非呂先生乎後童子有有五歲而終

緬昔呂祖翁遺策解羈鞅及第得心空休糧事丹朱陰陽歸掌握日月由摩弄點鐵成精金飛劍顯神用朝入黃龍門暮返黃龍洞黃龍自去來玄鶴相迎送偶來羅浮山游戲疎庸衆山童目青開巖酒度僭僂道士歸來遲羽駕已高和空餘壁上畫



仙筆勢飛動

白玉蟾

字如晦本葛長庚變易姓名以祖任瓊  
州而生自號海瓊子又號曰紫微又曰  
武夷散人得翠虛陳泥丸之術往還於  
羅浮武夷諸山蓬頭跣足一衲敝甚而  
神氣清爽出言成章文不加點大字草  
書龍蛇飛動自寫其容數筆立就所用  
雷印常佩腰間祈禳輒有異應常遊西  
湖至暮隨水及旦兀然水上後歸羅浮

蘭皋詩鈔

卷五

粵中紀遊六

九

莫知所終

我愛白玉蟾頗似李青蓮長庚孕佳氣輝映牛女  
躔采石與臨江騎鯨相後先少事翠虛翁入室契  
泥丸蓬萊返鸞鶴長嘯歸洞天腰間五雷印毫端  
三昧禪草聖龍破壁酒豪虹飲川奇文剖真髓詞  
賦超言詮陽火烹金鼎靈泉灌玉田斯人去已渺  
大地無真仙

藍喬

循州龍川人字子升母陳禱于羅浮山  
而生喬年十二能為詩章有相者謂不

蘭皋詩鈔

為宰相必為神仙喬曰宰相不足為願

輕舉耳自是求道書讀之辭母出遊七

年而歸瓢中出丹一粒謂母曰服之可

長年無疾畱歲餘復有所適以黃金數

斤遺母曰母實用之兒不歸矣潮人吳

復古遇於京師同登汴橋買瓜沒水食

之至夜不出吳候其邸則已寢矣吳知

其得道遂與執爨後遊洛陽布衣百結

入酒肆飲輒數斗能置紙百幅於足下

令人片片曳之無一破者謂人曰吾羅

蘭皋詩鈔

卷五

粵中紀遊六

十

浮仙人也一日貨藥郊外復置紙足底

令人取之紙盡足浮風雲翕翕躍而上

昇仙鶴滿空歷歷聞笙簫之音

羅浮本仙山禱之生佳兒不見藍子升靈應孕及

期異光滿室中十二能為詩儵然慕輕舉將相志

不移一朝辭母去四海求其師黃金果可成丹藥

隨身齋遺母保長年江湖擇所宜故人暫相遇執

爨不復辭自稱羅浮仙踏紙恣游嬉紙盡浮風雲

長吟入紫微

鮑姑

靚之女也靚爲南海太守時葛洪亦以散騎常侍爲勾漏令靚以姑嫁之留于羅浮其後姑與洪相次登仙玉鸞峰即姑飛昇處也至唐時人猶見其行炙於南海有越井岡艾所炙無不愈者

栽栽玉鸞峯仙去峯常在偉哉勾漏令驂鸞挾仙配層城與碧城相去無外內頻來琴瑟音錚錚雜環珮晚歸採靈藥晨起餐沆瀣行炙南海隅仙蹤混闌闌崔生有良緣贈以越井艾蜿蜒玉京子應手得無害去來寧有常俗眼祇自昧緬此煉丹所

蘭山詩集

卷二 粵中紀遊六

十一

三峯聳天外

何仙姑

增城人何泰女生而紫雲遶宅唐天后時住雲母溪年十四夢神人教食雲母粉可輕身遂餌之誓不嫁常往來羅浮山巔持山果歸遺其母後遂辟穀天后召使詣闕中路失之景龍中白日昇仙天寶九載冲虛觀會齋有五色雲起於麻姑壇見仙子縹緲而出道士蔡天一識其爲何仙姑也大層間又現身小石

樓廣州刺史高輦具上其事

雲母溪水清仙人丹未成雲母變紅玉仙人青飢熟服食得飛仙轉身事辟穀朝出蓬萊峰暮返百花谷花開香不知嘉實隨所足持歸奉高堂晨昏供旨蓄麻姑與何姑徽音相似續遙遙五色雲延佇層城曲

詠仙物二首

遺薪

類蚱蜢修體細腰如有節莖草不飛不鳴伏亂莽中人莫辨者觸之則挺四足與根苗無別好事者得之貯管中經久不斃出置露草上蠕蠕欲動世傳葛洪燒丹遺薪所化亦奇物也

丹井宿荒烟餘生火宅邊自甘同草芥不分作薪傳靜得無生忍心依枯木禪入屢嬾垂手差勝地行仙

脉望

細縷如遊絲首尾相接循環不斷斷之有血則滅常挂草木上見者忽爲蛛網山中人識之古謂蠹魚三蝕神仙字化

蘭山詩集

卷二 粵中紀遊六

十二

為脉望是也服之益志延年收貯書帙  
中縮小如微塵不辨有無藏者先識編  
帙遇亭午展卷曝日中則遊絲舒張周  
匝頃刻飛去不可復覓察其飛動急掩

卷什藏能經久不變也

食古終難化小蟲曾不如白魚成脉望慧命在詩  
書仙跡原無字循環用有餘莫辨數行墨披卷問  
居諸

蘭皋詩鈔

卷二十四 粵中紀遊六

十三

蘭皋詩鈔卷二十四 終

蘭皋詩鈔

蘭皋詩鈔卷二十五

長洲宋廣業澄溪

粵中紀遊七

閱前增城令陶肅公羅浮山志寄懷一律  
偶因山志識君名選勝懷人逸興生高論並將崖  
瀑瀉文心爭似碧潭清早歸衡宇思彭澤遍訪名  
山媿向平留得文章藏洞府令人千古憶增城  
海幢慧輪禪師惠羅浮品物四種賦謝

萬年藤

其本緣崖附樹輒數十尋歲久堅韌可

蘭皋詩鈔

卷二十五 粵中紀遊七

一

以為杖

老藤生長仙山裏自古盤根不計年還與老人歸  
掌握朝辭陽谷暮虛淵

萬年松

生獅子峯亭亭蒼翠尺寸有尋丈之勢  
移植盆中以雨水灑之則常青茂

小草勞君遠寄將龍鱗虬鬣此中藏移來返照桑  
榆外寸晷分陰影更長

丹竈泥

晉葛洪煉丹於羅浮冲虛觀後其土黃

一三七

而光潤取之不竭撮土爲丸投之水輒  
生泡少頃白氣如練出于水服之可以  
驅邪疫去躁熱或遇婦人難產者服之  
立効

仙人丹訣在泥丸冷竈無煙却有煙出實入虛無  
盡藏問師大地幾時穿

竹葉符

生羅浮山雙髻峰劉高尚真人築壇百  
尺趺坐其上鍾離仙爲之篆符竹葉以  
鎮蛇虎迄今其竹生葉俱有蟲篆如符

蘭皋詩餘

卷三 粵中紀遊七

二

小兒婦人或戴佩之病者或烹水飲之  
能驅邪疫藏之書帙及衣服中可除蟲  
蟻

朱書緣葉換青蚨野老相傳辟蠹魚借問韋編三  
絕後不知何處看仙符

題羅浮慈山天然兩禪師行楷真蹟

慈山名德清全椒人明萬曆末因黃冠  
之難遁戍雷陽在行間說法與弟子作  
夢引佛事謂以金鼓爲鐘磬以旗幟爲  
幡幢以刁斗爲鉢盂以三軍爲法侶以

行伍爲清規以吶喊爲潮音以參謁爲  
禮拜以諸魔爲眷屬後往來羅浮曹溪  
間大鑒之道勃然中興  
天然名宦旌番禺孝廉感異夢而祝髮  
爲空隱和尚法嗣隨空隱住羅浮華首

臺

筆力皆從道力通得心應手各稱雄精嚴結構歸  
圓鏡變化神明類轉蓬說法行間成夢引皈依華  
首悟真空羅浮勝侶知多少禪藻續紛此二公

慧輪上人見示阿字禪師光宣臺集有賦

蘭皋詩餘

卷三 粵中紀遊七

三

阿字名今無天然和尚法嗣勿遭亂失  
學年十七出家執役之餘篝燈自力忽  
大徹悟詩文釋典信口揮毫無不精妙  
澹歸稱其樂令之清談潘生之文筆兩  
兼有之著有光宣臺集

雷峯門下固多才派衍光宣道藏開口似懸河無  
室礙心如止水絕纖埃密叅至理窮幽境普示顯  
蒙現聖胎塵世幾經緇後從知不昧是西來  
丹霞願來上人見示澹歸禪師徧行堂集  
有賦

澹歸名今釋俗姓金名堡明進士官給  
諫棄官薙髮從空隱禪師住羅浮山之  
華首臺托鉢行乞人無知者著有徧行  
堂集

儒佛由來旨不分行藏合道孰如君半生勁節留  
青史一夕明心禮白雲詩寫性靈歸古澹禪通南  
北絕紛紜徧行堂集名傳久捧誦真同貝葉文

偶成八詠 示益兒

投老懷 明主驅車過粵東兒曹憂隕越臣職屬  
公忠人事無違忤天心豈冥蒙我來何所爲到此

蘭皋詩鈔

卷五 粵中紀遊七

四

意靡窮

微言陳一得薄計念黎民痼瘵經時久綢繆仰化  
神賈生嘗痛哭鄭俠善圖形無限憂心切還期上  
紫宸

足食爲邦本 皇恩捐賑宏九年餘積粟萬戶樂  
深耕慎勿滋霉泥當爲計永亨儲新還易舊出入  
顧充盈

百寶慶豐盈衛民在足兵海洋看浩瀚隘口各崢  
嶸雲起千山暗風來萬壑鳴及時勤調遣宵犬不  
聞驚

蘭皋詩鈔

東西控兩粵擇吏所當先滄海波濤濶蠻溪瘴雨  
連因才無曠職量地有微權何必拘成例公忠爲  
薦賢

百蠻多伏莽團練自難侵搗穴除奸易剝床用力  
深懸旌示鼓舞宵過任追擒端賴循良吏遐邇自  
革心

嶺南稱樂土寧復號徧隅商貨如雲集 君恩湛  
露濡海山饒物產土壤盡膏腴爲語持籌者因民  
利自殊

閒居不在位越俎亦徒謀祇以求民隱還思爲國  
籌况當訓子切彌厯曠官憂夙夜杼愚悃憑茲達  
上游

蘭皋詩鈔

卷五 粵中紀遊七

五

送王振之歸吳門

每下思親淚難爲遊子情一朝辭故國萬里滯歸  
程極目關山遠驚心寒暑更江干相送別此去重  
行行

粵東素無牡丹有人自中州來者攜贈二  
本芳艷可愛漫賦六首

雙株穠豔邁羣芳瘴海驚聞國色香自是玉樓人  
乍起春風含笑闌新粧

名花獨盛小西京攜到端江萬里程曾向仙春館  
裏種餘脂一捻尚分明

沉香遺址草芊芊迴意開元事惘然法曲飄零羯  
鼓歌清平一調至今傳

何必花田數素馨天姿國豔獨娉婷鏡臺一盞舒  
紅艷春容酡顏倚畫屏

明霞作佩錦爲裳月照瓊姿又淡粧莫羨豪家矜  
綺麗欄成百寶護濃香

每憶江南穀雨候鼠姑初放醉嘉辰如何粵嶠東  
風早二月名花已占春

蘭皋詩鈔

卷三 粵中紀遊七

六

二月桂花盛開漫賦八首

二月杏花八月桂昔人詩句至今傳如何嶺嶠多

奇卉丹桂偏於二月鮮

桂花杏蕊一時新却喜仙葩共占春甫折桂枝旋

折杏聯芳應屬少年人

小山叢發滿庭芳羯鼓催花樹樹黃更有梅花開

不盡清香未歇又濃香

桃紅柳綠闌繁華金粟飄香更足誇自是嫦娥愛

春色故教丹桂蚤生花

鼠姑爛熳仲春時何必年年穀雨期無那蟾宮花

並發洛陽應讓一枝奇

薔薇浥露接藤蘿駒父招覓佳句垂豈是廣寒畱  
異種仙芬珠萼長春枝

芝蘭伯仲共爭芳簾閣清幽麗日長玉樹臨風應  
更好還期早探廣寒香

淮南招隱賦棲遲恰喜燕山桂五枝祇望秋來花  
再發靈椿雖老正繁滋

叢汝霖編修督學粵西賦贈

一從珥筆出承明萬里遐荒化雨清池映芙蓉寒

水涿門多桃李曉風輕千秋人重文章價五嶺名

蘭皋詩鈔

卷三 粵中紀遊七

七

高月旦評渺渺離江最憶還期捧袂慰離情

爲顧子耀庭贈字

顧子未弱冠遨遊羣海邊珠同魚目混羽羨鳳毛

鮮蘇轍上書日孫洙對策年命名承祖德光彩耀

庭前

上吳大中丞二首

諱存禮字立齋奉  
天人時巡撫江南

由來治行數吳公南北宣猷譽望同早羨龔黃傳

異政旋臨巴蜀普仁風九重特眷雲霄上六詔

齊歸撫馭中懷德畏威人自服頌聲洋溢遍江東

鳳御丹詔下黔滇移節三吳寵命宣茂苑鶯



花沾化雨鍾陵山水繞祥烟追隨昔共官燕地迎  
謁今猶阻粵天翹首龍光遙獻頌樾陰托庇自年  
年

端江遇風雨十首

端江何茫茫頃刻風雲變風翻雲飛揚馮夸任驅  
遣

龍興百川騰虎吼千山裂風雨正瀾漫雷轟電奔

掣

洪流自西來巨浪起千疊孤舟漾中流兢兢暫停

楫

蘭皋詩鈔

卷五 粵中紀遊七

八

瘴雨忽飛來不辨江中樹履險如平夸我心無所  
怖

雲開見高峽石尤勢尚烈危坐讀道書守真是要

訣時在舟中聞性  
命圭旨一書

須更天地清紅日懸當空錦波躍金鯉光耀徹江

中

萬籟寂無聲千櫓已雲集舟子共歡呼輕橈無繫

繫

瞬息出危灘往來疾如織回憶險中人全憑茲定

力

世事盡如此底須亂胸臆寄語江湖人游行當自  
得

嗟彼行路難涉險常戚戚不知悟本來往往遭沉  
溺

過羚羊大小相諸峽

端州險要地諸峽接孤城東去羚羊束西來湘水  
橫層巒環隘口危舵出高坪自古誇形勝樞臺一

柱擎

羚羊山寺

峽口水奔騰羚羊山寺昔稱履危常繫楫避險得逢

蘭皋詩鈔

卷五 粵中紀遊七

九

僧岡頂千峯繞香雲一佛乘相傳羊化石靈異此  
中憑

龍華寺

羚羊峽口路隔岸象王家曲徑通山頂流泉接水

涯文星朝北闕大士對南華獨峙端江畔奎光暎

彩霞

送霽堂上人

萬里何辭遠扁舟到粵東星岩探勝蹟曹洞識宗  
風到處心神曠忘機耳目空飄然返蘭若佳句滿

瓢中

鑑水齋同署中諸子觀荷六首

冰簟疎簾近水涯  
炎風披拂綠房斜  
不知節候殊  
方早四月先開菡萏花

偶集高朋對酒卮  
揮毫落紙競題詩  
舊傳王儉蓮  
花幕誰繼風流度杲之

花發池中映水紅  
凌波微步夕陽中  
閒來偶向南  
牕倚一縷清香逗晚風

曾記明湖六月天  
藕花深處共流連  
而今蘆葉開  
歌處風景依依又十年

愛看初日映微波  
碧水粼粼秀氣多  
何似江南好  
蘭皋詩夢

風景木蘭艇子采蓮歌

官閣蕭閒白晝長  
捲簾靜挹芰荷香  
碧筒注酒具  
清冽泥飲何妨到醉鄉

寄呈陳大中丞

桂江西望暮雲連  
一別流光又二年  
莫歎曉風摧  
玉樹時抱令孫之痛會看春雨長金荃  
黑頭公輔稱前輩紫

府仙郎啓後賢  
奕奕孫枝應更茂  
含飴置膝綵衣鮮

偕靳呂封少參謝君寵呂啓東李篤生楊

文蔚遠菴沈聯霄王庸菴諸總戎王龍

友林飛寧魏備五曾綏公謝虎臣馬潤

臣各都護暨子志益集迎恩亭觀競渡

漫賦

端江與汨羅相距幾萬里  
龍舟弔屈原無分遠與  
邇只以忠義心流風遍南紀  
渺渺端江波驚龍躍  
水底蜿蜒數十尋  
一鼓兩頭起不知所始終  
天矯真奇詭形如有足  
蟲聲身騁神技齊聲發棹歌雷  
轟差足擬浮沉聽自然  
汎汎無涯湊土人競奔馳  
極目爭相視上下千百年  
風俗常如此何為好事  
者顧與胥江比胥江吳水名  
飾之以旌旗文之以穀綺五

南臺寺詩

卷五 粵中紀遊七

十一

色配五方青紅間金紫  
首尾呼應靈雕鏤真龍似  
鬚鬣各修長爪角雄虎兕  
口呬明月珠晃耀江心  
水旭日麗當空光彩徹  
都鄙鼙鼓響達達喧聞傾  
衆耳蕩滌數十人風行疾  
如駛更有採蓮船過雲  
去天咫諸笑呈嫵媚肖形  
等愧偶陳設悉奇珍華  
燈耀海市觀此繁華景  
餘舟皆披靡炫目豁心胸  
開尊酌酒醴文武慶同心  
澄懷無渣滓休哉天中  
節二難并四美但念民力  
艱寧敢過崇侈存此忠  
義心弔古今猶是

午日集飲沈揔戎水亭再觀龍舟賦謝

天中佳節集江皋高會名流興倍豪爭戲龍舟投  
角黍笑看舞袖醉醇醪旌旗繚繞環都鄙簫鼓喧  
闐震水濠正是太平無事日優游燕樂屬我曹

午日書符

書符當午日鬼魅已潛驚龍虎傳經訣神仙得炁  
精漫誇法善術共仰道陵名禹步揮朱篆風雷筆  
底生

得家書寄慰五女

三載端江上棲遲萬里身汝兄雖薄宦爾父不憂  
貧迢遞音書潤艱難賦稅頻言歸期歲暮相見慰  
酸辛

題徐育菴新構小亭

豈是乘槎客浮家端水濱漁翁曾作侶巢父復爲  
隣風月逍遙得雲山日夕親孤亭成小構吟眺望  
中新

鑑水齋月夜獨坐

池水如明鏡矧當月正圓寒凝銀漢迥清映玉壺  
堅皎潔明吾志精瑩識化權終宵忘假寐靜聽漏  
聲傳

聽陸素安度曲

蘭皋詩鈔

老去蕭蕭白髮多間從明月起清歌誰知子野風  
情減猶向尊前喚奈何

碧雲渺渺晚風輕一串珠喉宛轉清爲問湘中筵  
上客肯將紅豆記新聲

留別玉峯張湯孫年姪

故人今有子相遇在端州每繫關山夢欣逢瘴海  
遊晤言懷舊雨杯酒散新愁追念曩時好還期十  
日留

送少參靳呂封之任左江

與君兩世締金蘭誼若埏埴交最歡三載端溪承  
警效一朝桂水隔林巒其嫌越微多盤錯更歷蠻  
邦致阜安此去微書還早貴故人相與慶彈冠

羅浮山志告成貯版華首臺寄廬異禪師  
三年積想問南能華首臺中一箇僧寶鏡早傳三  
昧印金縷分照五家燈居鄰穗石長如客峯接蓬  
萊獨自登笑我卧遊遊未得聊憑文獻作明徵

讀鄭羽人先生穀遠堂詩集一律

先生高隱甘雲卧大節昭垂震古今叛孽早知同  
草腐貞操寧復畏霜侵著書樂道抒情素問水尋  
山發朗吟令子顯揚追往蹟閱江樓畔仰徽音

嗣二瞻金憲  
督學粵中

舟泊羅隱橋宿德菴遇雨次跡公韻三首  
夜深疎雨灑梧桐況復秋聲悲遠風幸有驚人同  
謝眺寧無奇字問揚雄荒村借榻停孤棹古寺逢  
僧話轉蓬自笑年來空躑躅好將心事付詩筒  
連朝風雨望晴暉滯迹僧寮未得歸絲竹偶隨添  
逸興嘯歌自若被荷衣矜羊峽口翻波浪雲頂峯  
前失釣磯我且置身天地外高山流水撫琴徽  
高僧指點說晴陰造化無心似有心禾黍芄芄滋  
勃發園林鬱鬱潤甘霖閒來共訂名山志望去思  
蘭皋詩鈔 卷三 紀遊七 一四

題顧企賢釣鰲小照

莫負生平學釣鰲君家門第武陵高襟期自比閒  
雲淡骨相還誇神駿豪庖文章超習俗王楊詞  
賦擅風騷一竿獨立瀛州上浪湧波翻起怒濤

壽武林顧京望六十和韻

虎頭早歲佐青霜英銳渾如百鍊剛一自艾年敦  
孝養更誇耆壽慶延長閒居剩有煙霞癖肥遯寧  
謀鴻鴈梁實樹庭前看玉立斑斕舞綵羹稱觴  
七夕乞巧偕同署諸子

端江逢綺節結伴拜天孫乞巧蛛垂網穿針月到  
軒詞傳秦子句貧美阮家禪共酌明星酒何愁醉  
夢昏

蘭皋詩鈔

卷三 紀遊七

十五

蘭皋詩鈔卷二十五終